



Inatsisartut Aningaasaqarnermut Akileraartarnermullu Ataatsimiititaliaat
/maani

AIS2014-imut tunngatillugu Aningaasaqarnermut Ataatsimiititaliap apeqqutaanut akissutit

2014-imut Aningaasanut Inatsisissatut Siunnersuummut tunngatillugu apeqqutiganut oqaaseqaatinullu akissut matumuuna nassiunneqarpoq. Erseqqissaatigineqassaaq apeqqutit ataasiakkaat eqqarsaatigalugit akissutit Naalakkersuisunit akisussaasunit ataasiakkaanit akisussaaffigineqarmata. Pisariillisaanissarli siunertaralugu tamakkiisumik akissuteqartoqarpoq.

01. oktober 2013
Sagsnr. 2013-089613
Dok. Nr. 1351662

Postboks 1037
3900 Nuuk
Tlf. (+299) 34 50 00
Fax (+299) 34 63 50
E-mail: oed@nanoq.gl
www.nanoq.gl

2.1. Suliassaqarfimmut 10-89-imut Naalakkersuisut

Apeqqu:

a. Suliassaqarfimmut 10-89-imut oqaasertaliussaq nr. 4: "Aningaasaqarnermut Akileraartarnermullu Ataatsimiititaliamit tamatuma kingorna akuersissutigineqareerlutik" isumaqanngilaq. Ataatsimiititaliap isumaa malillugu Naalakkersuisut, Aningaasaqarnermut Ataatsimiititaliap akuersineratigut, kontut pingaernerit akomanni nuussinissamut piginnaatinneqarsinnaapput imaluunniit oqaasertaliussamik atuineq pillugu Aningaasaqarnermut Akileraartarnermullu Ataatsimiititaliamut tamatuma kingorna ilisimatitsissuteqartussanngorlugit Naalakkersuisut taama piginnaatitsissummik tunineqarsinnaapput.

Akissut:

Eqqarsaatigilluareerlugu nalilerneqarpoq pitsaasumik ingerlatsisoqarnissaa eqqarsaatigalugu oqaasertaliussaq pisariaqanngitsaq.

Aappassaaneerinninnissamut allannguutissatut siunnersuuteqartoqassaaq oqaasertaliussap peerneqarnissaa siunnersuutigineqarluni.

Apeqqu:

b. Oqaasertaliussaq nr. 5-imut qupperneq 20-imi nassuiaatit. Oqaaseqatigiinni kingullerni allassimavoq oqaasertaliussat utertinneqassasut, tassa siusinnerusukkut inissiinermi Namminersorlutik Oqartussat nallinnik aamma pigisaqarmata suliassaqarfiup 00-ip iluani atorneqartartunik. Suliassaqarfik 00 sunik imaqarpa?

Akissut:

Suliassaqarfik 00 kukkusumik innersuussineruvoq Eqqortoq tassaavoq Suliassaqarfik 01 Inatsisartut Siulittaasoqarfiat.

Aappassaaneerinninnissamut allannguutissamik siunnersuuteqartoqassaaq.

2.2. Konto pingaarnermut 20.12.12-imut Aningaaseriveqartitsineq

Apeqqu:

2013-imi aningaasanut inatsimmi oqaasertaliusseq, nunatsinni piffinni aningaaseriveqarnerup aningaasani illu pilersuinerup imminut akilersinnaasumik ingerlatsiviusinnaanngitsuni tamatuminnga qulakkeerinnit tumik ukiunut arlalinnut atuuttussamik isumaqatigiissuteqarnissamut Naalakkersuisunut piginnaatitsisoq, peerneqarsimavoq. Tamatumunnga suna tunngaviua?

Akissut:

Ukiuni marlunni 2014-ip naanissaata tungaanut atuuttussamik isumaqatigiissuteqarsimaneq patsisaavoq. Taamaattumik 2014-imi kiffartuussinissamik isumaqatigiissuteqarnissaq pisariaqartinneqassanngilaq, taamaattumillu isumaqatigiissuteqarnissamut piginnaatitsisumik oqaasertaliinissaq pisariaqanngilaq.

2.3 Konto pingaarnermut 20.30.01-imut Aningaasaqarnermut Sulisoqarnermullu Aqutsisoqarfik, ASA, al-laffissorneq

Apeqqu:

Allaffissornikkut suliassanik nussuilluni sulineq maanna ukiuni pingasuni ingerlanneqarpoq. Sulineq taanna sumut killippa?

Akissut:

Namminersorlutik Oqartussat naatsorsuuseriviinit 173-iusunit 119-it DcR-imit isumagineqartarput. Suliassat immikkoortotaqarfiit kissaataat DcR-illu piffissami tassani suliassanik ingerlatsisinnaanerit periarfissai aallaavigalugit tunniunneqartarput. Sullissisinnaanerit annertusarneri qarasaasianik atuinerulernikkut suleriaatsinillu allangortiterinikkut ingerlanneqartarput.

Ullumikkut killiffippat tassaavoq naatsorsuuserinikkut suliassat amerlanersaat qitiusumik DcR-imit isumagineqalernikummata. DcR-imit suliaq kingulleq tassaavoq Kalaallit Nunaanni peqqinnissaqarfiup ingerlatsivinni tamani IRIS-ip atulernissaata piareersarnera. 2012-imi ukiakkut debitor- aamma kreditor malitseqartit-sinerit immikkoortoqarfinnit DcR-imit tiguneqarput Akileraarnermut Aqutsisoqarfik kisiat minillugu.

2.4. Kontumut pingaarnermut 35.02.02-mut Umiarsualivinnik aserfallatsaaliineq

Apeqqu:

Aalajangersakkamik suleqatinik avataaneersunik isumaqatigiissuteqarnissamut Naalakkersuisunut piginnaatitsisumik oqaasertaliusseq ilaneqarsimavoq. Suliassat suut isumaqatigiissuteqarfigissallugit Naalakkersuisunit eqqarsaatigineqarpat?

Akissut:

Umiarsualivinnik ingerlatsineq aserfallatsaaliinerlu Naalakkersuisoqarfimmit toqqaanartumik isumagineqartarpoq. Mittarfinnik ingerlatsineq assigalugu suliassanik taakkuninnga isumaginnittussanik immikkut ingerlatseqatigiiffeqanngilaq. Suliassarli ingerlatsinermut attuumassuteqartorujussuavoq, taamaattumillu avataaneersunut suliaqatigiissuteqarsinnaanera pissusissamisoorpoq. Ullumikkut najukkami suliffeqarfik ingerlaavartumik isumaqatigiissuteqarfigineqartarpoq. Isumaqatigiissulli ukiut tamaasa nutartertagasaavoq, ukiuni arlaqartuni atuuttussamik isumaqatigiissuteqarsinnaanissaq inatsisitigut tunngavisaqanngimmat. Ukiuni arlalinni isumaqatigiissuteqartarnerit sunniivigeqatigiinnermik kinguneqartarmata oqaasertaliussat annertusineqarput taamatut piginnaatitsinertalerlugu.

2.5. Konto pingaarnermut 40.10.12-imut Efterskolit

Apeqqu:

2013-imi aningaasanut inatsit naapertorlugu oqaasertaliusseq peerneqartussaagaluarpoq, UKA 12/96-imi malillugu nalunaarutikkut maleruagassiornissamut Naalakkersuisut piginnaatinneqarmata. Sulineq taanna sumut killippa?

Akissut:

2013-imi Inatsisartunut qinersisoqarnerata kingunerisaanik nalunaarutissatut suliaq 2013-imi qularnaatumik angumersisussanngorlugu naammassineqarsinnaasimangilaq. Nalunaarut AI14-imik pingajussaanerinnin-nissaq sioqqullugu atuutilersinneqassappat Naalakkersuisut siunnersuutigissavaa oqaasertaliussat peerneqarnissaat.

2.6. Konto pingaarnermut 40.96.01-imut Ilisimatusarneq

Apeqqu:

a. KVUG-p 1. januar 2013-imi atorunnaarsinneqarnera aammalu ilisimatusarnermut siunnersuisoqatiginnik ataavartumik 1. januar 2014-imi pilersitsinissaq eqqarsaatigigaanni oqaasertaliusseq taanna pisari-aqarpa?

Akissut:

Ilisimatusarneq pillugu inatsisissaq Inatsisartunit UKA 2013-imi akuersissutigineqassappat, Naalakkersuisut AIS2014-imut allannguutissatut siunnersuummik saqqummiussissapput, tassuunakkut siunnersuutigineqas-salluni oqaasertaliussat peerneqarnissaat.

Apeqqu:

b. Inatsisitigut tunngavissat UKA 2013-imi inissereemeqariarpata allannguutissatut siunnersuuteqartoqarnissaa ataatsimiititaliamit naatsorsuutigineqassava?

Akissut:

Aap.

2.7. Konto pingaarnermut 50.01.20-mut Aalisarneq piniarnerlu

Apeqqu:

Angusassat pillugit isumaqatigiissuteqarnermi Aningaasaqarnermut Akileraartarnermullu Ataatsimiititaliap ilisimatinneqartarnissaa ilannguteqqullugu Naalakkersuisut ataatsimiititaliamit qinnuigineqarput.

Akissut:

Naalakkersuisut nalunaarpaat Aningaasaqarnermut Akileraartarnermullu Ataatsimiititaliap tamanna pillugu ilisi-matinneqarnissaa.

2.8. Konto pingaarnermut 73.94.02-mut Nukissiorfiit

Apeqqu:

a. Pisariillisaanermi suliniutit nr. 3-mi taaneqartut piffissami sivirusumi ingerlanneqarmata illuutit pineqartut pillugit naatsumik nassuiaat ataatsimiititaliamit kissaatigineqarpoq.

Akissut:

Oqaasertaliusseq pisariillisaalluni suliniummut aalajangersimasumut tunngatinneqanngilaq, siunertaasorli tassaalluni Nukissiorfiit periarfissinneqassasoq ingerlatsinerminik naleqqussaasinnaanissaminut illuutiminillu tunisaqarsinnaanissaminut.

Taamatut oqaasertaliinikkut Nukissiorfiit pigisanik nalilinnik tunisaqarnermini isertitani nammineq tigummi-innarsinnaassavai. Tamatuma kingorna isertitat sanaartugassanut illuutigisalluunniit aningaasaleqqinnissanut atorneqarsinnaassapput. Taamatut oqaasertaliisoqarsimangippat tunisinermi isertitat Nunatta Karsianut isertitassanngortinneqarsimassagaluarput.

Oqaasertaliussat atorneqarsinnaanerinit tunngatillugu pissutsit assersuusiorfiginiarlugit, makku oqaatigineqarsinnaapput: Nukissiorfiit illoqarfimmi ataatsimi illuuteqarsinnaapput arlalinnik ineriartornerup malitsigisaanik atorfissaarunneqariartortunik. Taamaattoqartillugu Nukissiorfinnit pisariaqartinneqarsinnaasarpoq illu-mik illunilluunniit tunisaqartarsinnaanissaq tunisinermilu isertitat allaffiit, toqqorsiviit sulisullu pisariaqartitaasa illumut ataatsimut katersornerinit atorneqarlutik.

Taamatut naleqqussaaneq Nukissiorfinni ileqqaaruteqarnermik kinguneqarsinnaavoq, illoqarfimmimi ataatsimi illuutit arlallit aserfallatsaaliornissaanut atorneqarnissaallu pisariaarutissamat.

Illutit sorlerpiaat oqaasertaliussamat ilanngunneqarsinnaanerinit nassuiaammik ilanngussinissaq periarfissaqanngilaq, illuutinik tuniniaasarnerni ingerlatsinikkut aalajangigassat ataasiakkaat apeqqutaasarmata.

Apeqqut:

b. Illuutit taakku ilaat sorliit manna tikillugu tunineqarsimappat imaluunniit allanngortiterneqarsimappat aam-malu sorliit sulit tunineqanngillat?

Akissut:

2.8.a.-mut akissummi oqaatigineqartut siunertaasoq tassaavoq Nukissiorfiit periarfissinneqassasoq ingerlatsinerminik naleqqussaasinnaanissaminut illuutiminillu tunisaqarsinnaanissaminut.

3. Nalinginnaasumik nassuiaatit

Allamik allassimasoqartinnagu quppernertut innersuussutit danskisuaanut innersuussutaapput.

Apeqqut:

3.1 immikkoortoq 2, Aningaasaqarnikkut politikimi Naalakkersuisut anguniagaat tunngavissaallu, qupperneq 76

Aningaasaqarnikkut politikimi qanittumut anguniakkat ilaat unaasoq allassimavoq "Aningaasanut inatsit ukiu-mi aningaasanut inatsiseqarfiusumi ukiumilu missingersuusiorfiusumi ataatsimut isigalugu IS-imik oqimaa-qatigiissaarfiusoq". Tamanna qanorpiaq imaqarpa aammalu pisortat aningaasartuutaasa qanoq annertus-suseqarnissaat nunatsinnut naleqquttutut isigineqarpa?

Akissut:

Aningaasanut inatsit ukiumi aningaasanut inatsiseqarfiusumi ukiumilu missingersuusiorfiusuni IS-iniinerini oqimaaqatigiisitsiviusoq teknikkikkut isigalugu tassaassaaq ukiumi aningaasanut inatsiseqarfigisami ukiumilu missingersuusiorfiusuni IS nul-iusoq.

Apeqqutip aappaannut "pisortat aningaasartuutaasa qanoq annertussuseqarnissaat nunatsinnut naleqquttutut isigineqarpa"-mut tunngasoq erseqqissumik akineqarsinnaanngilaq. Taamaattorli oqaatigineqarsinnaavoq pisortat suliffeqarfiini sullissinerup sulit qaffasippallaarnera eqqarsaatigalugu sunniutaa-sartut qaffassarniarlugit aningaasartuutaasartullu ikilisarniarlugit suliniutit arlallit aallartinneqarnikummat.

3.2, immikkoortoq 2.1, AIS 2014-ip aamma naalackersuisooqatigiinnissamik isumaqatigiissummi anguniakkat pingaarutillit ataqatigiissinnerat, qupperneq 76

Apeqqu:

a. Iluarsaaqqinnermik suliniutit sorliit Akileraartarneq Atugarissaarnerlu pillugit Isumalioqatigiissitap kaammattuutai aallaavigalugit ingerlanneqarnissaat kissaatigineqarnersoq pillugu aammalu taakku aningaasanut inatsimmut qanoq sunniuteqarnissaannik qulaajaanissamut Naalackersuisut isummernissaminut periarfissaqarsimanngitsut ammalortumi siullermi allassimavoq. Tamatumalu peqatigisaanik kapitali tassani qulequttap "Iluarsartuusseqqinneq", qup. 77, ataani allassimalluni Naalackersuisut AIS 2014-imik suliaqarnerminni Akileraartarneq Atugarissaarnerlu pillugit Isumalioqatigiissitamit kaammattuutit toqqammavigigaa. Imminut assortuuttumik taama oqarneq nassuiaatissartaqarpa?

Akissut:

Akileraartarneq Atugarissaarnerlu pillugit Ataatsimiititaliarsuup isumaliutissiissutaa aallaavigalugu Naalackersuisut aalajangerput suliaasaqarfiit sorliit iluarsattuussivigineqassanersut, allattorsimaffik qupperneq 77-imiittoq takujuk.

Aaqqissuusseqqinnissalli erseqqinnerusumik aatsaat immikkoortiterneqarsinnaalissapput itinerusumik misissueqqissaartoqareerpat, suliaasarlu tamanna AIS2014-ip naammassineqarnissa sioqqullugu pinnaasimanngilaq. Tamatuma kingunerisaanik misissueqqissaarluni suliaq annertoq Naalackersuisunit aallartinneqarpoq, taakkulu utoqqalineriat, akileraartarnerup, ineqarnerup isumaginnikkullu ikiorsiisutaasartut aaqqissuuteqqinnerani tunngavigineqassapput.

Suliap ingerlanneqarnera pillugu Aningaasaqarnermut Akileraartarnermullu Ataatsimiititaliaq Naalackersuisunit ingerlaavartumik ilisimatinneqartassaaq.

Apeqqu:

b. Iluarsaaqqinnissat qup. 77-imi tullerriaarneqartut pillugit pingaarnertut anguniagassat sutigut sukateriffigineqassanersut imaluunniit qasukkartinneqassanersut Naalackersuisut paasissutissiissutigisinnaavaat aammalu taakku, assersuutigalugu soraarnerussutisiaqalersinnaanermut ukioqassutsip agguaqatigiissillugu inuuneqqortussutsimut naleqqussarnissaanut, qanoq kinguneqassappat?

Akissut:

Siusinnerusukku oqaatigineqareersutut aaqqissuusseqqinnissat ilusissavia massakkuugallartoq isummerfigineqarsinnaanngilaq, taamaattumillu suliniutit ataasiakkaat sunniutissaat oqaatigineqarsinnaanngikkallaruni.

Tamakkiisumik siunertarineqartoq tassaavoq pisortat aningaasaqarniarnerisa siunissami attaneqarsinnaa-sumik ingerlanneqarsinnaanissaat qulakkeerniarlugu aningaasartuutaasartut isertitaasartullu pitsaanerusumik oqimaaqatigiississinnaalernissaat. Aaqqissuusseqqinnerit inunnu ataasiakkaanut sunniutissaat sukaterinermik qasukkaanermilluunniit kinguneqassanersut inummiit inummut allanngorarsinnaavoq. Aaqqissuusseqqinnerit nammineq pilersornerulernissamut suliffeqalernissamullu kajungilersitsissapput pisortallu ikiorsiissutigisartagaasa oqimaaqatigiinnerusumik agguarneqartalerneranik kinguneqassallutik.

Soraarnerussutisiaqalersinnaanermut ukioqassutsip agguaqatigiissillugu inuuneqqortussutsimut naleqqusartalernissaa pisariaqarpoq Kalaallit Nunaanni innuttaasut ukioqqortussisarnerisa allanngorujusuartussanngornerisa kingunerisaanik. Inuiaqatigiinni utoqqaat amerliartorput ilutigalugulu agguaqatigiisillugu inuuneqqortusiartorpugut, peqqinnarnerusumik inuusaasseqalernitta peqqinnissaqarfimmilu ineriartornerup kingunerisaanik. Innuttaasut inuuneqqortussusinerat nuannaarutissaavoq, ilutigaluguli soraarnerussutisiaqalersartunut aningaasartuutit qaffakkiartorput. Soraarnerussutisiaqalersartut ukiuisa

naleqqussarnissaat tassanngaanaq pissanngilaq inuuneqqortussutsilli allanngorarneri naapertorlugit naleqqussaasoqartassalluni. Inuilli napparsimanertik il.il. pissutigalugu sulisinnaajunnaartut soorunalumi immikkut isiginiarneqartassapput.

Soraarnerussutisiaqalersinnaanermut ukioqassutsip agguaqatigiissillugu inuuneqqortussutsimut naleqqus-sartalernissaa arlalitsigut unammilligassartaqarpoq utoqqalisut suliinnarsinnaanissaanut periarfissat eq-qarsaatigalugit. Taamaattumik soraarnerussutisiaqalersarneq tamakkiisumik aqqissuteqqittariaqarpoq, tassani isiginiarneqassallutik inuuneqqortussutsip ineriartornera aammalu qulakkeerniagassaalluni utoqqaat suliinnarsinnaanerisa imminut akilersinnaanissaa. Tamanna inuiaqatigiinnut utoqqarnullu ataasiakkaanut iluaqutaasaaq.

3.3, immikkoortoq 3.1, Ingerlatsinermi suliniutit nutaat, qupperneq 78

Apeqquut:

Ernianut aningaasartuutunik tamakkiisumik ilanngaassuteqarsinnaatitaaneq 2014-imit atuutilerseqqinne-qassasoq titarnertaat aappaanni allassimavoq. Nunatta Karsianut 12 mio. kr.-erluinnarnik aningaasartu-utaanerussusaq taanna qanoq aningaasalersomeqassava?

Akissut:

Aningaasartuutaanerussat AIS2014-imi saqqummiunneqartumi aningaasalersomeqareerput. Soorlu kontumi pingaarnermi 20.05.20 Kommuninut ataatsimoortumik tapiissutit 9,2 mio. kr.-inik amerlineqarput, ernianut aningaasartuutitut tamakkiisumik ilanngaassuteqarsinnaatitaanerup eqquteqqinneratigut kom-muninut akileraarutitigut annaasassanut matussutissatut. Aningaasartuutaanerussat sinneri kontumi pingaarnermi 24.10.10 Nuna tamakkerlugu akileraarutini nalinginnaasumik missingernerini isertitassatut ilaatinneqarput.

3.4, immikkoortoq 3.2, Sipaarutit isertitaqarnerunerlu, qupperneq 79

Apeqquut:

Naalackersuisut kontumi pingaarnermi 20.11.56-imi, allaffissornermi missingersuutunik iluarsinermut tun-ngasumi, pisiortortarnermi sipaaruteqarnerup kinguneranik sipaarutit 2014-imi 9 mio. kr.-it, 2017-imi 17 mio. kr.-inngortussat ilanngukkaat titarnertaami siullermi allassimavoq. Naalackersuisut allapput Qi-tiusumik Pisiortortarfiup pisiortorneq pillugu isumaqatigiissusiaasa atornissaannut tunngatillugu immik-koortorta qarfiit ingerlatsiviillu taakku ataanniittut imminnut annertuumik aqunnissaat tassunga atatillugu pingaartuusoq. Ilinniartunut inissaqartitsinissamik pilersuisut piumasaqarfigineqartarnissaat pisiortorner-mut politikimi nutaatut qulakkeerneqassasoq aningaasaqarnikkut ingerlatsineq pillugu 2013-imi nalunaarummi allassimavoq. Tamatuma saniatigut pisortat pisiortorneranni inuuniarnikkut attan-eqarsinnaasumik ingerlatsisoqarsinnaaqqullugu pilersuisut CSR-politikeqarnissaat pisiortornermut politi-kimi pingaartinneqarpoq.

a. Immikkoortortat ataasiakkaat aningaasaqarnikkut namminneq iliuseqarsinnaassusiat pisussaaffeqarn-eralluunniit taamatullu najukkami pilersuisut qitiusumik allaffeqarfiup piumasaqaatigisaanik eqquutsitsis-innaa-nerat eqqarsaatigalugu aqqqissuussinerup atorneqarnissaanik piumasaqarneq qanoq kinguneqas-sanersoq paasissutissiissutigineqassasoq ataatsimiititaliamit kissatigineqarpoq?

Akissut:

Pisiortortarneq eqqarsaatigalugu isumaqatigiissutit marluttut iluseqarput. Isumaqatigiissut tamanit atugas-sannngortitaq imaluunnit piumasunit atorneqarsinnaasoq.

Isumaqatigiissutit tamanit atugassannngortitat eqqarsaatigalugit Namminersorlutik Oqartussani immik-koortorta qarfiit pisussaaffilerneqarput pisiortortarnermut isumaqatigiissummik atuinissaminnut, - nammin-nerli aalajangersinnaallugu qaqugu aamma suut pisiarineqassanersut. Isumaqatigiissutit tamanit

atorneqarsinnaasut tassaapput akikillilikkanik pisiortornissanut neqeroorutit. Pisiortorfiit kikkuussanerinik Qitiusumik Allaffeqarfimmit piumasaqaatit eqqarsaatigalugit tamakku sulianut ataasiakkaat aallaavigalugit naleqqussarneqartassapput.

Najukkani pisiortortarfiit neqerooruteqarnissaminut periarfissaqarput, neqerooruteqavinnermikkut pis-inermiluunniit.

Ilinniarfissat praktikkerfissallu pillugit siunissami piumasaqaateqartalernikkut najukkani pisiortortarfiit unammillersinnaanerit pitsanngortinneqassaaq.

Konto pingaarnermi 20.10.22-mi, isertitat allanut tunngasumi, isertitassat 90 mio. kr.-inik amerlineqartut, taakkulu tassaasut Qinngutsinni inissianik tunisinermit iluanaarutissatut naatsorsuutigisat qupperneq 80-imi allassimavoq.

Apeqqut:

b. Sulooqqami inissianik tunisinermit iluanaarutissatut naatsorsuutigisat isumalluarpallaartumik annertus-susilerneqarsimasut ataatsimiititaliaq nalinginnaasumik isumaqarpoq. Inissiat tiginissaannut attartortut qanoq soqutiginnitsiginersut Naalakkersuisunit misissorneqarsimava.

Akissut:

Naamik, najukkanilli nutaanik nutartikkanilluunniit tunisaqartarneq pitsaasumik misilittagaqarfigineqarpoq.

Apeqqut:

c. Inuussutissarsiortut nalunaatsunik atugassaqartinneqarnissaannik Naalakkersuisut oqarnerat ataatsimii-titaliamit isumaqatigineqarpoq. Niuerfinni akit peqassutsimik piumaneqassutsimillu aalajangerneqartarput. Taamaattumillu inissianik taama amerlatigisunik tunisinissamik Naalakkersuisut pilersaarutaat niuerfinni akinut malunnaatilimmik sunnuteqassasoq naatsorsuutigineqartariaqarpoq. Niuerfimmi tuniniaasup nu-taap taama angitigisup taama iliuuseqarnera inuussutissarsiortunit, aningaasalersuisartunit aammalu il-lunik niuerfimmit qanoq qisuariarfigineqartussatut Naalakkersuisunit naatsorsuutigineqarpa?

Akissut:

Tuniniaanissat piffissami sivisunerusumi ingerlanneqarsinnaanissaat pillugu Naalakkersuisut an-ingaaserivinnik pitsaasumik oqaloqateqarput. Ilaatigut allaffimmiunit ilaasortaaffigineqartumik suleqatigiis-sitamik suligasuartussamik pilersitsisoqarpoq, tuniniaanernut atatillugu aporfiusinnaasut pillugit nalunaarusiortussamik. Susasaqartut allat pisariaqartitsineq naapertorlugu akulerutsinneqartassapput. Suleqatigiissitap suliaasa AIS2014-ip aappassaaneernissaanut allanngortitsinermik kinguneqarnissaa naatsorsuutigineqarpoq, tassani isertitaasussat 2014-2017 siaruarniarneqarlutik.

Apeqqut:

d. Inissianik Naalakkersuisut tuniniaanerit inissianik piginnittut peqatigiiffiisa aaqqissuussaanerannut sun-niuteqassava?

Akissut:

Naamik

Apeqqut:

e. Inissianik taamaattunik allanik tuniniaanissamik Naalakkersuisut pilersaaruteqarpat?

Akissut:

Massakkuunngitsoq, tamannali piviusunngorsinnaavoq illunik tuniniaanissat Naalakkersuisunit tun-ngaviatigut aklerineqanngimmat, taamaasiortoqarneratigummi namminerisamik ineqartut amerlisinne-qarsinnaammata. Ininik attartortakkanik nammineq pigisassanngorlugit tuniniaasoqaaqqissappat tamanna

makku naapertorlugit pissaaq; aningaaseriviit kaammattuutaat naatsorsuutigisaallu, nammineq pigiligasanik inissianik tuniniaanissami atugassarititaasut, Nunatta Karsiata aningaasanik isaatitsinissamik pisariqartitsineri minnerunngitsumillu Naalakkersuisut ininik attartortut nammineq oqartussaaffigisaminnik ineqarsinnaalernissaanik politikkiat malillugu.

Apeqqut:

f. Washington D.C.-mi Kalaallit Nunaata sinniisoqarfianik pilersitsineq ICC-mut aningaasaliissutinut qanoq attuumassuteqarnersoq ataatsimiititaliamit paaserusunneqarpoq?

Akissut:

Aningaasanut Inatsisissatut Siunnersuummi ileqqaarfissani isertitaqarneruffissallu ataani allassimavoq "ICC-imut tapiissutaasartut ikilisikkiartornissaat Kalaallit Nunaata Washington D.C.-mi aallartitaqarfeqaleriarnernanut attuumassuteqartutut isigineqartariaqartoq". Kalaallit Nunatta Washington D.C.-mi aallartitaqarfeqalerniarnera ICC-mullu tapiissutaasartut ukiut ingerlanerini ikilisikkiartornissaat imminnut toqqaanartumik attuumassuteqanngillat.

Aningaasanut Inatsisissatut Siunnersuummili aningaasartuutaanerusussanik siunnersuuteqartoqartillugu ileqqaarfiusinnaasut oqimaalutarneqartariaqartarput. ICC-mut tapiissutit ikilisikkiartornissaat aningaasanut inatsisissanut atatillugu 2008-miilli eqqartorneqartarsimavoq, tamannali maannamut annikitsuinnarmik kinguneqartinneqarsimavoq. ICC ajornaquteqanngitsumik Inuit kattuffiinik Alaska aamma Canadameersunik su-leqateqartarsinnaavoq aqqutissallu allat soorlu nunarsuaq tamakkerlugu suliniutissanit aningaasaateqarfiillu aqqutigalugit aningaasassarsiorluarsinnaalluni. Tamanna ullumikkut ilaatigut ingerlanneqartareerpoq.

Apeqqut:

g. Akileraartarnermut akitsuusiisarnermullu tunngasuni, ilaatigut konto pingaarnermi 24.11.12-imi, raajanut akitsuutinut tunngasumi, isertitaqarnerussutissatut siunnersuutit ilanngunneqarsimapput. Akitsuutinik qaffaernerup aalisarnermik inuussutissarsiummut sunniutissai misissuiffigeqqissaarneqarsimappat?

Akissut:

Aap, akitsuutinik qaffaernerup aalisarnermik inuussutissarsiummut sunniutissai misissuiffiqineqarnikuupput. Avammut tunisaqarnermi agguaqatigiisilluni akiusut kg-imut 21,7 kr.-iutillugu naatsorsuutigineqarpoq 2014-imi 37.805 tonsit avammut tunineqassasut, tassangalu akitsuutinit isertitassat 16 mio. kr.-inik qaffannissaat missingerneqarpoq raajanut akitsuutinut nalileeriaatsimut tunngaviummik akigitinneqartup 11,7 kr.-init 9,6 kr.-inut appartinneratigut.

Tabel 1: Kilisaatit raajarniutit tunisassiortut akitsuutit qaffanneqannginnerani qaffanneratalu kingorna immi akilersinnaasusut

Imminut akilersinnaassuseq 22,5 pct.

Akitsuutit 16 mio. kr.-inik qaffannerisigut immi akilersinnaassuseq 21,2 pct.

Note: 2011-imi naatsorsuutit naapertorlugit soorlu Royal Greenland.

Tabel 1-imi immi akilersinnaassuseq tassaavoq aningaasaliisimanernit isertitat (aalisariutit pisiarinerni akiusunut sanilliullugu nalikilliliinnginnermi akileraannginnermilu angusat). Akitsuutit 16 mio. kr.-inik qaffariarnerat immi akilersinnaassutsimi 20 %-imit qaffasinnerusup paasinarsisippaa kilisaatit tunisassiortut akitsuutinik qaffaanissamik naatsorsuutigisaq nammassinnaasagaat. Aalisarnermut tunngatillugu paasissutissat naapertorlugit nalinginnaasumik akilersinnaassuseq 10 %-iutinneqarpoq.

3.5, immikkoortoq 3.3, Sanaartorneq, qupperneq 80

Apeqqu:

Nuup avataani sanaartornerup annertusineqarnissaa inissiallu pinnagit paaqqinnittarfiit amerlanerusut sanaartorneqarnissaat Naalackersuisunit pingaartinneqartoq titarnertaaq siullermi allassimavoq. Taakku kommuninut sisamanut procentinngorlugit agguataarsimanerat ataatsimiititaliamit ujartorneqarpoq.

Pisortat sanaartornerannut atatillugu amerlanerusunik ilinniartoqalernissaq qulakkeerniarlugu suliniutit 2013-ip ingerlanerani aallartinneqassasut Naalackersuisut qupperneq 82-imi allapput.

b. Suliniutit suut Naalackersuisunit eqqarsaatigineqarpat?

Akissut:

Sanaartugassat amerlanerusut akit kisiisa aallaaviginagit pitsaassuserli aallaavigalugu suliakkiutigineqartalernissaat eqqarsaatigineqarpoq. Taamaasiortoqarneratigit suliassamut aalajangersimasumut tunngatillugu sanaartortussat (entreprenørit) lærlingit ukiumut qanoq amerlatigisut atornissaat aallaavigalugit unammisinneqarsinnaalissapput.

Apeqqu:

c. Illuutini aserfallatsaaliinissamik ajornartorsiut angeqisoq Naalackersuisut pilersaarutaanni qanoq ilaatinneqarpa?

Akissut:

AIS 2014-imi qupperneq 82-imi oqaasertaliussat innersuussutigineqarput: "Anguniaagaavoq sanaartornermi aserfallatsaaliuinermilu suliassat kattunneqassasut immikkoortumillu qitiusumik pilersitsisoqassasoq, taakkulu sanaartornermi suliamik ingerlatsinermi ajornartorsiutinut unammilligassanullu ajornakusoor-tunut naapertuutissapput. Pitsaanerusumik sanaartornermik pilersaarusionerq ilaatigut pilersaarusionermi suliameillu ingerlatsinermi aqutsinermi sakkunik digitaliusunik annerusumik atuinissamut aqqutissiuissapput, tamassumalu ilaatigut sanaartornermiit ingerlatsinermut aammalu Namminersorlutik Oqartussat illuutaannik ullumikkumiit aaqqissuussaannerusumik aserfallatsaaliuinermut siunissami ikaarsaariarnissaq pitsanngorsassavaa. Piffissami sivilisunerusumi taamatut suliniuteqarnerup kinguneratut annertuunik sipaaruteqartoqassaaq pisullu imminnut sunneeqatigiittassallutik.

Apeqqu:

d. Namminersorlutik Oqartussat sanaartornerannut tunngatillugu ataqatigiissaarilluarnerunissamut inasuteqaateqartussamik allaffissornikkut sulineq aallartinneqartoq, tassungalu ilanngullugu kommuninik suleqateqarneq nukittorsarneqassasoq qupperneq 82-imi allassimavoq. Tamatuma itisilerneqarnissaa ataatsimiititaliamit kissaatigineqarpoq.

Akissut:

Immikkoortoq 3.5.c-mi akissutit innersuussutigineqarput.

3.6, immikkoortoq 4.3, Inuussutissarsiutit ineriartorfiusut, qupperneq 85

Apeqqu:

Aatsitassat uulialu pillugit periusissiaq piffissamut 2014-2019 atuuttussanngorlugi nutarterneqassasoq allassimavoq.

a. Taanna Naalackersuisunit qaqugu saqqummiunneqassava aammalu Inatsisartunut saqqummiunneqassava?

Akissut:

Uulia aatsitassallu pillugit periusissaq 2014-2018 sularineqaleruttoq Naatsorsuutigineqarluni Inatsisartut 2014-imi upernaakkut ataatsimiinneranni saqummiunneqarsinnaassasoq.

Apeqqu:

b. ALCOA-mik suliniut sumut killippa?

Akissut:

Naalackersuisut uppernarsimmat Alcoa isumaqatigiinniaqqinneqarsinnaassasoq. Isumaqatigiinniarnissani piginnaatitsissut UKA 2012-imi piginnaatitsissut akuerineqartoq assigingajappaa. Septembarimi Alcoa marloriarlugu ataatsimeeqqatigineqarpoq. Tamatuma saniatigut ukiap ingerlanerani ataatsimeeqatigeeqqinnissaq isumaqatigiissutigineqarpoq. Alcoap ilisimatitsissutigaa isumaqatiginninni-avinnissat eqqarsaatigalugit suliat angisuut pillugit inatsisissap isummerfigineqarnissaa utaqqimaarneqartoq.

3.7, immikkoortoq 4.4, Aalisarnerq, piniarneq nunalerinerlu, qupperneq 87

Apeqqu:

Nungusaataannqitsumik atuineq tunngavigalugu aalisarnerup inuiaqatigiit aningaasaqarneranni annertun-erpaamik pissarsissutigineqarnissaa aalisarnermi pingaarnertut anguniagaasoq allassimavoq.

a. Taama oqarnerminni Naalackersuisut suna pivaat?

Akissut:

Aalisarnerup kalaallit aalisartuinit ingerlatseqatigiivinillu ingerlanneqarneratigut pisallu nunami suliffissuar-nut tulaanneqartarnerisigut aalisarnerup pissarsissutaanerpaanissaa Naalackersuisut kissaatigaat. Naalackersuisut kissaatigaat tunisassiornerit nunami suliffissuarni ingerlanneqartarnissaat suliff-issaqartitsiniarnermut iluaqutaasussamik.

Kalaalimineerniarfinni periarfissat annertusarneqarnissaannik Naalackersuisut anguniagaat pillugit immik-koortumi allassimavoq aalisartut piniartullu tunisassiassanik tuneqqitassanik pilersuisutut akuersissuteqar-tinneqartalissasut.

Apeqqu:

b. Nunalerinermi assersuutigalugu naatitanik tunisassiornermi aamma tamanna isumaliutigineqarpa?

Akissut:

Nunalerinermik ingerlatsisut / naatitsisartut tunisassianik kalaalimineerniarfinni tuneqqitassanik pilersuisu-tut aalisakkanik neqinillu periutsit assigalugit akuerineqaaqqaartarnissaat inatsisitigut maleruagassaqaanngi-laq, tamassumalu pilersaarusiornissaa pilersaarutaangilaq, tamaallaat piumasaqaataavoq GER-imi nalunaarsorneqarsimassasut. Taamaattoq Nunalerineq pillugu kommissionip sulinermini naatitanik tunis-assiornermut tunngasut ilanngullugit misissorpai, akuersissuteqaaqqaartarnissaq immikkut samminngikka-luarlugu, massakkummi tuniniaqqitassanik naatitsisartut pingasuinnaammata. Akuerissuteqaaqqaartarnis-saq aatsaat pisariaqalissaaq naatitsisartut amerlippata imaluunniit tamanna uummasut nakorsaanit pi-umasarineqarpat.

3.8, immikkoortoq 4.5, Suliffissaqartitsinermit, piginnaasanik annertusaanermut nooriataarsinnaanermullu pilersaarut, qupperneq 89

Apeqqu:

Piukkunnartut pillugit immikkoortumi allassimavoq taanna suliffeqarnermi suliniuteqavinnermi tapersiisoq.

a. Tamatuma kingorna suliffissaaleqisut ilaat qanoq amerlatigisut suliffittaarsinnaasutut Naalackersuisunit naatsorsuutigineqarnersut ataatsimiititaliamit paaserusunneqarpoq. Taamatutaaq avataanit suliarortut nunaqavissunit taarserneqarnerannik taamatut sulineq peqataaqataasinnaasutut Naalackersuisunit naatsorsuutigineqarnersoq ataatsimiititaliamit paaserusunneqarpoq.

Akissut:

Piukkunnartut immikkoortitertalernissaanik periuseq suliffissaaleqisut ajornartorsiutaasa paasineqartarnissaanut taamaasillunilu suliffissaqalersinniarlugit suliniuteqarnissani sakkussaavoq.

Piukkunnartut immikkoortitertalernissaanik periuseq pingasoqiusaavoq: 1 tassaapput suliffissaaleqisut sulileriaannaat, suliffissaqartitsiniarluni periutsit eqqarsaatigalugit immikkut suliniuteqarfigisariaqanngitsut.

Piukkunnartut 2 tassaapput suliffissaaleqisut sulinermik inuussutissarsiuteqalernissaminut suliffissaqartitsiniarnikkut immikkut iliuseqarfigisariiallit.

Piukkunnartut 1 aamma 2 suliffissaqartitsiniarnermi suliniutit aqutigalugit ikorfartorneqarsinnaapput, soorlu suliffinnut inuttassarsiukkanut innersuuttarnerisigut, piginnaanngorsarfigisassat paasineqarnerisigut, ilinniartinnerisigut nuunnissaanulluunniit ikiornerisigut. Immikkoortut taakku marluk eqqarsaatigalugit piffissami qanittumi nammineq pilersulersinnaanissaat ajornaqutsissaqanngilaq.

Kalaallit Nunaanni suliffissaaleqisut amerliartoneri ilutigalugit, aamma sulileriaannaat piukkunnartut 1-mi innuttaasut aamma suliniuteqarfigineqarnermikkut sulilersinnaasut 2-mi innuttaasut akornanni, nunanit allanit Nunatsinni suliniarlutik nuuttartut amerliartorput. Tamanna ajornartorsiutaavoq marloqiusatut taaneqarsinnaasoq. Kalaallit suliffissaaleqisut amerlaqaat aamma suliffissaqarpoq inuttaligassanik, taakuli nunanit allaneersunit atorfinitsitsinikkut suliffineqalersarput. Taamatut ineriartorneq aatsaat unitsinneqarsinnaavoq suliffeqarnermi susassaqartut, kommunit Namminersorlutik Oqartussallu suleqatigiinnerisigut.

Suliniutit aallartinneqareerput ilaatigut Nuna Tamakkerlugu Suliffissaqartitsiniarnermut Siunnersuisoqatigiinnik, pilersitsisoqarneratigut nuna tamakkerlugu suliffissanut portal-imik pilersitsinikkut aammalu siunissaq ungasinnerusoq isigalugu suliffissaqartitsiniarnikkut periusissanik suliamik aallartitsisoqarneratigut, taannalu 2014-ip ukiuata affaani siullermi saqqummiunneqassaq.

Suliniutit kalaallit sulileriaannaat suliniuteqarfigineqarnermikkullu sulilersinnaasut ilinniarsimanngitsutut suliffissanik tiguisalerneranik kinguneqartussat, tamakku ullumikkut nunatta avataaneersunit suliffigneqalersartut, tamakkulu suliffissaqartitsiniarnikkut periusissami ilaasussaassapput.

Piukkunnartut 3-miittut tassaapput innuttaasut inuttut peqqinnissakkullu annertuumik ajornartorsiutillit taamaasillutillu suliffissanik neqeroofigineqaraluarlutik tiguisinnaanngitsut. Ajornartorsiutaagajuttut tassaapput annertuumik tarnikkut nappaateqarnerit aamma/imaluunniit imigassamik atorerluisuunerit.

Piukkunnartut 3-mi innuttaasut inuttut peqqinnissakkullu annertuumik sullinneqaaqqaartariaqartarput suliffissaannik neqeroofigineqarsinnaalersinnagit. Pineqartut imaasiiallaannaq sulilersinneqarsinnaanngillat naak suliffissaaleqisutut nalunaarsorneqarsimagaluarlutik. Pimoorussamik qularnanngitsumillu sivirusumik suliniu-teqarfiginerisigut innuttasut piukkunnartut 3-miittut suliffeqaaqilersinnaassapput. Taamaattorli amerlasuut – nunani avannarlerni misilittakkat naapertorlugit – nikerartumik sulisariaqartarput, suliffeqartariaqartarput akissarsianut tapit atorlugit imaluunniit suliffinni unammilligassanut naleqquttuni sulisariaqartarput.

Neqeroorutit innuttaasunut piukkunnartut 3-miittunit pisariaqartinneqartut suliffissaqartitsiniutit aqutigalugit isumagineqarneq ajorput, isumaginninnikkulli oqartussaasunit peqqinnissaqarfimmillu isumagineqartarlutik, taakkulu tassaagajupput suliffeqaleqqinnissamut ikiorsiisinnaasut.

3.9, immikkoortoq 4.6, Nunaqarfiit avinngarusimanerusullu ineriartortinnegarnissaannut pilersaarut, qupperneq 90

Apeqqu:

Suliaq taanna kommuninik qanimut suleqateqarluni ingerlanneqarnersoq ataatsimiititaliamit paaserusunne-qarpoq, saneqqunneqarsinnaanngimmammi taakku nunaqarfinni isorliunerusunilu ineriartortitsinissamut pisariaqartitsineq qaninnerugaat?

Akissut:

Kontumi pingaarnermi 64.01.05 Nunaqarfinni isorliunerusunilu inuussutissarsiornermi suliffeqarnermilu ineriartortitsinermi aningaasaliinissanut tunngavissani ilaatigut allassimavoq "Suliassaq Inuussutissarsiornermut, Aatsitassanut Suliffeqarnermullu Naalackersuisoqarfimmit akisussaaffigineqarpoq suliassallu KANUKOKA aamma kommunit suleqatigalugit ataqatigiissaarnissaat akisussaaffigalugu.

Naalackersuisut KANUNUPE peqatigalugu isumasiortitseqqammerput iluatsilluartumik, taannalu 2014-imi nunaqarfimmiunik ataatsimeersuartitsinermik malitseqartinneqassaaq.

3.10, immikkoortoq 4.7, Peqqissutsimut periusissiaq, qupperneq 91

Apeqqu:

Pisariillisaanissat nassaarniarlugit peqqinnissaqarfik suliuartoq allassimavoq. Peqqinnissaqarfiup pisariillisaanarluni suliuamera ataatsimiititaliamit nuannaarutigineqarpoq.

a. Taamatut sulinermi sipaarutissatut anguniagassanik aalajangersaasoqarsimanersoq aammalu suliassat suut erseqqinnerusumik nukittorsaaviginiarneqarnersut paasissutissiissutigineqassasoq ataatsimiititaliamit kissaatigineqarpoq?

Akissut:

Apeqqu ima paasivarput pisariillisaanissaq eqqarsaatigalugu immikkoortut sorliit nukittorsarniarneqarnersut.

Deloittep nalunaarusiaa naapertorlugu akit akissarsiallu iluarsiiffigereernerisa saniatigut peqqinnissaqarfimmi aningaasartuutit ukiumut 20-30 mio. kr.-inik qaffattarput. Aningaasartuutit annertusiartortut, innuttaasut agguataarnerisa allanngoriartorneranik patsiseqartut, ilanngunneqarput.

Al2012-imiit Peqqinnissaqarfimmut aningaasaliissutissat innuttaasut agguataarnerisa allanngoriartornerisa kingunerisaanik nalimmassarneqartarsimapput, taakkulu 2014-imi 14 mio. kr. missaaniinnissaat naatsorsorneqarsimavoq (ukiut siulini marlunni innuttaasut agguataarnerisa allanngoriartornerisa kingunerisaanik nalimmassaatit ukiumut 7-9 mio. kr.-iusarsimapput). Ullumikkut sullissinerit pitsaassusaat attatiinnarliarlugu aningaasaliissutit amerlinngikkaluarlugit Peqqinnissaqarfik pisariillisaanerit aqutigalugit 10-15 mio. kr. missaanik nassaarniartariaqassaaq. 2014-imi sipaarutit aqutigalugit 10-15 mio. kr.-nik pissarsinnaanissaq anguniagaavoq. Taakkulu tamakkiisumik aningaasaliissutit 1-1,5 %-eraat.

Taamaattumik massakkut aningaasaliissutaasartut tunngavigalugit peqqinnissaqarfimmi suliniutinut nutaanut akissaqartoqanngilaq, tamakku immikkut aningaasaliiffigineqanngippata. Peqqinnissaqarfimmi aningaasatigut unammilligassat ersarissarniarlugit peqqinnissaqarfik ukiut tamaasa nalunaarusiortarpoq. . Naalackersuisut anguniagaraat pisariillisaanernit iluanaarutit aqutigalugit aningaasaliissutit malinneqarnissaat qulakkearniarneqassasoq sullissinerit ajorteriartunngikkaluarlugit. Tamatuma kingunerisaanik pisariillisaanernit iluanaarutit aningaasaliissutinit iluanaarutit atorneqarsinnaanngillat Peqqinnissaqarfimmi aningaasartuutaasartut ilutigalugu annertusiartormata..

Peqqinnissaqarfiup aningaaraqnera, pisariillisaanerit aqutsineralu eqqarsaatigalugit anguniakkat imatut ersarissarneqarput:

Pimoorussaasumik nukinnik atuineq aqutsinerlu

- Peqqinnissaqarfimmit aallunneqassaaq sapinngisamik aningaasat amerlanerpaat pinaveersaartit-sinermut aamma napparsimasunik katsorsaanerit atornerqarnissaat.
- Peqqinnissaqarfimmit aallunneqassaaq pitsaassutsip angusallu nukittorsarneqarnissaat sulinermi maleruagassat suleriaatsillu pitsaanerpaanngortinneqarnerisigut.
- Peqqinnissaqarfiup aaqqissugaanerata iluarsaanerqarsimaneratalu Peqqinnerulersitsiniarluni suleriaaseqarneq tapersersussavaat patajaallisassallugulu.
- Aningaasaliissutinik eqquutsisarnissaq kiffartuussineq ajorseriartinnagu
- Aningaasatigut nukissanik iperaanissaq innuttaasunik peqqinnissaqarfimmi atuisunik kiffartuussinermut atugassanik
- Qulakkiissallugu innuttaasunut pitsaanermik kiffartuussinissaq sinaakkusiussaasut iluini.

Apeqqut:

b. Deloittep nalunaarusiaa sulinermi tassani aamma ilaatinneqarnersoq ataatsimiititaliamit aamma paaserusunneqarpoq?

Akissut:

Aap, Deloittep nalunaarusiaa suliamut ilaatinneqarpoq. Nalunaarusiami siunnersuutigineqartut ingerlaavartumik ilanngunniarneqarput.

3.11, immikkoortoq 4.8, Utoqqarnik sullissineq, qupperneq 92

Apeqqut:

Aningaasatigut kingunerisinnaasanik aningaasanut inatsimmut ilanngussinnginnermi utoqqalinersiaqarnerup qanoq iliorluni naleqqussarneqarsinnaaneraniq nalilersuisoqassasoq nalliisoqassasorlu allassimavoq.

a. Appasinnerpaamik isertitalit pitsaanerumik atugaqalersinneqarnissaasa aammalu saniatigut isertitaqarnissap periarfissaqartinneqarnerat saniatigut Naalakkersuisut allanik isumaliuteqarpat?

Akissut:

Suliap massakut killiffia aallaavigalugu aalajangersimasunik isumaliuteqartoqanngilaq, Naalakkersuisulli aallaaviatigut isumaqarput utaqqalinersianik aaqqissuussinermi aallaaviatigut naapertuilluartumik siunissamullu qulakkeerinnittumik aaqqissuussisoqassasoq.

Apeqqut:

b. Misissueqqissaarneq qaqugu naammassineqartussatut naatsorsuutigineqarpa?

Akissut:

Utoqqalinersiat naleqqussarnissaanut misissueqqissaarneq isumaginninnikkut ikiorsiissutaasartut allannngortinneqarnissaanut suliamut ilaatinneqanngikkunik taasuma malitsigisaatut suliarineqassapput. Aningaasaqarnikkut ingerlatsineq pillugu nalunaarummi oqaatigineqartut naatsorsuutigineqarpoq suliap taasuma 2014-imi aallartinneqarsinnaanissaa. Massakkorpiaq misissueqqissaarnissamut atugassanik paasissutissanik katersisoqarpoq.

3.12, immikkoortoq 4.10, Pisortat ingerlatsinerannik kommuninillu suleqateqarnermik nutarterineq, qupperneq 93

Apeqqut:

Pisortorneq pillugu: Matuma siuliani immikkoortoq 3.2-mut apeqqut aamma takuuk.

Kommunit aamma Namminersorlutik Oqartussat suleqatigiillutik nalunaarusiortut qupperneq 93-imi allasimavoq. Suliame tassani kommunerujussuit naliliiffiqineqarnerat ilaatinneqarpa?

Akissut:

Aap. Nalilersuinissaq nalunaarusiami immikkoortoq 7 C-mi allaaserineqarpoq, tassani suliassami sinaakutissat sammineqarnerullutik. Nalilersuineq KANUKOKA kommunillu suleqatigalugit ingerlanneqassaaq Indenrigsministeriamit ikiorteqarluni.

3.13. immikkoortoq 4.11. Attaveqaatinut aningaasaliinerit, qupperneq 95

Apeqqu:

Qup. 96-imi ima allasimavoq: Tassunga peqatigitillugu naliliisoqarpoq Qaqortumi nunap immikkoortuani mittarfiliorsinnaanermik aalajangerneq atlantiku ikaarlugu timmisartornermi mittarfiup inissiivissaanut atattinnagu isigineqassasoq. Siunissami aamma Kujataani mittarfimmik pingaarnermik sanasoqarnissaa pisariaqartinneqarpoq

a. Tamanna ataatsimiititaliamit ima paasineqassava; nunap immikkoortuani mittarfiup Qaqortumi inissineqarnissaa, atlantiku ikaarlugu timmisartornermi mittarfimmik Kujataani inissiinissaq aammalu nunap immikkoortuani mittarfimmik pingaarnermik Kujataani inissiinissaq Naalakkersuisunit isumaliutigineqartoq?

Akissut:

Qaqortumi timmisartunut suluusalinnut mittarfiliornissaq pilersaarutaavoq – mittarfiup takissutissaa suli inissineqanngilaq, naatsorsuutigineqarluni 2014 naatinnagu missingiut piaareersimassasoq. Tamatuma kingunerisaanik taqqavani angallannermut tunngasut allat aalajangersaaffiqineqarsinnaalissapput.

Apeqqu:

b. Mittarfimmik ingerlatsinermi piumasaqaataasunik saneqqutsinissamut immikkut akuerineqarnissamik piumasaqaateqarsinnaanermut periarfissaq Qaqortumi nunap immikkoortuanut mittarfimmik sananissamik pilersaarutini isumaliutigineqarsimava?

Akissut:

Aap, ukiup affaani kingullermi Trafikstyrelsen oqaloqatigineqartarsimavoq Qaqortumi mittarfissamut tunngatillugu pisariaqartinneqartunik immikkut akuersissuteqartoqarnissaa siunertarlugu.

3.14. immikkoortoq 4.12. Innaallagialu, imeq kiassarnerlu, qupperneq 96

Apeqqu:

Nukissiorfiit aktiaateqarluni ingerlatseqatigiiffingortinneqarneranni pitsaaqutit ajoqutillu ersersinneqarnerannik imaqartumik nassuiaasiornissaq Naalakkersuisut pilersaarussiaat allasimavoq. Ullumikkut atugassaritinnegartunut tunngatillugu aqqissuussaaneq allanngortinneqarnissaanik pisariaqartitsisoqarnersoq nalilissallugu pisariaqartinneqartoq Naalakkersuisut naliliipput. Allanngortitsineq imermik nukisuiutinillu pilersuinerit aningaasatigut silallu pissusaa eqqarsaatigalugu imminnut nappassinnaanerulernissaannik anguniagaqarnermut tapersiisinnaassasoq aammalu eqqakkat ikuallanneqarsinnaasut qanoq siunissami passunneqartarnissaat allanngortitsineri ilanngullugu eqqarsaatigineqassasoq Naalakkersuisut kissaatigaat.

a. Kissaatit siuliani taaneqartut isumaginissaannut Nukissiorfimmik maanna aqqissuussisimaneq naleqqutinnginnerneq imaluunniit pitsaaqutit ajoqutillu allat nassuiaataajumaartumi paasinarsinneqassanersut paasissutissiissutigineqassasoq ataatsimiititaliamit maannangaaq kissaatigineqarpoq?

Akissut:

Nukissiorfiit suliassaraa atuisut innaallagissamik, imermik kiassarnermillu pilersornissaat. Taana ingerlat-sinikkut suliassaavoq niuernikkut atugassarititat nalinginnaasut naapertorlugit aamma aktiaateqarluni ingerlatseqatigiiffittut ingerlanneqarsinnaasoq.

Naalackersuisut nukissiorneq eqqarsaatigalugu politikikkut anguniagaraat nukissiuuteqarnerup ineriartortittuarnissaa aningaasatigut, avatangiisinut mingutsitsitinninnerusumik pitsaanerusumillu pilersuilernissaq siunertaralugu. Taamatut ineriartortitsiniarneq tunngavilerniarlugu aaqqissugaanikkut inatsisitigullu sinaak-kutissat pisariaqartinneqassapput.

Nukissiorfiit massakkut suliffeqarfittut namminersortitatut aaqqissugaanera eqqarsaatigalugu Nukissiorfin-nut suliakkiutigineqartunut kivitsinissamut naammassinnissinnaalluarpoq. Taamaattorli eqqarsaatigi-neqarsinnaallunilu eqqarsaatigineqartariaqarpoq sinnaakkutissat allannortinnerisigut suliassanik naam-massinnissinnaanera pitsannortinneqarsinnaanersoq. Taamatuttaaq pingaaruteqassaaq Nukissiorfiit allannortiterneratigut atuisunut Nunatta Karsianullu sunniutissat paasissallugit.

Taamaattuminguna Naalackersuisut ilaatigut kissaatigigaat allannortiterinissani pitsaaqutissat ajoqutis-sallu misissorneqarnissaat.

3.15, immikkoortoq 5.4, Aktieselskabini Namminersorlutik Oqartussanit pigineqartuni anginerni tallimani ineriartorneq, qupperneq 101

Apeqqu:

a. Royal Arctic Line A/S-ip umiarsuassaanik pisinissap kinguartinneqarnera, taakku pisariaqartin-neqanngikkallarnerannut takussutissaanersoq naatsumik nassuiaatigineqassasoq kissaatigineqarpoq. Kinguartitsineq taarsigassarsinissap kinguartinneqarnerata saniatigut aningaasatigut ingerlatseqatigiiffim-mut qanoq kinguneqassava?

Akissut:

Kinguartitsineq umiarsuit atorfissaqartinneqarunnaarnerannut takussutissaanngilaq, kinguartitsinerli tyskit umiarsualiorfiata P+S Werften i Stralsund-ip nunaqarfinnut angallassinernut atugassanik umiarsualior-tus-saagaluup 2012-imi ukiakkut akiliisinnaajunnaarneranik patsiseqarpoq.

Maanna Royal Arctic Line A/S-p polenimiut umiarsualiorfiat Remontowa umiarsuarnik pineqartunik sa-naartortussatut isumaqatiginiarfigivaat. Nunaqarfiit angallavigineqarnissaannut umiarsuit 2015-mi kvartalimi siullermi tunniunneqarsinnaanissaat naatsorsuutigineqarpoq.

Naak Royal Arctic Line A/S-i P&S Werftensip akiliisinnaajunnaarneranut annertuumik qulakkeerisima-galuartoq akiliisinnaajunnaarneq aningaasartuuteqarnermik kinguneqarpoq. Ingerlatseqatigiiffiup 2012-mut nalunaarutaani allassimavoq, P&S Werftensip akiliisinnaajunnaarnera toqqaannartumik toqqaannan-ngitsumillu 12 mio. kr.-it pallillugit aningaasartuutitaqarfiusoq.

Royal Arctic Line A/S P+S Werftenimi sanaamut atatillugu pitsaassutsimut nakkutilleeqatigiinnut, (site-team) aningaasartuuteqarsimavoq. Aammalu Polenimi avammut tunisinernut tapeeriaatsinut nutaanut isumaqatigiinniarnernut akitsuutinik akiligassartaqarpoq. Akiliisinnaajunnaarnerataq nunaqarfinnut an-gallassinernut umiarsuit nutaat atugassat tiginissaasa kinguaattoornerinik isumaqarpoq, taamaanneranilu nunaqarfinnut umiarsuit atugaasut atorneqarnerisa sivitsornerannut kiisalu umiarsuarnik attartortaria-qarsimaneranut aningaasartuutinik toqqaannanngitsumik Royal Arctic Line A/S-mut kinguneqarpoq.

2012-mut ukiumoortumik nalunaarummi nunaqarfinnut umiarsuarnut atuinerup tallineqarnera (3 mio. kr.-it missaat), kiisalu Arina Arctica-p sumut qanorlu atuuttuuneranik inissiineq (2012-mi 4 mio. kr. aamma 2013-imi 1 mio. kr.) aningaasartuutinut ilanngunneqarsimannngillat, tassa aningaasartuutit taakkua

akiliisinnaajunnaarnermit kinguaattoornermillu pisummata, umiarsualiorfimmi suliamut toqqaannartumik attuumassuteqaratik.

Toqqaannartumik toqqaannangitsumillu aningaasartuutit katillugit minnerpaamik 20 mio. kr.-iupput (12 mio. + 3 mio. + 4 mio. + 1 mio.). Taakkualu saniatigut sulisut pisami toqqaannartumik attuumangikkaluarlutik minnerusumik suliaqarlutik piffissamik atuisimanerannut aningaasartuutit kiisalu P&S Werftenimi suliamut pisortat piffissamut atorsimasaannut aningaasartuutit ilanngunneqassapput. Piffissamik atuisimaneq naatsorsussallugu nalorninartortaqarsinnaammat taassuma aningaasatigut nalinganik naatsorsuisoqarsimangilaq.

Apeqqu:

b. KNI A/S-ip akiitsui malunnaatilimmik amerleriarsimasut qupperneq 102-mi allassimavoq. Tamanna ingerlatseqatigiiffiup siunissami akiliisinnaassusianut qanoq takutitsiva?

Akissut:

Ataatsimut isigalugu KNI A/S-ip akiliisinnaassusia 50%-it missaanniissasoq naatsorsuutigineqarpoq, taamaattorli 2013/14-mi aamma 2014/15-mi minnerulaarsinnaalluni, 2015/16-imili 50%-it sinnersinnaassallugit. KNI A/S-ip aningaasatigut ilusiligaanera aningaasanillu ingerlaartitsinera nalilissagaanni piffissaq sivikin-nerusooq isigalugu KNI A/S-i akiitsuminik annikillisaasinnaanissaa ilimanaateqanngilaq. KNI A/S-ip avataaniit aningaasalerneqarnera siullertut sulinermut, pingaartumik quersuarniitanut, atorneqarput. Siunissaq isigalugu akiitsut annertusiartornissaat naatsorsuutigineqanngilaq. Quersuarniitat ikilisarneqarnissaat sulissutigineqarpoq 2013/14-imilu aningaasaliissutit annikillisinneqangaatsiarsimapput ukiunilu tulliuuttuni suli annikilleriarnissaat naatsorsuutigineqarluni. 31/3-2013 killigalugu, 31/3-2012-imut naleqqiullugu, quersuarniitat amerleriarsimanerat arlalinnik patsiseqarpoq.

- 1) Pilersuinissamut pisussaaffeqarneq angallassinissanullu periarfissat eqqarsaatigalugit 2012-mi orsussaateqarneq eqqarsarnartumik annikillisimavoq.
- 2) Ukiuunerani pilersorneqarnissap qularnaatsuunissaanik aallussisimaneq aallaavigalugu KNI 2012-ip ukiaani pisiassanik amigaateqalernissamik pinngitsuuiniarluni pisiassanik annertuunik quersuarniititaqalersimavoq.
- 3) Kalaallit Nunaanni mittarfinni annerni akitsuuteqanngitsunik tuniniaanermi aalajangersakkat allanngortinneqarsimaneranni tunisat amerlanerulersimapput taamatullu akitsuuteqanngitsunut pisiniarfiit uninngasuutaat aamma amerlanerulersimallutik.

Tamassumalu saniatigut KNI-mi 2012/13-mi aningaasaliisoqarsimanera pissutigalugu akiitsut annertuse-riarsimapput, tassani pingaartumik Neqi A/S-mi iluarsartuussinermi aningaasaliissutit eqqarsaatigineqarlutik.

Maluginiagassaavoq ukiuni naatsorsuiffinni quimiittuutit nalingat allanngorartorujussuummata, tassanilu ilaatigut uulianik pisinerit qanoq innikkut pineri, uuliap akiata nikerarnera, taamatullu ukiuunerani orsussamaatinik pisiassamaatinillu eqqanaarinninnerit pissutaapput.

Apeqqu:

c. Telep imaatigut kabelianik atuineq pillugu naatsumik nassuiaat kissaatigineqarpoq. Piginnaasaq pisiarineqartoq atorfissaqartinneqanngippat aaqqiissutissamik akikinnerusumik nassaamissaq ajornarsimaneq paasissutissiissutigeqquneqarpoq?

Akissut:

Ullumikkut Kalaallit Nunaata pilersorneqarnerani søkabilip pisinnaasaata 1. promilliata missaa atorneqarpoq.

TELE-POST A/S paasissutissiivoq 2009-mi søkabilimut aningaasaliisoqarmat pisinnaasaq 2.560 Gbit/s.-imut naatsorsorneqarsimasoq. Kingorna nassitsissutini tigoqqaaassutinilu kabilip isuini innaallagissap

ingerlaarfiini qaamarngup atorneqarneratigut teknikkikkut ineriartorneq pisinnaasaqarnerup annertunerulersimanerani kinguneqarsimavoq. Taamaasillutik skabelip lyslederi ullumikkut 7.680 Gbit/s.-inik pisinnaasaqarput.

Skabelip atorneqarnera annertusassagaanni nassitsissutini tigooqqaassutinilu nunami atortut aningaasaliiffigineqaaqissapput. Tamatuma saniatigut Kalaallit Nunaanni telemi attaveqaatitigut piorsaasoqassaaq, tassa suli annertunerusumik ingerlaartoqarsinnaanera atorneqarsinnaaqullugu. Taamatuttaaq TELE-POST A/S-i pisinnaasap ilarujussuanik islandimi canadamilu operatrinit attartortariaqassaaq.

Taamaattumik pisinnaasap annertunerujussuanik tamakkiisumilluunniit atuiniaraanni annertuumik aningaasaliissuteqartoqartariaqarpoq, atuinerullu annertusiartuaarnera ilutigalugu TELE-POST A/S annertunerusunik ingerlatsinermut aningaasartuuteqartariaqassaaq.

Illumut akikinnerusumik aaqqiisoqarsimasinnaannginneranut tunngatillugu aningaasartuutit annerpaartaat skabilip sanaartornerani pipput, aningaasartuutillu taakkua skabilimik piginnaanikinnerusumik pilersitsinissaq qinersimagaluaanniluunniit annikinnerungaarsimanavianngikkaluarput. Islandimuinnaq kabilimik atassusiisimagaanni, tassa Canada ilanngunnagu, taava aningaasanik sipaartoqarsimassagaluarpoq. Tamannali kabilimik ajutoortoqassagaluarpat satellitsikkut attaveqarnerup backup-itut naammannginnera pissutigalugu nunatsinni attaveqaatitigut qularnarnerusumik inissisimanissamik nassataqassaguarluarpoq. Illumoorpoq atorneqarnera maannakkut annikimmat, piffissalli ingerlanerani skabilip piginnaasaanik annertunerujartuutikum nunatsinni atuinissamik pisariaqartitsilissaagut.

Apeqqut:

d. Pisariaqartitat sinnerujussuarlugit piginnaasaqartumik pisineq Telep tunisassiaanik atuisunut ataasiakkaanut qanoq kinguneqarsinnaava?

Akissut:

TELE-POST A/S nalunaaruteqarsimavoq skabili aningaasaliiffigineqarsimannngikkaluarpat 2013-mi internetimik atuneq eqqarsaatigiinnarlugu ukiumut satellitimik atuinermut ,skabilimut naleqqiullugu, marloriaatingussagaluartoq. Peqatigitillugulu piginnaasamik piumaneqartoq annertunerujartuinnartoq tunniunneqarsinnaassanngikkaluarpoq.

Blgelngdet, maligaasat takissusaasa nutaat taamatullu piginnaasap atuutsileranni kabilimut aningaasartuutit ataatsimoortut annertusiartuaassapput. Akerlianillu kabelip atorluarneqarneruneratigut mbit/s.ikkaartumik agguaqatigiissillugu aningaasartuutit annikinnerussagaluarput. Taamaattumik kabelip piginnaasaata annerusup atorneqalerneratigut aningaasartuutissat annikilluartuaarnissaat naatsorsuutigineqarpoq, tamannalu telemik ingerlatseqatigiiffiit ingerlaarfinnik annertunerusunik/iml. pisiassanik akikinnerusunik neqerooruteqarsinnaanerani isumaqarpoq.

Apeqqut:

e. Kiisalu ingerlatseqatigiiffiit qanoq ittut Naalackersuisut isumaat malillugu pisortanit pigineqartariaqartutut isigineqartut paasissutissiisutiginEQassasoq ataatsimiititaliamit kissaatigineqarpoq?

Akissut:

Apeqqutit e. aamma f. ataani ataatsimoortillugit akineqassapput.

Apeqqut:

f. Naalackersuisut isumaat malillugu ingerlatseqatigiiffeqarpa tunineqarsinnaasunik sortiillu allat ineriartortinneqartariaqarpat?

Akissut:

Apeqqutit e. aamma f. ataani ataatsimoortillugit akineqassapput

Namminersortutut inuutissarsiuteqartut annertunerujartortumik aningaasaqarnermut tapertaanissannik Naalackersuisut tunngaviatigut kissaateqarput, soorlu tamanna Namminersorluni Oqartussaannermut ataatsimiititaliarsuarmut innersuutigineqartoq. Imaaliallaannarluguli ingerlatseqatigiiffiit qanoq ittut Namminersorlutik Oqartussanit pigineqassanersut oqaatigiuminaappoq, tassa tamanna ingerlatseqatigiiffiit ataasiakkaat aammalu niueqatigiiffinni atuuffigisaanni pissutsit naliliiffiginerisigut pisariaqartassamat.

Taamaattumik piginnittuunermet politikki eqqarsaatigalugu siunissami inuiaqatigiinni kiffartuussissutit pisariaqartinneqartut Namminersorlutik Oqartussanit nakkutigiinnarneqarnissaat aallunneqassaaq, tassa kiffartuutit allanit isumagineqarsinnaasuunngippata, tassunga soorlu nunap atortulersugaaneranut pisariaqartumik aningaasaliinissat ilanngullugit.

Ingerlatseqatigiiffiit Namminersorlutik Oqartussanit pigineqartut kiffartuutaat inuiaqatigiit ineriartornissamut periarfissaannik amerlasuutigut pilersitsisarput, taamaattumillu sinaakkutissat atuuttut siunniussanut tulluarsarneqarnissaannut, pingaartumik imminut napatittumik aningaasaqalernissap pilersinneqarnissaa eqqarsaatigalugu, Naalackersuisut ataavartumik nalilersuisassapput.

3.16, immikkoortoq 5.5, Akiitsut ineriartornerat, qupperneq 102

Apeqqut:

Katillugit 200 mio. kr.-inik taarsigassarsisoqaqqissasoq allassimavoq. Aningaasat taakku sumut ator-neqassappat?

Akissut:

Massakkuugallartoq nalilerneqarpoq 200 mio. kr.-inik taarsigassarsiniarnissaaq pisariaqassasoq. Tamatumunnga pissutaalluni aningaasanut inatsimmi amigartoortoqartussanngorlugu missingiisoqarnera aammalu ilaatigut Sanaartugassanut Iluarsartuusassanullu aningaasaateqarfiup aningaasaateqartuarnissaa-nik piumasaaqatit.

2013-imi missingiunneqarpoq ukiuni 2014-imi aamma 2015-imi IST 113,6 mio. kr.-inik amigartoorfiussasoq, amigartoorutissallu taakku aningaasanut inatsisissatut siunnersuummi 76,3-iullutillu 62,9 mio. kr.-iupput. Tassalu ukiuni pingasuni amigartoorutissat tamakkerlutik 252,8 mio. kr.-iussallutik. Missingersuutit maleqqissaarneqarpata tamatuma kingunerissavaa akiliisinnaassutsip taaneqartut 252,8 mio. kr.-inik ajortiarneranik.

Tamatuma saniatigut aningaasanut inatsisini tunngavigineqarpoq Iluarsartuusassanut Sanaartugassanullu Aningaasaateqarfiup uninngasuutai ukiumut 100 mio. kr.-inik ikilisinneqartarnissaat, tassa imaappoq ukiuni pingasuni 300 mio. kr.-inik. Tamatumunnga patsisaavoq ukiut siuliini sanaartugassat aallartinneqarsimasut pissutsit assiginngitsut pissutigalugit kinguaattoortarsimani, taamaalisoqarneratigullu ingerlatat ukiuni 2013-2015 akilertariaqalersarnerat. Suliamut tunngatillugu nalornissutigineqangaatsiarpoq Sanaartugassanut Iluarsartuusassanullu Aningaasaateqarfik qanoq sukkatigisumik ikilisikkiartortinneqassanersut, tamatumanimi apeqqutaasarmata suliasat ataasiakkaat pilersaarusiomeri aammalu sanaartortartut iluarsartuussisartullu qanoq periarfissaqartigineri.

2012-ip naalernerani Nunatta Karsiata akiliisinnaassusaa 1.062,6 mio. kr.-iuvoq. IST-mi amigartoorutit tamakkerlutik 252,8 mio. kr.-iullutik Sanaartugassanut Iluarsartuusassanullu aningaasaateqarfiup aningaasaatai ukiuni 2013-2015 300 mio. kr.-inik ikilisinneqartut 2015-ip naalernerani akiliisinnassuseq 509,8 mio. kr.-inngussaaq, ukiullu ingerlanerani piffissap ilaanni akiliisinnaassuseq suli annikinnerussas-salluni. Taarsigassarsiniartoqanngippat akiliisinnaassutsip minnerpaamik 650 mio. kr. missaaniinnissaanik piumasaaqammit annikinnerusumik inissimasoqalissaaq. Taamaattumik 200 mio. kr.-inik taarsigassarsiniarnissaaq pisariaqarpoq.

3.17, immikkoortog 7.1, Allannguutit pingaarnerit, qupperneq 104

Apeqqu:

a. Oqaasertaliussakkut nutaakkut puisit amii pillugit takoqqusaarinissaq pillugu KNAPK-p, Great Greenlandip aamma Kopenhagen Furip ataatsimoorullugu suliniuteqarnissaat periarfissinneqassaaq. Suliniummi tassani Kopenhagen Furip akuliutsinneqarneranut suna tunngaviuva?

Akissut:

Kopenhagen Fur amminik tuniniaanermi nunarsuarmi siuttuuvoq, taamaattumillu GG-mit suleqatigineqartarnera pingaaruteqarluinnarluni. Puisit amiinik nassiussuisarneq GG-mit nammineq isumagineqalerma, KF-ip tunitsivinnut tunngatillugu ilisimasai pingaarutilerujussuanngorput. KF-ip eqqarsaatersuutigaa suliniummumut nammineq aningaasartuuteqaqataasinnaanissani.

Apeqqu:

b. Tuniniaaneq pillugu pingaarnersiulluni tulleriinnilersukkat arlallit Great Greenlandip tuniniaanermut 2011-2013-imi periusissiaani allassimapput. Tamatumani sumut killittoqarpa?

Akissut:

Great Greenlandip nalunaarutigaa tuniniaanissani periusissaq 2011-p naalernerani isummiunneqartoq, tuni-tsvissanik, pisisussanut pisisinnaasussanullu allanut ammaassisimasoq. Nunatsinni namminermi tunisat 6, 2 mio, kr.-inut missingerneqarput, tamannalu ukiup siulianut sanilliullugu 34 %-imik siuariarneruvoq. Tunitsivinnut allanut tuniniaaneq marloriaatinngorluni 7,6 mio. kr.-inik tunisaqartoqarsimavoq. Tamakkiisumik isigalugu pissutsit illuatungaatur saatut oqaatigisariaqarput. GG-ip ilisimatitsissutigaa ammit pisiarineqartunit amerlanerit tunineqarsimasut.

Apeqqu:

c. Ingerlatseqatigiiffiup amernik avammut tuniniaanerani tuniniaasoq ataasiinnaq suli atomeqarpa aamalu taamatut isumaqatigiissuteqarsimaneq qanoq pituttuiva?

Akissut:

Great Greenlandip Nordic Fur Group-imik isumaqatigiissutini atorunnaarsissimavaa siammarterinermillu suliaq nammineq isumagilerniarlugu.

4. Takussutissiat

4.1 Sanaartugassat illoqarfinnut agguataakkat, qupperneq 127 -

Apeqqu:

a. 2013-imi aningaasanut inatsisissatut siunnersuutip suliarineqarnerani kisaatini ataatsimiitaliap uteqqisavaa qinnutigissallugulu kommunit sanaartugassatut kissaataat pillugit takussutissiaq kingullertut suliarineqartut nassiunneqassasoq. Kissaatit Naalackersuisunit akuersaartumik pissuseqarfigineqarsimanersut takussutissiami nalunaarneqassasoq kissaatigineqarpoq.

Akissut:

Attaveqaatit (akissutit PAN-imit pissarsiarineqarput)

”Naalackersuisut suliniutit ataaniittut arlaannaaluunniit malissimanngilaat. Tassa imaappoq suliniutit arlaannaaluunniit massakkuugallartoq naammassineqarnaviannigilaq.”

SAA10	180	Tasiilap eqqaani mittarfik	Ammassalik	Mittarfik
SAA09	060	Nuuk Atlantic Airport	Nuuk	Timmisartuussineq
SAA11	190	Ittoqortoormiit eqqaani mittarfik	Ittoqortoormiit	Mittarfik
		Mittarfiit		

	330	Sisimiut Kangerlussuullu akornanni aqqusi- neq	Qeqqata Kommunua	Aqqusineq
--	-----	---	------------------	-----------

Umiarsualiviit (akissutit PAN-imit pissarsiarineqarput)

”Kommunip sanaartugassatut kissaataa taaneqartoq - Sanaartugaq 070.02 ligaq sinaakktissaq – mas-sakkorpiaq sulissutigineqarpoq. Suliaq 2014-imi naammassineqassaaq. Tamatuma saniatigut sanaartu-gassaq atorsinnaangitsoq - Sanaartugaq 070.11 Kongebro – Qeqqata Kommunua akuersitereerlugu peerneqarpoq. Sissiukkami tamakkiisumik betonilersuisoqareerpoq umiarsualivimmilu sapsuap ajoqutai 2013-imi iluarsartuunneqarlutik.

Sisimiuni umiarsualiviup allilerneranut tunngatillugu apeqqut sulii aqqiiffigineqanngilaq, Namminersorlutik oqartussat Qeqqata Kommuniatalu suleqatigiissitaatali kattutsinnissaanut tunngatillugu teknikkimut tunngasut misissorsimavaat.

Qaanaammi angallatinut qaqitsisarfimmut Umiatsianillu iluarsaassisarfirmut tunngatillugu ilisimatitsisutigineqarsinnaavoq Namminersorlutik Oqartussat angallatinik qaqitsisarfinnik angallatinillu iluarsaas-sisarfinnik piginnittuunatillu ingerlatsineq ajormata, Kangerlussuarmi angallatinut qaqitsisarfik eqqaasanngikkaanni. Qaqitsisarfiit allat tamarmik kommuninut attartugassanngortinneqarnikuupput.”

SAA05	180	Tasiilami talittarfik naammaqqutissaq	Ammassalik	Umiarsualivik
SAA06	180	Tasiilami umiarsualiviup assiaqutissaa qinnguata- talu tungaata allilernissaa	Ammassalik	Umiarsualivik
	070	Maniitsumi sissiukkami atortut iluarsarnissaat	Maniitsoq	Umiarsualivik
	080	Sisimiuni umiarsualiviup allilenera	Sisimiut:	Umiarsualivik
	082	Umiarsuarsuit takornariartaatit paarlaannerinut Kangerlussuarmi umiarsualivik	Sisimiut:	Umiarsualivik
	170	Qaanaami umiatsianut qaqitsisarfik iluarsaasar- fillu	Qaanaaq	Umiarsualivik
		Havn		

Avatangiisit

Avatangiisit eqqarsaatigalugit kommunit sanaartugassatut kissaataat ataaniittut Naalakkersuisunit inussia-nersumik tiguneqanngillat.

SAA14	320	Nunaqarfinni ikuallaaviit atoqqinneqarallarsin- naanissaat	Kommuneqarfik Sermersooq	Avatangiisit
SAA13	060	Ikuallaaviup saniatigut eqqagassat aqqiiffigine- qarnissaat	Nuuk	Avatangiisit
	082	Kangerlussuarmi ikuallaavik	Sisimiut:	avatangiisit
	080	Sisimiuni ikuallaavik, annertusineqarnissaa	Sisimiut:	avatangiisit
	340	Nunaqarfinni anartarfilerineq	Qaasuitsup	avatangiisit
		Avatangiisit		

Nukissiorfiit sanaartorfigisaanerlu

Nummi kiassaateqarfiit ataatsimuulersinnissaat – Nuussuaq aallartinneqareerpoq pilersaarullu suliarine-qaleruttorluni.

Sisimiuni kiassarnermut aqqutit net-attavinngorneri 2013 – 2015-imi pingartinneqarlutik salliutinneqarpoq.

Tamatuma saniatigut 15 mio. kr.-it sanaartorfigisaanermut atorneqassapput, kommunit sisamaasut nammineerlutik pingaarnersiortagaat. Sermersuumi isertisvissamut nutaamut erngup aqutissaata aningaasalersornissaata saniatigut aningaasat taakku 2014-imi pingaarnersiorlugit tulleriaariffigineqanngillat.

SAA08	320	2014-ip kingorna eqqakkat aqutaasa pingaarnertit aningaasaliiffigeqqinneri	Kommuneqarfik Sermersooq	Sanaartorfigisaaneq
SAA12	060	Nuummi Nussuarmilu kiassaateqarfiit ataatsimuulersinnissaat	Nuuk	Sanaartorfigisaaneq
	070	Maniitsumi illoqarfiup immikkoortussaanut sul-lorsualiornissaq	Maniitsoq	Sanaartorfigisaaneq
	070	Maniitsumi inissianut erngup aqutissaa 210 m	Maniitsoq	Sanaartorfigisaaneq
	080	Sanaartorfissami A51-imi tamakkiisumik sanaartorfigisaaneq	Sisimiut:	Sanaartorfigisaaneq
	080	AKIA III aama IV tamakkiisumik sanaartorfigisaaneq	Sisimiut:	Sanaartorfigisaaneq
	080	Kommunip pilersaarutaanut ilassutip 46 kolligiat kitaani sanaartorfigisaaneq	Sisimiut:	Sanaartorfigisaaneq
		Sanaartorfigisaaneq		

SAA07	060	Siorarsiorfiup illoqarfiup ineriartortinneranut ilaatlernissaat, aqqusineq	Nuuk	Nukissiorfiit
	070	Innaallagissap aqutaata pingaarnernup 1000 m ilanissaa, Maniitsoq	Maniitsoq	Nukissiorfiit
	080	Imeqarfiup A3-mut annertusinissaa imaluunniit imeqarfimmuut nutaamik assiaqusiinissaq	Sisimiut:	Nukissiorfiit
	080	Sisimiuni kiassarnermut aqutip net-attavinngornera	Sisimiut:	Nukissiorfiit
	082	Mayers ave.-mi aqquserngup qulliisa 900 meter atuleqqinnissaat	Sisimiut:	Nukissiorfiit
	340	Innaallagissanut atortut inatsisit naapertorlugit iluarsinissaat	Qaasuitsup	Nukissiorfiit
		Nukissiorfiit		

Kultureqarneq, Meeqqat & Inussuttut, Kollegiat atuarfiillu

Kommunit sanaartorfigissaanissamik pilersuinermilu aqutit pillugit sanaartugassatut kissaataasa qanoq tiguneqarsimaneri pillugit IIKNN-imit piffissaliussap iluani akissuteqartoqarsimanngilaq. Taakku pissarsiari-neqarsimaleriarpata nassiunneqassapput.

SAA08A	061	Qeqertarsuatsiaani timersortarfik	Nuuk	alla kulturi
SAA08B	184	Kulusummi timersortarfik	Ammassalik	alla kulturi
	330	Maniitsumi Sisimiunilu arsartarfiit ivigaaraasat	Qeqqata Kom-munia	Alla kulturi
	330	Nunaqarfinni timersortarfiit	Qeqqata Kom-munia	Alla kulturi
	080	Sisimiuni atuakkanik atorniartarfik nutaaq	Sisimiut:	Alla kulturi
		Alla kulturi		
	070	Ulluunerani paaqqinnittarfik, Maniitsoq	Maniitsoq	b&u
	073	Ulluunerani paaqqinnittarfittut centeri, Kangaa-miut	Maniitsoq	b&u
	070	Inuusuttut ornittagaat, Maniitsoq	Maniitsoq	b&u
	080	Ulluunerani paaqqinnittarfik	Sisimiut:	b&u
	100	Meeqqat ukiui agguataarlugit paaqqinnittarfik, Aasiaat	Aasiaat	b&u
	111	Ulluunerani paaqqinnittarfik Ikamiut	Qasigiannugit	b&u
	120	Meeqqat ukiui agguataarlugit paaqqinnittarfik,	Ilulissat.	b&u

		Ilulissat		
	170	Ulluunerani paaqqinnittarfik Qaanaaq	Qaanaaq	b&u
		Meeqqat inuusuttullu:		

	070	Skolehjemmip iluarsaanera allilernalu, Maniitsoq	Maniitsoq	Ilinniartut ineqarfiat:
	120	Nunaqarfimmiunut kollegiap tamakkiisumik iluarsartuunera, Ilulissat	Ilulissat.	Ilinniartut ineqarfiat:
	160	Upernavimmi kollegia nutaaq	Upernavik	Kollegiat
		Ilinniartut ineqarfiat:		

	070	Maniitsumi nunaqarfiinilu atuarfiit iluarsartuuneri	Maniitsoq	Atuarfik
	120	Meeqqat atuarfianut atasumik immikkut atuartisivik	Ilulissat	Atuarfik
	170	Nunaqarfinni atuarfiit - Qaanaaq	Qaanaaq	Atuarfik
		Atuarfik		

Isumaginninneq, (akissutit IPAN-imit pissarsiat)

"Nanortalimmi utoqqaat illuata iluarsartuunissaa allilernissaalu akuersaarpalaartumik tiguneqarsimavoq."

1	010	Nanortalimmi utoqqaat illuata iluarsartuunera allilernalu	Nanortalik	Isumaginninneq
2	030	Narsami utoqqarnut centeri	Narsaq:	Isumaginninneq
SAA16	050	Paamiut utoqqaat illuat ulluuneranilu centeri	Paamiut	Isumaginninneq
SAA15	060	Ilaqutariit illuat	Nuuk	Isumaginninneq
	330	Sisimiuni Maniitsumilu innarluutilinnut centerit	Qeqqata Kommunia	Isumaginninneq
	140	Utoqqaat illuata allilernalu - Qeqertarsuaq	Qeqertarsuaq	Isumaginninneq
	150	Etape 3 – Utoqqaat illuat Uummannami	Uummannaq	Isumaginninneq
		Isumaginninneq		

Inissaq

Piginneqatigiilluni inissianut 20/20/60 aqutugalugu taarsigassarsiniarnissanut nuna tamakkerlugu atugasani immikkoortitsisoqarpoq.

Tasiilami, Ittoqqortoormiini nunaqarfinnilu, Sisimiuni Maniitsumilu innarluutilinnut atoruminarsakkanik inissianut 16-inut aamma utoqqarnut inissanut 12-inut, Kangaamiuni Kangerlussuarmilu ilaqutariit inissaanut, Kangerlussuarmi, Kangaamiuni Atammimmilu sanaartugassanut 6-inut, Sisimiuni illoqarfinnut inissianik, Aasianni inissanut 12-inut, Qasigianguani inissianik iluarsartuussinissanut, Ilulissani inissianut 24-inut aamma Qaanaami inissianik sanaartornissanut aningaasaliissutit eqqarsaatigalugit Kommunit sanaartugassanut aningaasaleqqataaffigisaanik qinnuteqarnissamut akissaqartoqarpoq.

Maniitsumi Sisimiunilu iluarsartuussinissat inissianillu taartissanik sanaartorneq Namminersorlutik Oqartussat suliassaqafigaa, tassanilu PCB pillugit iliuusissatut pilersaarut utaqqimaarneqarluni. Nuummi inissialortiternissanut atatillugu taarsigassarsinissaq akuerineqarsinnaassaaq kommunip taarsigassarsinissaa akuerineqarpat.

	320	Piginneqatigiilluni inissianut 20/20/60-taarsigassarsiat	Kommuneqarfik Sermersooq	Inissaq
	60	Nuummi inissialortiternernut taarsigassarsinissaq	Nuuk	Inissaq
	180	Tasiilami inissialortiterneq	Ammassalik	Inissaq
	190	Ittoqqortoormiini nunaqarfinilu inissialortiterneq	Ittoqqortoormiit	Inissaq
	330	Sisimiuni Maniitsumilu inissiat 16-it innarluutilinut atoruminarsakkat	Qeqqata Kommunia	Inissaq
	330	Sisimiuni Maniitsumilu inissiat 12-t utoqqarnut naleqqussakkat	Qeqqata Kommunia	Inissaq
	330	Kangerlussuarmi Kangaamiunilu ilaqtariinnut inissiat	Qeqqata Kommunia	Inissaq
	330	Maniitsumi Sisimiunilu iluarsartuussineq inissiallu taartissat	Qeqqata Kommunia	Inissaq
	330	20-20-60 aamma piginneqatigiilluni inissiat	Qeqqata Kommunia	Inissaq
	330	Kangerlussuarmi, Kangaamiuni Atammimmilu sanaartugassat 6-it	Qeqqata Kommunia	Inissaq
	80	Sisimiuni illoqarfimmi illut	Sisimiut:	Inissaq
	103	Aasiaat nunaqarfiini utoqqarnut inissiat	Aasiaat	Inissaq
	100	Inissiat 12-it - Aasiaat	Aasiaat	Inissaq
	110	Ininik iluarsartuussineq - Qasigiannugit	Qasigiannugit	Inissaq
	120	Inissiat 24-t - Ilulissat	Ilulissat.	Inissaq
	170	Inissiat - Qaanaaq	Qaanaaq	Ineqarneq

Apeqqu:

b. Sanaartugassatut kissaatit ilaannaat killeqartut Namminersorlutik Oqartussat aningaasaleeqataaffigisaannik qaqutigorsuaannaq piviusunngortinneqartarpata sanaartugassatut kissaatit ukiumoortut suliarineqameranni kommunini nukit atorneqartut amerlavallaat maangaannartinneqartartut Aningaasaqarnermut Ataatsimiititaliaq isumaqarpoq. Nukinnik maangaannartitsineq tamanna killilerniarlugu Naalakkersuisut qanoq periarfissaqarsoraat?

Akissut:

Ajornartorsuut tip taasuma immikkuullarissup suliarinissaanut aammalu Namminersorlutik Oqartussat kommunillu suleqatigiinnerat pitsanngorsarniarlugu suleqatigiissitamik pilersitsisoqarpoq. Suleqatigiissitaq Namminersorlutik Oqartussat, kommunit KANUKOKA-llu aallartitaanik ilaasortaqtartinneqarpoq.

Apeqqu:

c. Suliaannik nammatassanillu agguataarineq pillugu nutaamik isumaqatigiissusiornissaq taamatut anguniagaqarnissamut siuarsaataassanersoq tassunga ilanngullugu paasissutissiissutigineqassasoq kissaatigineqarpoq.

Akissut:

Taamaattussaassagunarpog.

Apeqqu:

d. Pisortat sanaartugassaataannut tunngasut (annertunersaasa) kommuninut tunniunneqarnissaannik sulineq sumut killippa?

Akissut:

Sanaartugassanut tunngasut akisussaaffigerata tunniunneqarneranut atatillugu periutsit pillugit kapitali ilanngunneqarpoq, Namminersorlutik Oqartussat Kommunillu suleqatigiinnissamik isumaqatigiissutaasa ersarissaatitut nalunaarusiartaaneersoq, massakkut 4. septembarimit 9. oktobarimut tusarniuteqartoq. Ersarissaatitut nalunaarusiami sanaartugassanut tunngasut Namminersorlutik Oqartussanit kommuninut

akisussaaffigilersinnerisa pissusissamisoornera allaaserineqarpoq. Kommunit atuarfiinut, ulluunerani paaqqinnittarfinnut aamma utoqqarnut paaqqinniarfinnut tunngatillugu sanaartugassat suliassartaat Namminersorlutik Oqartussanit kommuninut akisussaaffigitinneqalernikuupput.

”Aaqqissuusseqqinnissat pillugit isumaliutissiisummi allaqqavoq sanaartugassanut tunngasut kommuninit akisussaaffigilersinneqartariaqartut. Sanaartugassalli tamaasa eqqarsaatigalugit isumaliutissiisut ersernerluppoq, pingaartumik attaveqaatinut tunngatillugu nuna tamakkerlugu isiginiagassat misissuiffiqeqqissaa-tariaqarput tunniussisinaanissaq pillugu isummertoqartinnagu.

Akilerartarnermut Atugarissaarnermullu Ataatsimiititaliar-suup kaammattuutigaa pisortat suliassap ingerlanneranut isumaginnittuusut sanaartugassanut tunngasut aamma akisussaaffigisariaqaraat. Taamaasior-nikkut qulakkeerneqassaaq pitsaasumik tulleriarisimaneq aallaavigalugu ataqatigiissaakkamik pilersaar-usiorsinnaalernerq. Tulleriareriaatsit eqaannersut atulersinnaassapput suliassallu pilersaarusionerani piviusunngornissaannut aqquq sivikillineqarsinnaassalluni. Tamatuma saniatigut kommunit suliassanik naammassinninniarsinnaanermunik siunertaqarnerusumik aaqqissuussiniarneranni aningasaliinnaaneq eqqarsaatigalugu tamanna kajumumissuseqarnerulersitsissaaq aserfallatsaaliisarnerillu eqqarsaatigalugit ullutsinnut naleqquttumik aaqqiissuteqartarnissanut kajumissuseqalersitsilluni.

Sanaartugassat naammassereernerisigut ingerlatsineq eqqarsaatigalugu nammineerluni ingerlatiligassat kommuninit tiguneqarpata pissusissamisuussaaq. Tamanna ersarissaatitut nalunaarusiami pisortat ingerlataasa pitsaanagerusumik ingerlatsilersinnaanissaanut tamakkiisumik kaammattuutiginerartunut naapertuu-tissaaq. Aningaasat aqunneqarnerannut pisortatullu akisussaaffiit ingerlaqatigiisinneqassapput. Tassunga tunngatillugu kaammattuutiginerartunut sanaartugassat naammassereernerisigut ingerlatsineq eqqarsaatigalugu nammineerluni ingerlatiligassat kommuninit tiguneqarnissaat. Uani pineqarput:

- Meeqqat atuarfii atuartullu angerlarsimaffii.

Kaammattuutiginerartut kingunerisa ilagissavaat sanaartugassat kommuninit tamakkiisumik akisussaaffigine-qalernerat, tassunga ilanngullugit ullumikkut avitseqatigiiffiusartunik avitseqatigiiffiusinnaasunilluunniit aningaasaqarnermut tunngasut akisussaaffiginerat makkunatigut:

- Meeqquviit
- Utoqqaat angerlarsimaffii
- Meeqqanut, inuusuttunut innarluutilinnullu paaqqinnittarfiit
- Kulturileriffiit timersortarfiillu
- Sanaartorfigissaaneq
- Eqqagassalerineq avatangiisillu eqqarsaatigalugit suliassat allat.

Suliassaqarfinnik Namminersorlutik Oqartussanit Kommuninut tunniussinermi tunngaviummik ileqquvoq siunertamut aalajangersimasumut namminersorlutik oqartussanit aningaasaliissutaasimasut ilanngullugit tunniunneqartarnerat ataatsimut tapiissutaasartut amerlineqarnerisigut. Meeqqat atuarfiinut atuartullu angerlarsimaffiinut tunngatillugu maannamut ileqquvoq sanaartugassat namminersorlutik oqartussanit isumagineqartarnerat apeqqutaatinnagu ingerlatsineq aserfallatsaaliuinerlu kommunit akisussaaffigineqarnerat.

Sanaartornermut tunngasut taakku kommuninit akisussaaffigineqarpata pissusissamisuussaaq. Ilaa-tigummi atuarfiit ilusilersornissaanut kommunit eqqarsaataat sanaartugassap pilersaarusioneranni pin-gaaruteqarluinnartarmata aammalu atuarfinnut tunngatillugu iluarsaassisarnerit namminersorlutik oqartussanit akilerneqartartillugit kommuninut illuutinik aserfallatsaaliuinissamut aningaasatigut naammag-inartumik kajumilersitsineq ajormat.

Kulturimut, isumaginninnermut avatangiisunullu tunngatillugu sanaartukkanut aammalu sanaartorfigisasaarnanut tunngatillugu kommunit ingerlatsineq akisussaaffigisarpaat tunngaviatigullu aamma sanaartornermut tunngasut tamakkiisumik akisussaaffigisarlugit. Inatsisilli malillugit namminersorlutik oqartussat suliassaqarfinnut taakkununga tunngatillugu sanaartugassanut tapiissuteqarsinnaapput pisussaaffiginaguli. Namminersorlutik Oqartussat tamakkiisumik aningaasaliineq namminersorlutik oqartussallu namminneerlutik pingaarnersiuisimanerat eqqarsaatigalugu piffissami sivisujaami taamaasiorsinnaaneq atortarsimavaat. Pingaarnersiuiunerit aningaasatigullu periarfissat piffissami sivisuumi allanngorarsimapput, soorluttaaq aqqiissuusseqqinneq sioqqullugu pingaarnersiuisimanerit kommuninut assigiinngisitsisarsimasut ilaat salliutinneqartarsimanerisigut.

Pingaarnersiuisarnerni pitsaaneruseq tunngavissaqarnissamik kommunillu nammineernerulernissaanik kissaatit naapertorlugit suliassaqarfinnut taakkununga tunngatillugu sanaartugassat aningaasaler-sornerat tamakkiisumik kommuninut tiguneqarpata pissusissamisuussaaq, namminersorlutik oqartussallu aningaasanut inatsisat aqutugalugit sanaartugassanut aningaasaliissutigisartagaasa peernerisigut taakku anertoqataaniq kommuninut ataatsimut tapissutigisartakkaminnik qaffaasalerisigut.

Kapitali 2-mi taaneqartut, siunissaq ungasinnerusoq eqqarsaatigalugu attanneqarsinnaasumillu pilersaarusiortarnissat eqqarsaatigalugit pingaaruteqarluinnarpoq sanaartugassaqarfiit pineqartut tunniunneqarnissaanut tunngavissanut tunngatillugu immikkoortukkaarlugit pilersaarutit politikikkut isumaqatigiiffiusimanissaat.

- Kaammattuutigineqarpoq sanaartugassaqarfiit taaneqartut kommuninut tunniunneqarnissaanut pingaarnersiuinissaq naalakkersuinikkut ataqatigiisaarisunit isumagineqarnissaa.
- Taamaasiortoqassappat pinngitsoorneqarsinnaanngilaq immikkoortukkaarlugit pilersaarutissat aammalu aqutassaalersussat pingaarnersiiorlugit tullerriaarneqarnissaasa sunniutissaat politikikkut isumaqatigiissutigineqarsimanissaat.
- Allaffissornikkut ataqatigiisaarisussat sunniutissat naatsorsorneqarneri suliassaqarfiillu tunniunneqarnissaannut piumasaqaatit pillugit saqqummiussassaliussaaq, kiisalu suut tunngavigalugit aammalu tunniussuinissat qanoq sukkatigisumik ingerlanneqarsinnaaneri pillugit siunnersuussiorluni.”

5. Suliassaqarfik 10 - 12 Naalakkersuisut siulittaasuat

5.1 Konto pingaarneq 10.01.27 Saammaasseqatigiinnissamut Isumalioqatigiissitaq

Apeqqut:

Isumalioqatigiissitap suliassaasa annertussusissaat, ilaasortaqqortussusiisa, aningaasarsiaqartitsinnaaneq iliuuserisassallu annertussusissaat suli aalajangersimasumik isummerfigineqarsimannngitsut ataatsimiititaliamit maluginiarneqarpoq. Taamaattumillu suna tunngavigalugu aningaasaliissutit naleqquttut Naalakkersuisunit nalilerneqarsimanerisut paasisutissiissutigineqassasoq ataatsimiititaliamit kissaatigineqarpoq.

Akissut:

Saammaasseqatigiinnissamut Isumalioqatigiissitamut aningaasaliissutit atugassaapput allaffimmik pi-sortamit AC-fuldmægtigimillu ataatsimit inuttaqartussap pilersitsinissamut aningaasartuutitut. Ilaatigullu aningaasartuuteqarfiussat tassaapput allaffissorneq, Isumalioqatigiissitami ilaasortat atorfillillu nunatsinni angalaneri kiisalu innuttaasunik ataatsimiititsisarnissat.

Aningaasaliissutittaaq paasisitsiniaanissanut atorneqarsinnaassapput. Isumalioqatigiissitami ilaasortat sulinerminnut atatillugu akissarsiaqartinneqarsinnaassapput. Akissarsiat annertussusissaa suliap annertussusaannut naapertuuttunngorlugu aalajangerneqassaaq.

Naalakkersuisut taamatut aningaasaliipput, Namminersornermut Allaffimmut aningaasanut inatsisit aqutugalugu 2008-imi 2009-amilu taamatut annertussusilimmik aningasaliisoqarsimanera aallaavigalugu.

Sulinissamut tunngavissiaq partiit isumasioreernerisigut suliarineqassaaq. Sulinissamut tunngavissaq Saamaasseqatigiinnissamullu Isumalioqatigiissitap katitigaanera aallaavigalugu isumalioqatigiissitap suleriaassissani aalajangiiffigissavaa.

5.2 Konto pingaarneq 10.06.24 Nuna tamakkerlugu aviisinut tapiissutit

Apeqqut:

Aviisit nuna tamakkerlugu saqqummersartut saniatigut tusagassiuutinut allanut, soorlu atuagassianut, tapiissuteqarsinnaaneq pillugu Naalakkersuisut qanoq isumaliuteqarpat?

Akissut:

Aviisit nuna tamakkerlugu saqqummersartut saniatigut tusagassiuutinut allanut, soorlu atuagassianut, tapiissuteqarsinnaalernissamik siunnersuut Naalakkersuisut qujassutigaat. Aviisinut nuna tamakkerlugu tapiissuteqartarnermut aallaaviuvoq, taakku nuna tamakkerlugu saqqummersartuunerat taamaasillutillu siammasissumik atuartartoqarmata. Atuagassiat aallaaviatigut immikkuullarissuupput atuartartunullu aalajangersimasunut ikinnerusunullu atuagassiaallutik (soorlu biilit pillugit angutunut atuagassiat, alt for damer arnanut il.il.) taakkulu assersuutugalugu AG / Sermitsiaq-imit allaanerupput. Atuagassianulli tunngatillugu eqqarsaatersuutit malersugassaqqipput.

5.3 Konto pingaarneq 10.13.10 Aktiaateqarluni ingerlatseqatigiiffinnit iluanaarutit, tunniussinerit tunis- inerillu

Apeqqut:

a. Isertitassatut missingikkat immikkoortiterneqarnissaat kissaatigineqarpoq.

Akissut:

5.3 b-imi akissut takujuk.

Apeqqut:

b. Isertitassatut missingikkat 2013-imit 2014-imit aammalu ukiunut missingersuusiorfinnut sanilliullugu allanngornerat nassuiaatigineqassasoq kissaatigineqarpoq.

Akissut:

Ingerlatseqatigiiffinnit namminersorlutik oqartussanit tamakkiisumik ilaannakortumilluunniit pigineqartunit iluanaarutinit piginnittut pissarsiassaatus missingiinnerit tabel-imi ataaniittumi takuneqarsinnaapput.

Naatsorsuutigisat Suliassami kisitsisit Isertitat: Tal i mio. kr.	AI 2011	AI 2012	AI 2013	AIS 2014	UM 2015	UM 2016	UM 2017
Tele Greenland A/S	32	32	-75	32	32	32	32
KNI A/S	0	-20	30	35	35	35	35
Royal Arctic Line A/S	-10	-20	-25	-10	-5	-5	-5
Greenland Holding A/S (ISCO)	30,5	30,5	30,5	30,5	30,5	30,5	-15
Royal Greenland A/S	0	0	-3	-8	-12	-40	-40
Nuna Oil A/S	0	0	0	0	0	0	0
INI a/s	0	-3	-3	-1	-1	-1	-1
Ilaannakortumik pigisat (GB)	-14,9	-10	-7	-10	-10	-10	-10
Konto 10.13.10 katill.	-87,4	-137,5	-173,5	-126,5	-125,5	-153,5	138

Tele Greenland A/S

Tele 2013-imi iluanaarutinit piginnittunut naatsorsuutigisamit annertunerusumik pissarsisitsiniarpoq tamatumungalu pissutaalluni ukiumi naatsorsuusiorfiusumi 2012-imi immikkut ittumik 75 mio. kr.-inik iluanaaruteqarsimaneq. Naatsorsuutigineqarpoq tamatuma kingorna 32 mio. kr.-inik pissarsisitsisarneq ingerlaqqilissasoq.

KNI A/S

KNI 2012-imi iluanaarutinit piginnittunut 20 mio. kr.-inik pissarsisitsivoq. Naatsorsuutigineqarpoq ingerlatseqatigiiffik 2013-imi 30 mio. kr.-inik pissarsisitsissasoq. Naatsorsuutit kingullit naapertorlugit naatsorsuutigineqarpoq 2014-imi pissarsiassat 35. mio. kr.-inut qaffanneqarsinnaassasut.

Royal Arctic Line A/S (100%)

RAL 2012-imi 20 mio. kr.-inik pissarsisitsivoq. 2013-imi 25 mio. kr.-inik pissarsisitsinissaq missingersuutigineqarpoq, tamassumali piviusunngorsinnaanissaa nalornissutigineqarpoq umiarsuarnik nutaanik sanatitsinermut ajornartorsiutaaneri eqqarsaatigalugit akileraarutissallu peereerlugit sinneqartoortissatut nalunaarutigisat kingullit naapertorlugit 6 mio. kr.-inik sinneqartoortoqassangasoqarpoq.

Aningaasaatit katitigaaneri pillugit misissueqqissaarsimaneq ingerlatseqatigiiffimmit nassiuuneqarsimavoq tassani aningaasaatit piginnittunullu pissarsisitsisarnissani periusissat allaaserineqarsimallutik. Tamanna suliarineqalersinnagu 2014-imi 10 mio. kr.-inik ukiumilu missingersuusiorfiusuni ukiumut 5 mio. kr.-inik pissarsisitsisarnissaq missingersuutigineqarsimavoq.

Greenland Holding A/S (GH)

GH-ip suli naatsorsuutigaa 2016-ip tungaanut 30,5 mio. kr.-inik pissarsisitsisarnissani. Tamatuma kingorna apeqquataalissaaq ingerlatseqatigiiffiup Greenland Contractors-imik suleqateqarnera qanoq ingerlassasooq. Ukiumi missingersuusiorfiusumi 2017-imi 15 mio. kr.-inut inissineqarpoq.

Royal Greenland A/S (100%)

RG ukiumi kingullerni marlunni sinneqartoorteqartarsimavoq ukioq mannaluni (2013) annikitsumik pissarsisitsilluni 3,6 mio. kr.-inik. Angusaasartut pitsaasut ingerlaannassappata ingerlatseqatigiiffiup naatsorsuutigaa aningaasaqarneq pitsaanerulissasoq taamaasillutillu annertunerusumik pissarsiaqartitsinissamut inissaqarnerulissasoq.

NunaOil A/S

Ingerlatseqatigiiffimmit pissarsinissaq naatsorsuutigineqanngilaq.

A/S Inissiaatileqatigiiffik INI

INI 2012-imi immikkut ittumik annertussusilimmik 25 mio. kr.-inik pissarsisitsivoq, taakkulu tassaallutik ukiuni arlaqalersuni katersorneqarsimasut. Ingerlatseqatigiiffiup ukiup ingerlanerani tigorianaannarnik aningaasaqarniarnera nikerarsimaqaaq paasisarsisimallunilu pissarsiarititat annertunaarneqarsimagunartut. Ukiumut 3 mio. kr.-inik pissarsisitsisarnissaq missiliutigineqarsimavoq. Naatsorsuutigisalli massakkut ukiutumut 1 mio. kr.-init appartineqarsimapput.

Ingerlatseqatigiiffiit ilaannakortumik pigisat

Ingerlatseqatigiiffiit ilaannakortumik pigisat tassaapput GrønlandsBanken, Air Greenland aamma NunaMinerals.

NunaMinerals

NunaMinerals-imit pissarsinissaq naatsorsuutigineqanngilaq.

AIR Greenland

Piginnittut katitigaaneri eqqarsaatigalugit unammilligassaqarnera pissutigalugu 2014-imi ingerlatseqatigiiffimmit pissarsinissaq naatsorsuutigineqanngilaq.

GrønlandsBANKEN

GrønlandsBanken 2012-imi ajunngilluinnartumik ingerlasimavoq, tamatumalu kingunerisaanik 2013-imi ingerlatseqatigiiffik annertunerusumik pissarsisitsissaaq. Tamatuma kingunerisaanik 2014-imi ukiunilu missingersuussiorfiusuni pissarsiassatut naatsorsuutigisat 10 mio. kr.-inngortinneqarput, taakkulu ukiuni kingullerni marlunni agguaqatigiissillugu pissarsiaritissimasat annertoqatigingajappaat.

5.4 Konto pingaarneq 10.19.02 Bruxellesimi Sinniisoqarfik

Apeqqut:

a. Ataatsimiititaliap paasinninnera malillugu Northern Periphery and Arctic programmip saniatigut EU-mi programmit allat Namminersortutik Oqartussanut, nunatsinni kattuffinnut, suliffeqarfinnut il.il. soqutiginaateqarsinnaapput aammalu nunatsinni aningaasaqarnermut, inuussutissarsiutinik ineriartortitsinermut, ilisimatusarnermut il.il. peqataaqataasinnaallutik. Programmini taakkunani peqataassagaanni piumasaqaatit suuppat?

Akissut:

EU-p programminut allanut appakaassinnaanermut ataatsimiititaliap paasinninnera eqqarsaatersuutaalu pingaaruteqarluinnartuupput. Naluneqanngitsutut Kalaallit Nunaat EU-mut ilaasortaannngilaq, OLT-milli isumaqatigiissut aqutugalugu ilaasuulluni, isumaqatigiissutip kapitaliata sisamaanni, art. 198 – 204 TEUF-imi tunngaveqartitaalluni.

Isumaqatigiissutip nunani OLT-qarfiusuni aningaasaqarnikkut, inuuniarnikkut kulturikkullu ineriartornerit siuarsarneqarnissaat anguniagaraa. Tamanna ilaatigut OLT-mik (Overseas Association Decision) aqqissuussinermi, siunnersuisoqatigiit aalajangigaanni, ersersinneqarpoq. Ullumikkut OLT-mik aqqissuussineq 2013-ip naanerani atuukkunnaassaaq. Ilimagineqarporlu, OLT-mik aqqissuussineq nutaaq 1. januar 2014-imi atutillassasoq – 31. december 2020-llu tungaanut atuutissalluni.

Ullumikkut OLT-mik aqqissuussineq aqutugalugu Kalaallit Nunaat EU-mi pilersaarutinut arlalinnut akuusinnaavoq;

- Ilisimatusarnikkut tunngaviusumik pilersaarutit 7-iat (FP7)

- Inuuneq naallugu ilinniartarnissamut pilersaarut (LLP)

- Unammillerluarsinnaassusermut ineriartortitsinermullu pilersaarut (CIP)
- Kulturi pillugu pilersaarut (Culture)
- Tusagassiorneq pillugu pilersaarut (Media)

Maannakkorpiaq nunat ilaasortaasut 2014-2020-mut OLT-mik aqqissuussinermut nutaamut oqaasertali-ussassat siunnersuisoqatigiit isumaqatigiinniutigaat, suliaqarneq tamanna 2013-ip naannginnerani naam-massineqartussatut ilimagineqarpoq. Taamaattumik maannakkorpiaq aalajangiiffigineqarsinnaanngilaq EU-mi pilersaarutitut nutaanut sorlernut Kalaallit Nunaat ilanngutissanersoq. Ilimagineqarporli, siuliani pilersaarutitut taaneqartunut piffissami tullermi ilanngunneqassasoq. Isumaqatigiinniarnissami inernerit apeqqutaatillugit, aallaavittut siunniunneqarpoq, OLT-minngaanniit susassaqtut EU-mi pilersaarutitut tamanut pe-qataasinnaatitaassasut aningaasaliinissamullu pisussaataitaassasut. Tamatuma kinguneraa, nunani OLT-qarfiusuni inuit ataasiakkaat, namminersortut suliffeqarfiillu pilersaarutini taakkunani malerua-gassat anguniakkallu pisariaqarpallu aqqissuussinernik eqquutsitsisut peqataasinnaatitaasarnissaat, OLT-p ataani naalagaaffinni ilaasortaasuni atuutsinneqartuni.

Apeqqutaasoq tassaassaaq, taamatut ilanngussinnaaneq qanoq piviusorsioertiginersoq, Namminersorlutik Oqartussammi OLT-milu ilaasut allat ilaatigut misilittagaasa paasinarsisimmassuk, EU-mi pilersaarutini aningaasanik pissarsisinnaanermut nunat ilaasortat allat assigalugit nalinginnaasumik unammillerniarneq ajornakusoortittarmassuk, suliniutitut tapiiffigineqarsinnaasunut. Maannakkut siunnersuutigineqartumi Kom-missionip itigartitsissutigaa immikkut ittumik OLT-t EU-mi pilersaarutitut, assersuutigalugu ilinniarti-taanernut, avatangiisinut ilisimatusarnermullu ilanngussinnaanermut tunngavissat.

Ullumikkut OLT-mik aqqissiissunermut atuuttumut tunngatillugu, tamatumani EU-mi pilersaarutit immikkut (killilimillu) aqqissuussinerup immikkoortuata 58-ianni kiisalu Annex II F-imi allassimasunut, OLT-mik aqqissuussinissamat siunnersuutip nutaap piffissami 2014-2020-mut EU-mi pilersaarutitut tamanut peqataanissamat periarfissiivoq.

Kalaallit Nunaannit tamanna iluarinartuuvoq, tamatumani EU-mi pilersaarutitut tamanut ammaassisuus-sappat, tassunga ilanngullugu pimoorussamik Horizon 2020-mut ilisimatusarnermut pilersaarutit 7-iannik (FP7) taarteqaataasussamat. Tamatumali aamma kingunerissavaa, nunat ilaasortaasut allat danskillu EU-p pilersaarutaanut qinnuteqaateqarnissamat atugassarititat assigalugit Kalaallit Nunaat unammilleqataa-sassasoq.

Apeqqut:

b. Programmini taakkunani peqataanissamat nunatsinnit soqutiginnittunut siunnersuinikkut, attaveqartitsi-nikkut aammalu ingerlatitseqqinnikkut Bruxellesimi sinniisoqarfiup qanoq peqataaqataasinnaanera Naalackersuisunit isumaliutigineqarsimava?

Akissut:

Bruxellesimi Kalaallit Nunaata Sinniisoqarfiata EU-mi kommissionimut Namminersorlutik Oqartussat isu-maqatigiissutaasa qitiusumik ataqatigiissaarneqartarnerat isumagisaraa. Sinniisoqarfiup EU-mi suliffeqarfinnut, OLT-mi ministeritut isumaginninnermut kiisalu Namminersorlutik Oqartussat EU-mi pilersaarutitut nalinginnaasumik soqutigisaannut tamatumunnga inunnik marlunnik aallartitaqarsimapput. Namminersorlutik Oqartussat EU-mi pilersaarutitut piviusunngortitsinissaannut ilaalernissaannullu isumaginnittuusut ilaatigut tassaasimapput nunanut allanut tunngassuteqartunut pisortaqarfik, immikkullu suliffeqarfinnik siunnersuisarneq pingaartumik Greenland Businessimiilluni. Nuummi Greenland Business Kalaallit Nunaata EU-mi suliniutitut allaffigaa. Kalaallit suliffeqarfii pisortallu suliffeqarfii EU-mi suliniutitik aallartitsinissamat siunnersorneqarsinnaapput pisariaqartinneqarpallu Europamiissinnaasassallutik. Greenland Businessip aallartitat tikeraartarnerat pilersaarusiortarparaa ataqatigiissaartarlugulu, taamaalilluni soqutigisaqtut Europa Parlamentimi, Kommissionimi Bruxellesimilu allanut attaveqartarniassammata. Aallartitat tikeraartussat amerlasuut oktober 2013-imi takkunnissaat ilimagineqarpoq.

Nutaatut OLT-p aaqqissugaanik EU Kommissionilu suleqatigalugu, 2013-ip aallartinnerani Bruxellesimi OLT pillugu allaffeqarfimmik pilersitsisoqarpoq. Allaffeqarfiup suliassai ukiumoortumik sulinissamut pilersaarummi nassuiaaserneqarput, pingaartumillu OLT EU-mi ukiumoortumik naapeqatigineqartarnera, OLT-milu ministerit 25-t sullinneqartarnerat piareersartarlugu, tamatumunnga ilanngullugu OLT-milu suliniutit EU Kommissionimi ingerlanneqartarnissaat Bruxellesimilu OLT-mi soqutigisanut nakkutiginnittuusarluni. Tamatuma saniatigut OLT-mut paasissutissiivittut ilisimasatigullu qitiusoqarfittut atuutissaaq. Allattoqarfik ukiumut pingasunut suliniutaavoq Kommissionimit aningaasalersorneqartartoq, Kalaallit Nunaatalu Sinniisoqarfiata OLT-p allattoqarfiata Namminersorlutik Oqartussallu akornanni ulluinnarni attaveqartarneq isumagisarislugu.

Naalackersuisut tungaanninngaanniit Namminersorlutik Oqartussat nunanut allanut kiffartuussinerat Greenland Businessillu akornanni suliat agguataarneqartarnerat naammagarluinnartut Naalackersuisunit nalilerneqarpoq, tamatumani nukissat Bruxellesimi aalajangiisuusumik suliassaasa naammassi-neqartarnissaannut nukissat eqqarsaatigalugit.

5.5 Konto pingaarneq 10.19.03 Northern Periphery and Arcticimut Kalaallit Nunaata tapeiissutai

Apeqqut:

a. Programmimit allannguutit suut aningaasaliissutit amerlinerannut pissutaappat?

Akissut:

Aningaasat NPP-mut immikkoortinneqartartut ukiut tamaasa 80.000 EURO-put, 600.000 kr.-erluinnarnut naapertuuttut. Taamaalilluni Kalaallit Nunaat akiliutigineqartut naatsorsuutigalugit tassaavoq peqataasartut minnersaat.

Peqatigitillugu suliniutinut peqataasarnerni iluatsilluartuni Kalaallit Nunaanni NPP-mik soqutiginninneq anertuseriarsimavoq, siornatigut nutaanillu suliniutinut peqatigisartakkani.

Peqatigitillugu apeqquteqartarnerit amerlanerujartortillugit, pilersaarutip pingaaruteqarnera pitsanngoriarsimavoq. Taamaalilluni januar 2014-imiit pilersaarut "Northern Periphery and Arctic"-imik (NPA) taaguu-teqalerpoq, taamaalilluni Kalaallit Nunaannut attuumassuteqartunik ajornartorsiutit isiginiarneqartarnerat qanillatorneqarpoq.

Nunat issittut pilersaarummi nutaami inissisimalernerat nunanut tamalaarpaluttumik sammisat pitarlugit periaasiulerpoq, taamaalilluni suliniutit tamarmiusut nunani issittuni ajornartorsiutit aaqqiivigineqarnissaannut kajumissaataalluni.

Sammilerumaagassat tassaassapput: "Nutaaliorneq", "Aallarnisaaneq", "Atoqqiisarneq nukissallu pitsaasut", kiisalu Pinngortitamik kulturikkullu kingornussat kiisalu pissamaatit atorluarsinnaasut illersorneqarnissaat". Pilersaarutip pilersaarusiorneqarnerani sammisat sisamat Kalaallit Nunaata kissaatigisaanut pingaarnerpaajusimapput.

Pilersaarutit imarisassai december 2013-imi kiisami aalajangersarneqassapput, immikkoortulli pingaarnerit (assersuutigalugu sammisassat) maanna inissinneqareerput.

Kalaallit Nunaannut apeqqutit ilaat sinneruttoq tassaavoq kalaallit suliniutinut ataqatigiissaarisartuinik periarfissat suliniutillu piviusunngortinneqarnissaannut periarfissat, oktobarimi pilersaarusiortuni ataatsimi-innissami isumannaarneqartussatut ilimagineqartut. Suliniutinut ataqatigiissaarisartunik aqissuussinissamut marlunnik pissarsisinnanissaq eqqarsaatersuutigineqarpoq – suliniutinut ataqatigiissaarisartooq allaffissornikkullu ataqatigiissaarisartooq – suliniutit aaqqissuunneqarneranni eqaannerusussaq qularnaarniarlugu.

Missingersuutinik qaffaaneq Greenland Businessimi nunani tamalaani suliniutinik qaffasaanissamut tungatinneqassaaq (Namminersorlutik Oqartussanut suliniutinik siunnersuisartussamut), EU-mi suliniutinut

kalaallinut suliniutinut peqatigisassanut atorfirmik nutaamik pilersitsinissamut ikiuuttussamik (tassunga ilanngullugit pingaartumik NPA, Horizon 2020 aamma Erasmus+). Taamaaliornikkut kalaallit suliniutinut ikiuuttussat maanna EU-mi suliniutinut peqataanermi aqutsinikkut unammilligassat angummaffigineqarnissaannut pitsaanerusunik periarfissaqalissapput.

Kingullertut, minnerunngitsumillu, akiliutinik utertitsinermi sivirusumi ajornartorsiutip aaqinneqarnissaanut. Tamanna ikiorserniarlugu NPA-mi suliniutinut siumut akiliisarnissamut tamanna Greenland Venturemut (GB-p suliffia aqutaq) neqerooruteqartassaaq – allaffissornikkut akiliummut appassissumut 5 %-imut. Tamanna aaqissuussinerussaaq nammineq qinigassaaq, suliniutinut neqeroorutigineqartussaaq. Suliniutit neqeroorummik pissarsiumasut, misigissavaat utertitsilluni akiliisernerup piffissartaata qaammatinut 8-14-iiit qaammatinut marlunniit sisamanut sivikillineqarnissaa. Tamatuma suleqatigisat ilaannut utertitsilluni akiliisarnissap ukiumi missingersuusiorfiusumi pisanginnissaanut ajornartorsiut atuukkunnaarsissavaa.

Qaffasissutsinut siunnersuutigineqartunut NPA-p pilersaarutaata tamakkiisumik iluaqutigineqarnissaa ilimagineqarpoq, sulilu Kalaallit Nunaata suliniutinut aningaasaliisarnissaata marloriaatingnornissaa periarfissaassaaq.

Apeqqut:

b. Nunanut allanut pisortaqrifiup naliliinermi nalunaarusiaa majimeersoq tunniunneqassasoq kissaatigineqarpoq.

Akissut:

Nalunaarusiaq “Kalaallit Nunaata nunani tamalaani pilersaarutinut aningaasaateqarfinnullu naliliineq” ilanngullugu nassiunneqarpoq.

5.6 Konto pingaarneq 10.19.04 Kalaallit Nunaata Washington D.C.-mi Sinniisoqarfia

Apeqqut:

a. USA-mut Canadamullu niuernikkut suleqatigiinneq Namminersorlutik Oqartussanit annertusarneqassasoq missingersuutinut ilanngussami allassimavoq. Apeqqutaavoq nunatta taakkununga ullumikkut tunisartagai qanoq annertutiginersut aammalu avammut tunisartakkatta annertusarnissaasa sulissutiginisaa qulakkeernissaalu Washingtonimi sinniisoqarfiup qanoq naatsorsuutigineraa?

Akissut:

Sinniisoqarfimmi nunatsinneersutut pisortap sulissutigissavaa, Kalaallit Nunaata USA-llu aamma Canadallu akornanni niuernikkut aningaasaqarnikkullu suleqatigiinnerup annertusarneqarnissaa, kiisalu ilisimatusarnerup, ilinniartitaanerup, nunat inoqqaavisa, kulturip, suliffissuaqarnerup il.il. iluini suleqatigiinnerup pitsanngorsaaffigineqarnissaa.

Ullumikkut Kalaallit Nunaata USA-mut Canadamullu tunisaqartarnera killilerujussuuvoq, tamatumunnga pequtaavoq USA-mik Canadamillu niueqateqarnitta iluaqutaasumik tunngaviusutut isumaqatigiisummik tamakkiisumik ineriartortitsisoqarsimannginnera.

Nunarsuarmi allannguuterpassuit Kalaallit Nunaannut sunniuteqarmata, Kalaallit Nunaannut pisariaqarpoq aningaasaqarnikkut, naalakkersuinikkut isumannaallisaanermullu naalakkersuinikkut ingerlatsisut qanimut attaveqarfigineqartarnissaat, Kalaallit Nunaanni toqqaannartumik USA-mit EU-millu soqutigisaqartunik. Washington D.C.-mi Sinniisoqarfimmi ammaaneq oqaloqatigiittarnernik angusaqarfiulluartumik pereersunik aallaaveqarpoq.

USA-mik qanimut toqqaannartumillu suleqateqarneq Sinniisuutitaqarfik aqutugalugu pilersinneqarsinnaasoq suliassaqrfinnut isumagineqalersunut immikkut pingaaruteqarpoq, assersuutugalugu aalisarnermut aatsitassanullu suliassaqrfinnut. Aatsitassarsionermik suliassaqrfinmi aammattaaq ilaa-

voq nunanut allanut niuernissamik isumannaatsuunissaq illersorneqarnissarlut eqqarsaatigalugit periarfissaqartitsisoq, tamatumani Kalaallit Nunaannut pingaaruteqarluni Danmarkiinnaanngitsumik peqatigisanilli pingaaruteqartunik allanik qanimut oqaloqatiginnittarnissaq.

Aatsitassarsiornerup silarsuaani Amerikami avannarlermiut aningaasaliisartui pilerisaarniaraanni, tamanna aalajangersimasumik piffissami sivisuumi najuuttoqartarnissaa piumasaqaataavoq.

Siunissaq eqqarsaatigalugu siunniussaavoq, USA-mik EU-tulli aningaasaqarnikkut suleqatigiilernissamik pilersitsinissaq. Kalaallit nioqqutissiaat ullumikkut EU-mut akitsuutitaqanngitsumik eqqunneqarsinnaapput, Kalaallit Nunaallu EU-miit 320 mio. kr.-it misaannik pissarsisarpoq, aalisarsinnaanermut pisinnaatitaaffiit tunineqartarnerisigut (200 mio. kr.) ilinniartitaanermilu suliassaqaqfiup ineriartortinneqarnissaanut tapiissutinik (120 mio. kr.).

Kalaallit Nunaata inissisimarnnga amerikamiullu Thulemi sakkutooqarfiata inissisimaneq eqqarsaatigalugit, pissusissamisuuksaaq attaveqaatersuutini upalungaarsimanerlu eqqarsaatigalugit amerikamiut aningaasaliissuteqartarnissaat.

Taamatuttaaq suliassaqaqfinni ukunani suleqatigiinnissamat periarfissaqarpoq:

- Inuussutissarsiutinik soqutiginninnerup aalajangersimasumik attaveqaasernissaa
- Kalaallit suliffeqaqfiinut pisortat namminersortullu pigisaannut suliniutinut, isumassarsianut niuernermilu USA-mukarusuttunut kiffartuussinermi qitiusoqarfik
- Ilinniarfeqaqfinni inissat ilisimatusarnermilu isumaqatigiissutit amerlanerusut
- Ilinniarfeqaqfiit akornanni taartigeeqatigiinnissamat isumaqatigiissutit
- Ilinniartitaanermut pilersaarutinik immikkut isumaqatigiissutinik pilersitsineq, assersuutigalugu "Washington Semester Program"
- Suliffeqaqfinnik immikkut ittumik pisariaqartunillu sulilluni misiliiffissat
- National Science Foundationimik suleqatigiinnissamat isumaqatigiissutip pilerseqqinneqarnissaa

Apeqqut:

b. Washingtonimi sinniisoqarfimmik ammaaneq Bruxellesimi sinniisoqarfiup ilusiligaanera malillugu pissasoq missingersuutitut ilanngussami titarnertaami kingullermi allassimavoq. Taamatut ilusiliinissaq danskit nunanut allanut ministereqarfianit akuerineqarsimanersoq aammalu sinniisoqarfiup Canadami atutilersinneqarnissaa ajornannginnersoq paasissutissiissutigineqassasoq kissaatigineqarpoq.

Akissut:

Aalajangersimasumik nunanut allanut pisortaqaqfik danskit nunanut allanut ministereqarfiannik aalajangersimasumik suleqateqarnera aqutigalugu Washington D.C.-mi allartitaqarfimmik ammaanissamat siunniussaqaqarnera tamakkiisumik ilisimatitsissutaavoq, ammaanissamullu eqqarsaatersuutigineqartoq oqal-lisigalugu aallartinneqareerpoq. Kalaallit sinniisuutitaqarfianni ammaanissamat periaasissaq nunanut allanut ministereqarfimmik isumaqatigiissutaareerpoq. Washington D.C.-mi sinniisoqarfimmik pisortatigoo-rtumik ammaanissamik peqqussut inissallu pillugit isumaqatigiinniarnertit allallu AI 2014-ip isumaqatigiis-utigineqannginnerani aallartinneqarsinnaanngillat.

Sinniisut nunanut arlalinnut pisinnaaffilerneqartarnerat nalinginnaasuunngilaq. Pisumi aalajangersimasumi apeqqutaassaaq taamatut marloqjusamik pisinnaatitaanerit taamaattut danskit nunanut allanut ministe-reqarfianniit Canadamut USA-mullu peqqussut taamaattoq akuersaassaneraat.

Apeqqut:

c. Inatsisartut aalajangiiffigisassaattut siunnersuut UKA 12/24-ip akuerineqarneranit maanna ukioq ataaseq affarlut qaangiuppoq. Washingtonimi sinniisoqarfiliornissap salliutinneqarnissaa Naalakkersuisut taamani kissaatigaat, puisilli amiinik avammut tuniniaaneq, aatsitassarsiorneq pianaanerlu eqqarsaatigalugit Kinami sinniisoqarfimmik pilersitsinissaq naleqquppa allaallumi immaqqa naleqqunnerua?

Akissut:

Aningaasaqarnikkut peqqutissaqarluarpoq ukiuni tulliuuttuni Kinami sinniisoqalernissaq eqqarsaatersuutigineqarsinnaanersoq. Nunanulli allanut naalackersuisoqarfiup naliliineraa, aningaasaqarnikkut attaveqaatit erseqqissut sulit tamatumani piviusunngortinneqarnissaannut qaffasissutsimut pisimangitsut.

Kinami sinniisuutitaqarfimmik ammaanissaq naalackersuinikkut siunniunneqarsinnaangilaq, Danmarkip, Kalaallit Nunaata Savalimmiullu akornanni pingaarutilimmik isumannaallisaanermi naalackersuinikkut pisutsit eqqarsaatigalugit, tamatumani Washington D.C.-mi ingerlalluurtumik sinniisoqarfimmik ammaasoqalersinnagu.

5.7 Konto pingaarneq 10.19.05 Nunani tamalaani ingerlatat iliuutsillu

Apeqqut:

a. *Ingerlatat sorpiaat aallartinneqassapat aningaasaliissutit amerlineqarnerannik tunngavissiisut?*

Akissut:

Nunanut allanut naalackersuisoqarfik niuernerme ingerlatsinermut akisussaasuvoq taamatuttaarlu pilersaarusiornermut, nunanit allanit tikeraartut nunanulli allanut tikeraartut malitseqartinneqartarnissaat akisussaaffigalugit.

Naalackersuisooqatigiinnissamut isumaqatigiissutip niuerfiit nutaat ammaassivigineqarnissaat soqutigisaraa nunanik allanik niuernerq annertusarniarlugu Kalaallit Nunaannilu ineriartornissaq annertusarniarlugu. Nunanut allanut Naalackersuisoqarfimmik aningaasanik Aningaasaqarnermut inatsimmi kontumut 10.19.05-imut, Nunani tamalaani ingerlatanut iliuutsinullu, aningaasanik amerlanerusunik qinnuteqarpoq. Siunertarineqarpoq, konto annertunerusumik – nunani tamalaani nalinginnaasumik ingerlataareersut saniatigut – niuernerup siuarsarneqarnerani ingerlatanik siuarsaanissap tapiiffigineqarnissaanut taamaaliornikkullu kalaallit inuussutissarsiortuut kalaallillu aningaasaqarnerisa naleqarnerulersinneqarnissaa taper-sorsorniarlugu.

Ingerlatassat erseqqissut aallartinneqartussat pingaarnerusumik tassaassapput

- 1) Sydkoreami, Japanimi, Kinami USA-milu niuerfiit nutaajunerusut niuernikkut siursaavigineqarnissaanut ingerlatanik aningaasaliissuteqarnissaq
- 2) Siuliani niuerfinni taaneqartuni malitseqaataasumik ingerlatanik aningaasaliissuteqarnissaq

Pingaarnerusumik ingerlatanut iliuuserineqartunik erseqqissunik tapiissuteqartoqarsinnaassaaq, assersuutigalugu

- 1) Suliffeqarfinnik, nioqqutissianik nioqquteqarfinnillu nittarsaassinermut atatillugu angalanermi aningaasartuutit
- 2) Suliffeqarfinnik, nioqqutissianik nioqquteqarfinnillu nittarsaassinermut atatillugu uninnganermut aningaasartuutit
- 3) Suliffeqarfinnik, nioqqutissianik nioqquteqarfinnillu nittarsaassinermut atatillugu ataatsimiiffinnut ataatsimiinnermilu aningaasartuutit
- 4) Niernerup siuarsarneqarneranut, nunanut allanut niuernerup imaluunniit aningaasaleerusuttunik pilersaananermut atatillugu suleqatigisassatut suliniutinut tapiissuteqartarneq.

Aallaavittut niuernerme siuarsaanissamut ingerlatat niuerfiit Japanimiittut, Sydkoreamiittut, USA-miittut Kina-miittullu sammineqassapput. Niuerfiit taakkua qanga niueqatigisartakkatsinnit EU-miit annikinnerupput periarfissaqarluarlutilli, taamatuttaaq niuernerput assigiinngisitaalersissinnaallugu aalisarnikkullu, takornariaqarnikkut misigisassarsiortullu iluanaarniutigineqartarneranni sammisassat akiliilluarsinnaasut aqqutigalugit akigissaartitsileratarsinnaasut (tamatumunnga ilanngullugu kulturikkut niuernerme nipilersukat) kiisalu aningaasaliisartut aatsitassarsiormilulu pissarsisartut.

Aningaasaliissutit erseqqissumik ingerlatat ikiorsiivigisassai siuliani niuerfiit taaneqartut niuernikkut siuarsaavigneqarnissaat ilapittuiffigissavai, aningaasaliissuteqarnerup inuusutissarsiutininik nipilersornermillu suliaqartartut nittarsaassisarnissaannut tunngaviusussanik qularnaarinnittussat. Ineriartortitsinermi ataqatigiissaarinerup qularnaarneqarnissaani siunertaavoq, ineriartortitsinermi ingerlatani niuerfinni periarfissanik takussusiisuni, kontumi ikiorsiivigneqarnissaat ugartorneqarsinnaassasoq, taamaalilluni niuerfinni taaneqartuni ataavartumik ingerlatsisoqalerniassammat imaluunniit niuerfinni taaneqartuni siuarsaanissaq, niuernermi siuarsaaneq qaangerlugu.

Tamatumani suliffeqarfiit ilaannut niuerfiit nutaat kiisalu aningaasartuutit pineqarsinnaapput, assersuutigalugu suliffeqarfimmut nutaamut avammut niuernissamut periarfissalimmut nammassallugit ajornaku-soorsinnaasut. Suliffeqarfimmut mikinerusunut Aningaasanut inatsimmi kontumi 10.19.05-imi tapiissuteqarnerit aalajangiisuusinnaapput, niuerfinnut nutaanut misiliisinnaanerannut niuernermillu siuarsaaner-mut peqataalerlutik.

December 2012-imi Sydkoreami tikeraarnerup paasinarsisippaa, niuernermik siuarsaanerit taakkua aningaasaqarnikkut imminut akilersinnaassasut, Royal Greenlandimut aningaasaqarnikkut ajunngitsumik sunniuteqartut, taamatutaaq amernik amernillu meqquiakkanik erseqqissumik tuniniaasarnissamut periarfissanik Great Greenland angusaqarsimasoq. Tamatuma saniatigut nipilersoqatigiit Nive Nielsen & the Deer Children akissarsisinnerqarlutik nipilersorsimasut kiisalu suleqatigiinnerulernissamik soqutiginnilersisimasut.

Taamaalilluni periarfissat taakkua malitseqartinneqartariaqarput, aningaasanullu inatsimmi konto tunngavissanik pisariaqartunik pilersitsinerit ilapittuiffigisinnaavai kiisalu assersuutigalugu sinniisup angalanis-saanut matussusiilluni attaveqarfissat periarfissallu malitseqartinneqarnissaannut.

Taamaalilluni Japanimi, Kinami USA-milu niuernermik siuarsaanissaq pilersaarutaavoq, taamatutaaq Syd-koreap niuerfiillu allat malitseqartinneqarnissaat pilersaarutaalluni, tamannalu suliffeqarfiit danskillu aallar-titaqarfii qanimut suleqatigalugit ilaatigut ingerlanneqassallutik.

Niuernerup siuarsarneqarnissaata soqutigineqarnerulernissaata naliliivigneqarnissaa pilersaarutaavoq.

Apeqqut:

b. Piumasaqaatit qanoq ittut tunngavigalugit nunanut allanut pisortaqarfik tapiissutinik agguaassisarpa?

Akissut:

- 1) suliniutinut pilersaarutit
- 2) missingersuutit akiliutillu allagartaat
- 3) ingerlatat uppersaasarneqarnissaat – assersuutigalugu ataatsimeersuarnissanut assigisaannullu qaaqqusinerit
- 4) qinnuteqaateqartumiit suliniutiniillu nalunaarusiornerit. Tamanna naammassineqarsinnaangikkaluarpak qinnuteqaatit amerlanerit akuersarneqarsinnaassanngillat?

Aningaasanilli agguaanermut erseqqissunik naliliisoqartarpoq, nunanut allanut suliassaqarfimmi Naalakkersuisut salliutinniagaannut qanitunik (nunanut allanut niuerneq ilanngullugu). Taamaalilluni qinnuteqaatit naalakkersuinikkut salliutinniakkaniit ungasippallaartutut nalilerneqartut akuersarneqarneq ajorput – assersuutigalugu nuna naalakkersuinikkut niuernikkullu tunngassuteqartuni immikkut pingaaruteqanngitsutut nalilerneqaraangat.

Apeqqut:

c. Aningaasat siunertat naapertorlugit atorneqarnerat qulakkeerneqarsinnaaqqullugu tapiissutinik pisarsisut nalunaarusiomissaannut qanoq piumasaqaateqartoqarpa?

Akissut:

Nalunaarusiornissamut piumasaqaatip qularnaassavaa, qinnuteqaateqartup ingerlatassatut pilersaarutini ingerlassimagaa, peqatigitillugulu periarssiisoqassalluni, Nunanut allanut Naalackersuisoqarfiup isummanik piviusunilluunniit nalunaarusiortarnissaa, Nunanut allanut Naalackersuisoqarfiup Naalackersuisulluunniit siunissami atorsinnaasaannik. Assersuutigalugu ataatsimeersuarnerni workshopiniluunniit peqataasimaneq, kingorna isumaqatigiinniarnepup ingerlarnganut imarisaasut soqutiginaateqalersinnaallutik.

Qinnuteqaateqartoq peqquneqarsinnaavoq nalunaarusianik nalinginnaasunik imaluunniit nalunaarusianik erseqqinnerusunik allagaqassasoq. Akiliutit allagartaat tunngavigalugit tapiissutinik akiliisoqartarmat, assersuutigalugu piaartumik uppersarneqarsinnaasassaaq tamatumani angalaniviit ataatsimeersuarnerniluunniit peqataasimanerit pineqarnerat.

Tamatuma saniatigut niernerup siuarsarneqarnissaanut ingerlatat ilaanni imaattoqarsinnaavoq, niuernermik siuarsaanermut atatillugu tamanna pissanersoq (tamatumani Nunanut allanut Naalackersuisoqarfik nammineerluni najuutissasoq pilersaarusiornermi ingerlatsinermilu peqataalluni) imaluunniit niuerfinni danskit aallartitaqarfii suleqatigalugit tamanna pissanersoq. Danskit aallartitaqarfii peqatigalugit Nunanut allanut Naalackersuisoqarfik malitseqartitsinermik piviusunngortitsinermillu suliaqassaaq, taamaalillunilu Nunanut allanut Naalackersuisoqarfiup ineriartorneq sukumiisumik malinnaavigisinnaalissavaa.

Apeqqut:

d. Suliassami kisitsisit ilanngunneqarnissaat kissaatigineqarpoq.

Akissut:

2013-imut ingerlatat takussutissartaat ilanngunneqassaaq. Tamatuma siunissami niuernermik siuarsaanermi ingerlatat takussusinngilai, ukiuni tulluuttuni ingerlanneqartussatut ilimagineqartut.

Qinnuteqartoq	Siunertaq	Aningaasaliissutigineqartut
Naja Carina Steenholdt	SASS Conferencemi peqataaneq	14.162,20
Sara Høegh Egede	EF pillugu ilinniagaqarneq - High School LA	0
Inga Pernille Hansen	Nunavummi Nunavut pillugit atuak-kamik misissuineq	20.300
Suliniut	Sisimiuni aatsitassarsiornermut ilinniarfimmi Nunavut peqataanerat	47.410
Lana Hansen,	Silaannaap pissusia Inuusuttullu pillugit ALTA-mi ataatsimeersuarnermut peqataaneq	11.995
Henriette Rasmussen	Kinami sustainable use of oceansimi ataatsimeersuarnermut peqataaneq	17.240
Lana Hansen	The Climate Project	0
Naturinst. Helle Siegstad	Issittup imartaani immikkut ilisimasallit peqataaffigineqarnerat	30.000

Japanimi, USA-mi Sydkoreamilu 2014-imi erseqqissunik iliuseqartoqarnissaa ilimagineqarpoq. Taamatut-taaq 2015-imi niuerfiit taaneqartut peqatigalugit Kina malitseqartitsiumaarpoq.

5.8 Konto pingaarneq 10.19.07 Inuit Circumpolar Council

Apeqqut:

a. Aningaasaliissutit ikilineqarnerannut nassuiaat kissaatigineqarpoq.

Akissut:

Inuit Circumpolar Conference (ICC) ingerlatsinerminut 2007-imiilli Aningaasanut inatsimmi Nunanut allanut Pisorta qarfiup suliaqarfia aqutitigalugu aningaasaliiffigineqartarpoq. Aningaasaliissutit ikilisinneqarnerannut peqqutaasoq tassaassaaq, 2008-mili tapiissutit ikilisinneqarnissaat pilersaarutaasimammat, tamannali taamaallaat killilimmik pisimasoq. ICC iluaqutaasumik Alaskamit Canadamiillu Inuit peqatigalugit allaninngaanniit aningaasanik qinnuteqaateqarsinnaavoq, assersuutigalugu nunat tamalaat pilersaarutaannut aningaasaateqarfinniillu. Tamanna annertuumik ingerlanneqareerpoq, ukiunilu aggersuni ICC-mut pingaarnertut aningaasaliissutaasalersinnaavoq. Taamaattumik ICC-mut tapiissutit 2014-imit ukiut arlallit ingerlaneranni ikiliskkiartorneqassapput.

Apeqqut:

b. Nunat ICC-mut ilaasortat nunaminni immikkoortortaminnut qanoq amerlatigisunik tapiissuteqartarpat?

Akissut:

Piffissaliussap qaangiutinnginnerani nunani immikkoortoqarfiit ilaanniit paasissutissanik pissarsiniarneq ajoraluartumik periarfissaqarsimanngilaq. Akissut piareeriarpat nassiunneqarumaarpoq.

Apeqqut:

c. Missingersuusiormermit malittarisassami 2008-meersumi kapitali 12 naapertorlugu kattuffiup nalunaarutaata kingulliup assilineri qinnutigineqarpoq.

Akissut:

ICC-p 2012-imi ukiumoortumik nalunaarusiaa ilanngullugu nassiunneqarpoq.(*)

5.9 Konto pingaarneq 12.01.01 Kalaallit Nunaata K benhavnimi Sinniisoqarfia

Apeqqut:

a. Sinniisoqarfimmi sulisumik allamik ataatsimik, Siulittaasup Naalakkersuisoqarfiata suliassaataanik isumaginnittussatut naatsorsuutigineqartumik, 2014-imi atorfinitsitsisoqassaaq. Suliassat sorpiaat pineqarnersut paasissutissiissutigineqassasoq kissaatigineqarpoq?

Akissut:

5.9 b-mut akissut takuuk.

Apeqqut:

b. Sanilliussisinnajumalluni Savalimmiut sinniisoqarfiani qassit sulisorineqarnersut paasissutissiissutigineqassasoq ataatsimiititaliamit kissaatigineqarpoq.

Akissut:

Siulittaasup naalakkersuisoqarfiata 1. december 2012-imi Kalaallit Nunaata Sinniisoqarfiata Inatsisinut Allaffiani sulisorisamik inissiivoq. Pineqartup Inatsisinut Allaffimmi inatsiseqartitsinikkut suliassat isumagissarai. Atorfik Siulittaasup Naalakkersuisoqarfiani, Inatsisinut Allaffiup missingersuutaaniippoq, maanakkulli Kalaallit Nunaata sinniisoqarfiani sulisorisat nassuiaaserneqarnissaat aatsaat ilannguppai, AIS 2013-imimi takussutissiaq taamaattoq juni 2012-imi suliarineqarmat.

Savalimmiut Sinniisoqarfiata ilisimatitsissutigaa, aalajangersimasumik sulisorisat pingasuusut. Tassunga ilanngunneqassapput misilliisoq ataaseq pisariaqarpallu marluk. Savalimmiut Kalaallit Nunaatalu Sinniiso-

qarfiini sulisorisat amerlassusii suliap pissusaa naapertorlugu suliassat kissaatigineqartut isumagi-neqartarnissaannut apeqquataassapput, takuuk konto pingaarnermut 12.01.01-imut ilassutitut missin-gersuutit.

5.10 Konto pingarneq 12.01.11 Namminersorlutik Oqartussat Københavni inissiaataat

Apeqquut:

Inissiaq Namminersorlutik Oqartussaneersunit amerlanerusunit atorneqarsinnaaqullugu atorneqamera pillugu Naalakkersuisut qanoq isumaliuteqarsimappat? Tassami atorneqanngikkaluarpalluunniit aningaasartuutit aalajangersimasut aningaasartuutigineqartussaammata aammalu Naalakkersuisut sulisuisa amerlanerusut inissiamik atuisinneqarnerisigut akunnittarfinni unnuinnermut aningaasartuutit killi-lerneqarsinnaammata.

Akissut:

Danskit inissianut inatsisaat naapertorlugu kommunimiit immikkut akuersissuteqartoqartarnissaa piumasa-qaataavoq, inissiaq ilaqutariit inissiaattut atorneqarsimassappat inissiiviugallartussatut atorneqassappat taamaalillunilu nalinginnaasumik inissianit qimaguttoqartassalluni. Københavniip Kommuniata akuersaar-paa, inissiaq Naalakkersuisut utaqqiisaagallartumik atorsinnaagaat, tamannalu Inatsisartut siulittaasuan-nut naalakkersuisoqarfinnilu pisortaasunut atuuppoq. Tamatumunnga atatillugu Københavniip Kommuniata folke-tingimut ilaasortat Københavniimi inissiaataannut atatillugu suleriaasiusut sianiginiarsimavai. Køben-havniip Kommuniata akuersaarnaviarunangilaa inuit inimik attartorsinnaasut amerlanerunissaat. Taamaattumik Naalakkersuisut tamatumunnga sammisumut taaneqartumut eqqarsaatersuuteqanngillat. Inimik attartortittakkamik atuiner-mut maleruagassat Inatsisartut Allattoqarfiannut ingerlateqqinneqarput.

6. Suliassaqarfik 20 - 24 Aningaasaqarnermut Nunamullu Namminermut Naalakkersuisoq

Apeqquut:






6.1 Konto pingarneq 20.01.05 PAT-imut suleriaasissap atuutsinneqamera Suliniutit killiffiat siumukarnerallu pillugit nassuiaat kissaatigineqarpoq.


Akissut:


PAT-mik iloriusissami suliniutit aallartinneqartut killiffiat ingerlanneqarnerallu.


IT pillugu ataatsimoortumik iluserititassaq (Pisortani IT-mik periaatsit ataqatigiinnerat)			
Suliniutit pisortat atatsimut ingerlatsiviini niuernerup IT-milu teknologip akornanni paasiuminarsaanissamut imminullu atatitsinissamut tapersiissaaq aammalu suliniutit pitsaassusiisa qaffatsinissaannut tapersiissalluni. Tamanna sakkut ukuningga ingerlatsitseqqiinnartut atorlugit pissaaq: ataatsimut takunnissinnaaneq, ilisi-masaqarneq, periutsit, misissuiner-mi immersugassat aqutsiner-mi sakkut (governance).			
Aallartinnera/Naanera	Suariatortnermut takussutissiaq	Aningaasaliissutit	Iluanaarutit
Juli 2012 - Dec 2013		Katillugit 650kkr	Aaqqiissutit pioreersut annertuneru-sunik atoqqinneqartarnerat. Suliniutinut nutaanut atatillugu anin-gaasartuutit ikisinneqarnerat, miss. 250kkr/ukiumut


Pisortat digitalimik atsiugaat aallaaviusumillu paasissutissaataat (NemID, CPR, nutarsaaneq, GER/CVR-imik naliliineq, Nunani allani oqartussaasut paasissutissaataannik taartigeeqatigiinneq, inun-nut paasissutissat pil-lugit inatsiseqartitsineq)
Siunertaavoq aaqqiissuussamik pimoorussisoqarnissaa, digitalinngorsaaner-mi tunngaviusumik paasis-sutissanik nunanillu allanik paasissutissanik paarlaateqatigiinnissamut periarfisiisus-sanik qularnaarinissaaq. Taamaattumik aallaaviusumik paasissutissat atorneqarput (CPR/GER-CVR/najukkanut allattuiffiit), inunnu


paasissutissanik mianersornartunik taartigeeqatigiinneq kiisalu inatsisitigut tunngaviit. NemID ilanngullugu attaviligaavoq.			
Aallartinnera/Naanera	Ingerlatsinerup killiffia (suliniutit ilaat)	Aningaasaliissutit	Iluaaarutit
Juli 2012 - Dec 2015	NemID  (CPR:  nguutit  Person  data 	Katillugit 1.000kkr	Pisortat innuttaasunut sammi-sumik aqqiissutaat, peqqin-nissamut aqqiissutaat inussu-tissarsiuteqartullu atugassariti-taat pillugit piumasaqaatit.


Ataatsimoortumik aningaasaqarnikkut aqqiissuussineq (Pisariillisaaneq)			
Suliniummi siunertaavoq digitalikkut aqqiissutit imminnut atasut atorlugit niuernerup ineriartortinneqarnera taperserlugu pisortat allaffissornerisa nutaternissaa pisariilissarnissaalu, taamaalilluni aningaasaqarnermik pitsaaneruserumik aqutsisoqassalluni aqutsisunullu paasissutissiisuqassalluni.			
Aallartinnera/Naanera	Suariartornermut takussutissiaq	Aningaasaliissutit	Iluaaarutit
Juli 2012 - Dec 2015		Namineq AI-mi konto. PAT-mut akiliutit 1.280kkr	Ataatsimoortumik pisortat aningaasaqarnikkut aqqiissuussinerat aqutsinikkut naalakkersuinikkullu aalajangiinernut paasissutissartallit.


Immikkut ingerlatsivik (Ilanngaassivik)			
Ilanngaassiviup siunertaraa akiliisarnermik imminut isumagisumik atuutilersitsinermi siunissami akiligas-saqalersarnerit ikilisarneqarnissaat, taamaaliornikkut innuttaasut akissarsisinneqalinninnerminni aalajangersimasumik akiitsui ilanngaavigineqartassallutik.			
Aallartinnera/Naanera	Suariartornermut takussutissiaq	Aningaasaliissutit	Iluaaarutit
Juli 2012 - Dec 2015		Katillugit 180kkr, IT-mik sinermi matussusiiisus-saangitsut	Ukiumoortumik pisortat sipaarutissaat millioniusut. Taamatutaaq aqutsinermi pisariillisaasoqassaaq.


Pisortat videokkut attaveqartarnerat (Pisortat ataatsimoortumik videoleriffiat)			
Pisortat ataatsimoortumik videokkut attaveqartarnerat pisortat attaveqartarneranni aqutsivinnik ataatsimuu-lersitsisussa. Periuttip innuttaasut sumi najugaqarnerat apeqquaatinnagu pisortanut attaveqartarnerat tapersissavaa.			
Aallartinnera/Naanera	Suariartornermut takussutissiaq	Aningaasaliissutit	Iluaaarutit
Juli 2012 – Dec 2013		Katillugit 1.500kkr	Angallassinikinnerulerneq ataatsimiinnerillu pitsaaneruserumik malitseqartinneqartalerneq. Videonut suliniutinut pisiortornernullu assigiissaarutit najoqqutassiallu.

Peqqinnissaqarfiup kiffartuussissutaanut appakaassinnaaneq (videokkut attaveqaasersuutinullu attaveqaatit)			
Suliniut ataatsimoortumik pisortat videokkut attaveqaasersuutaaniit inernernik atugaqartarpoq. Siunertaavoq innuttaasut angerlarsimaffiinngaanniit imigassartortarnerni tarnikkullu nappaateqartarnerni katsorsaasarnernik ilapittuinissaq. Videop qanoq ittuussusia apeqqutaassaaq.			
Aallartinnera/Naanera	Suariartornermut takussutissiaq	Aningaasaliissutit	Iluanaarutit
Nov 2012 – juni 2014		Katillugit 400kkr	Nammineq illoqarfigisami angallasisarnerup annikillisinneqarnissaa pitsaanerumillu malitseqartitsisarnissaq. Nuna tamakkerlugu innuttaasunik assigiimmik suliarinnittoqartarnissaa.

Napparsimasut paasissutissartaat pisariaqartut pissarsiariaannaallu (Nuna tamakkerlugu EPJ)			
EPJ-iulersussap peqqinnissaqarfik pitsaasoq pinaveersaartitsinermi piginnaasaqarluartoq, misissuulluarsinnaasoq, katsorsaasinnaasoq paarsisinnaasorlu ataqatigiissumik qularnaassavaa. Taamatuttaq peqqinnissaqarfiup tunngaviusumik aqunneqarnerani peqqinnissamut paasissutissat nutartikkat tunngavigalugit qularnaarinnissaaq.			
Aallartinnera/Naanera	Suariartornermut takussutissiaq	Aningaasaliissutit	Iluanaarutit
Juli 2012 – Dec 2015		PAT-miit katillugit 10.000kkr	Suliniut innuttaasunut peqqinnissaqarfimmilu sulisorisanut pitsaassutsinik ilapittuissaaq. 2015-imiit ukiumoortumik iluanaaru-taasassaaq.

Peqqinnissaq pillugu paasissutissiivik (innuttaasunut peqqinnissaq pillugu paasissutissiisarfik)			
Peqqinnissaq pillugu paasissutissiivik tassaassaaq innuttaasunut napparsimasunullu tunngatilluinnagaq, tassalu pinaveersaartitsineq, peqqinnissaq nappaatillu pillugit paasissutissanik ujarlertarfik. Paasissutissat kalaallisut danskisullu paasiuminartuussapput.			
Aallartinnera/Naanera	Suariartornermut takussutissiaq	Aningaasaliissutit	Iluanaarutit
Okt 2012 – Dec 2014		Peqqinnissaqarfiimmit aningaasalersorneqassaaq	Peqqinnissaq pillugu tamanut ilitsersuutit paasissutissallu. Sulisorisat ilinniagaqarsimasut akornanni ilisimasanik misilittakkanillu agguaaqatigiissinnaapput.

Inuit, aqqissuussaaneq nukissallu (Ilinniartitaaneq pillugu nittartagaq)			
Ilinniartitaaneq pillugu nittartakkap Kalaallit Nunaat pitarlugu ilinniartitsisut akornanni ilisimasanik agguaaqatigiittarnikkut ilinniartitaanerup pitsaanerulernissaa ilapittuiffigissavaa. Ilinniartitaanermut neqeroorutit pillugit paasissutissanik ataatsimoortumik pissarsisarsinnaaneq kissaatigineqarpoq.			
Aallartinnera/Naanera	Suariartornermut takussutissiaq	Aningaasaliissutit	Iluanaarutit
Juli 2012 – Dec 2014		Katillugit 400kkr	Ilinniartitaanermut atortussanik nammineerluni ineriartortitamik pissarsisogarsinnaalissaaq. Atortussanik pissarsiniartarnermi ilinniar-tut atuartitsisullu piffissamik sipaas-sapput.

Inuussutissarsiorneq pillugu nittartakkamik pilersitsineq (inuussutissarsiorneq pillugu nittartakkamut tunngaviusussat)			
Namminersorlutik Oqartussat Kalaallit Nunaanni inuussutissarsiortunut, aallarnisaasunut aningaasaliisunut nunani allaneersunut paasissutissaasaannut ataatsimut nittartagaq. Inuussutissarsiorneq pillugu nittartakkap siunertaraa inuussutissarsiortut allaffissornikkut nammagassaannik ikorfartuinissaq pisariillisaanissarlu.			
Aallartinnera/Naanera	Siuariartornermut takussutissiaq	Aningaasaliissutit	Iluanaarutit
Juli 2012 – Mar 2014		Katillugit 950kkr	Inuussutissarsiuteqartunut paasissutis-sanik pisariinnerusumik pissarsisinnalernissaq. Siunissaq eqqarsaatigalugu iluanaarutissat ukiumut 350kkr-nut naatso-rsorneqarput.

6.2 Konto pingaarneq 20.01.06 Kommuniut Nakkutilliisoqarfik

Apeqqut:

Nakkutilliinermik ingerlatsinerup annertusameqarnissaa siunertaralugu aningaasaliissutit 2013-imi aningaasanut inatsisip akuersissutigineqameratigut amerlineqarput. Ulloq manna tikillugu sulinerup killiffia kissaatigineqarpoq.

Akissut:

Nunamut namminermut Immikkoortortaqaarfik 15-18. julimi Qaasuitsup Kommunianut misissuiartorluni angalavoq.

Nunamut namminermut Immikkoortortaqaarfiup oktobarip qiteqqunnerani Qaasuitsup Kommunianut kiisalu Kujallermi, Sermersuumi aamma Qeqqata kommuniini ukiup naannginnerani misissuiartorluni angalaqqinnissani pilersaarutigaa. Pilersaarusioreq, misissuiartorluni angalanerit amerlanerit ukiup affaasa aappaanniinnissaat pissuteqarpoq, 2023-ip qiteqqunnerani siullermi kommuninut qinersisoqarnera.

6.3 Konto pingaarneq 20.01.07 Qinersinernut aningaasartuutit

Apeqqut:

Sooq Inatsisartunut kommunalbestyrelsinullu pilersaarutaasumik qinersinissanut ukiuni missingersuusiortifinni aningaasanik immikkoortitsisoqanngila?

Akissut:

Tamatumani teknikikkut kukkusimaneq pineqarpoq. AIS 2014-ip aappassaaneerluni oqaluuserineqarnissaani Naalakkersuisut allannguutissatut siunnersuummik saqqummiussaqaarniarput, 2017-imi Inatsisartunut kommunalbestyrelsinullu qinersinissamut pilersaarummut aningaasanik immikkoortitsisoqarnissaa.

6.4 Konto pingaarneq 20.05.20 Kommuniut ataatsimoortumik tapiissutit

Apeqqut:

a. Kommuniut ataatsimoortumik tapiissutinut akinut akissarsianullu iluarsiiissut 2014-imi aningaasanut inatsisissatut siunnersuummi annertussutsip atorneqartup assigigaa Naalakkersuisunit eqqomerarneqarsinnaava?

Akissut:

Aap, tamanna uppernarsarneqarsinnaavoq. Tamannalu ukiunut siuliinut assingusuvoq.

Apeqqu:

b. Akinut akissarsianullu iluarsiiisuttip annertussusissaa 2012-imi ukiakkut isumaqatigiinniarnerni Naalakkersuisunit kommuninillu isumaqatigiinnigissutigineqarsimavoq. Ukioq manna taamaattoqarsimava?

Akissut:

Naamik, isumaqatigiissutigineqareerpoq annertussutsip 1,50 %-iusup atuutsinneqarnissaa isumaqatigiisutaammat.

Apeqqu:

c. Ataatsimoortumik tapiissutit missingersuusiorneqarneranni inuiaqatigiit katitigaanerannut tunngasut ilaatinneqarnissaat ataatsimoortumik tapiissutit pillugit 2011-mi isumaqatigiinniarnerni oqaluserineqarpoq. Ukioq manna isumaqatigiinniarnerni ilanngunneqarsimappat? Inuiaqatigiit katitigaanerannut tunngasut ataatsimoortumik tapiissutit pillugit siunissami isumaqatigiinniarnerni ilaatinneqarnissaat Naalakkersuisunit kissaatiginartinneqarpa?

Akissut:

Naamik, inuiaqatigiit katitigaanerat 2014-imut ataatsimoortumik tapiissuteqarnissaq pillugu isumaqatigiinniarnerni ilanngunneqanngilaq. Kommunit akileraartitsisussaataitanerisa peerneqarneranni kommunit ataatsimut tapiissutigisartagaasa peerneqarnissaat taamaallaat siunniunneqarsinnaavoq, tamatumami atuukkunnaarsinneqarnera kommunit namminneerlutik isertitaminnik annertusisitsinissaannut kiffaanngissusaat killilernerqartussaammat. Naalakkersuisut anguniagarinngilaat kommunit akileraarutinut annertussusiliisarnerisa peerneqarnissaat. Taamaattumik Naalakkersuisut pissusissamisoorinngilaat imaaliiallaannaq ataatsimoortumik tapiissutinik isumaqatiginninniarnerni inuiaqatigiit katitigaaneri pingaarnertut ilanngutissallugit. Naalakkersuisulli eqqumaffiginiarpaat, ukiuni tulluittuni utoqqaat amerliartornerannut kommunit kiffartuussisarnerminnik tulluarsaaniarnissaat. Nutaamik missingersuutit pillugit suleqatigiinnissamut isumaqatigiissutip piareersarneqarneranut atatillugu apeqqu kommunit peqatigalugit oqaluuserineqarumaarpoq, taa-matullu sulinissami kommunit akileraarutinik nalimassaasarneranni ataatsimoorumillu tapiissutit agguataar-neqarneranni periaatsit ilanngunneqassapput. Tamanna 2015-imiit atuutilersinneqarnissaa ilimagineqarpoq.

6.5 Konto pingaarnaq 20.05.35 Nunaqqatigiit Siunnersuisoqatigiivi

Apeqqu:

Nunaqqatigiigiit siunnersuisoqatigiivi sunik suliassaqaarlutillu oqartussaaffeqarpat aammalu nunaqqatigiit siunnersuisoqatigiivi nutaanik suliassaqaalerpata/suliassaqaalissagaluarpata suliassaalluunniit allanngorpata aningaasaliissutinut iluarsiiisutit qanoq ittut atorineqartarpat?

Akissut:

Kommunit agorneqarnerisa avataanniittut nunaqqatigiit siunnersuisoqatigiivi pillugit Inatsisartut inatsisaat nr. 13, 20. oktober 1988-imeersumi § 1 naapertorlugu Naalakkersuisut danskit amerikamiullu illersornissamut sakkutooqarfiini allaniluunniit sumiiffinni kommunit agorneqarnerisa avataanniittuni nunaqqatigiit siunnersuisoqatigiivinut suliassat taakkualuunniit ilaat Naalakkersuisut sinnerlugit ingerlateqqullugit tunniussinnaavaat. Suliassat makkuusinnaapput, isumaginnineq, kultureqarneq, atuartitaaneq allatigullu pisutsit pillugit suliassat sumiiffinni nunaqqatigiinnut tunngassutilit Namminersornerullutik Oqartussat isumagisartagaat.

Nunaqqatigiit siunnersuisoqatigiivinik suliassat oqartussaaffillu pillugit erseqqissumik isumaqatigiisuteqartoqanngilaq. Atuuffimmi pingaartumik nunaqqatigiit siunnersuisoqatigiivisa Pituffimmi Namminersorlutik Oqartussallu akornanni paasissutissiisarneq isumagisaraat, pingaartumik akileraartarnermut sulisoqarnermullu suliassaqaarfinni. Taamatutaaq nunaqqatigiit siunnersuisoqatigiivi piffissap ilaani nuna-

qqatigiit siunnersuisoqatigiivisa ilinniartitaanermullu Naalackersuisoqarfiup akornanni isumaqatigiissutit naapertorlugit sunngiffimmi ilinniartitaasernerit isumagisaraat.

Inatsimmi § 4-mi atuarneqarsinnaavoq, Naalackersuisut aningaasanut inatsisini ukiumoortuni aalajangersassagaat aningaasat nunaqqatigiit siunnersuisoqatigiivinut tunniunneqartussat § 1-mi suliassat taaneqartut tamakkiisumik ilaannakuusumilluunniit isumagineqarnissaannut aamma nunaqqatigiit siunnersuisoqatigiivisa allaffeqarfikkut aningaasartuutaasa akilerneqartarnissaannut.

6.6 Konto pingaarneq 20.05.40 Naalagaaffiup ataatsimoortumik tapiissutai

Apeqqut:

a. 2009-mili ukiuni pineqartuni nunatsinni aningaasanut inatsimmi akinut akissarsianullu iluarsiiissutaasarsimasunut sanilliullugit naalagaaffiup ataatsimoortumik tapiissutaanni akinut akissarsianullu iluarsiiissutaasarsimasunut takussutissiaq nassiunneqassasoq ataatsimiititaliamit kissaatigineqarpoq.

Akissut:

Takussutissiaq kinguliani immersukkami atuarneqarsinnaavoq:

	2009	2010	2011	2012	2013.	2014
Aningaas. inats., PL-imi akit	5,04%	3,03%	1,56%	2,20%	2,08 %	1,50%
Naal. aataats. Tapiis., PL-imi akit	4,10%	1,70%	1,10 %	1,50%	1,30%	0,50%
Assigiinngissut, %-point	0,94%	1,33%	0,46%	0,70%	0,78%	1,00%

Apeqqut

b. Ujaasinissamut annaassiniarnissamullu upalungaarsimanermut akisussaaffik naalagaaffimmit tiguneqarmat ataatsimoortumik tapiissutit 2013-imi aningaasanut inatsimmi 9 mio. kr.-inik ikilineqarput. Naalackersuisut ulloq 8. august 2013-imi Aningaasaqarnermut Ataatsimiititaliamut allakkani ima allapput: "Naalackersuisunit uppermarsarneqarsinnaavoq, naalagaaffimmit ataatsimoortumik tapiissutit annikillinneqarnerat naalagaaffiup suli SAR-imit upalungaarsimanermik isumaginninnerani takuneqarsinnaangimmat Namminersorneq pillugu Inatsimmi imaluunniit Namminersorneq pillugu Ataatsimiititaliarsuup isumaliutissiiissutaani allaaserineqarsimasutut. Naalackersuisunit oqartussaaffiit ilisimaneqanngillat, isumaqatigiissuteqarfiusimasuni Namminersorlutik Oqartussat aamma naalagaaffiup akornanni sumi periarfissiisoqarneris, Namminersorlutik Oqartussanut tassalu suliassamik naalagaaffimmut utertitsisinaanissamut oqaasertaqarneris." "isumaqatigiissuteqarfiusimasuni" oqarnermi suna pineqarneris itisilerneqassasoq ataatsimiititaliamit kissaatigineqarpoq.

Akissut:

"Isumaqatigiissuteqarfiusimasuni" pineqarput namminersorluni oqartussaaneq pillugu inatsit tassungalu ilanngullugit piareersaataasimasut.

Apeqqut

c. 2013-imi danskit aningaasanut inatsisaanni oqaasertaliussat nassatarisaannik Inatsisartut siumoortumik akuliutsinnagit ilisimatitsissuteqarfiginagilluunniit ataatsimoortumik tapiissutit 9 mio. kr.-inik ikilineqarnerat inatsisunik malinninnerusoq Naalackersuisut isumaqarpat?

Akissut:

Suliaq aningaasaqarnermut ministerimit 3. septembarimi oqaluuserineqarpoq. Isumaqatigiissutigineqarpoq aningaasaqarnermut ministereqarfiup aamma Aningaasaqarnermut nunamullu namminermut Naalackersuisoqarfiup peqatigiillutik ajornartorsuutit qaqilerneqartut naliliiffigissagaat. Aallarniutit aningaasaqarnermut ministereqarfiup inatsiseqartitsinikkut pissutsit suliarissagai, ataatsimut suliap nalilivigineqarnis-

saanut tunngaviliisussat. Taanna piareeriarpat, tamanna pillugu ataatsimiititaliaq ilisimatitsissummik pis-sarsiumaarpoq.

Apeqqu:

d. "Isumaqatigiissuteqarfiusimasuni" oqarnermi namminersorneq pillugu inatsit tassungalu atatillugu pi-areersaatitut suliat pineqarpata isumaqatigiissutinik immikkoortunik, ataatsimoortumik tapiissutit ikilineqarnerannik imaluunniit danskit naalagaaffiata aningaasanik piumasaqarneranik kingune-qarsinnaasunik, peqarnersoq paasissutissiissutigineqassasoq ataatsimiititaliamit kissaatigineqarpoq.

Akissut:

Aningaasaqarnermut nunamullu namminermut Naalackersuisoqarfiup erseqqissumik namminersortumik isumaqatigiissutit allat ilisimaarinngilai, ataatsimoortumik tapiissutit ikilinneqarnissaannik imaluunniit danskit naalagaaffianniit allanik aningaasaqarnikkut piumasaqaatinik kinguneqaataasinnaasunik.

6.7 Konto pingaarneq 20.05.45 Kommune Kujallermi attaveqaatinik annertusaaneq

Apeqqu:

a. Suliassami kisitsit, assersuutigalu aqquserngit qanoq metereqarnerat assigisaalluunniit, pillugit nalunaaruteqartarnissamik tunniussineq pillugu isumaqatigiissummi piumasaqaateqartoqarpa?

Akissut:

Isumaqatigiissutigineqarnikuuvoq kommunip aningaasanik atuisimanini uppersaasertassagaa. Isu-maqatigiissutip assilineqarnera ilisimatitsissutitut ilanngullugu nassiunneqarpoq.

Apeqqu:

b. Kommunimi attaveqaatinik nalinginnaasumik ineriartortitsinerup killiffia paasissutissiissutigineqassasoq kissaatigineqarpoq.

Akissut:

Apeqqu 6.7 Kommune Kujallermut ingerlateqqinneqarpoq. Peqqinnissamut Attaveqaatinullu Naalak-kersuisoqarfiup Kommune Kujalleq piumaffigisimavaa kingusinnerpaamik oktoberip 14-iani akis-uteqaqqullugu. Akissut nassiunneqarumaarpoq.

6.8 Konto pingaarneq 20.10.11 Ilanngaaseereerluni erniat

Apeqqu:

a. 2013-imi aningaasanut inatsimmut aammalu ukiuni missingersuusiorfinni naatsorsuutigisanut sanil-liullugu aningaasaliissutit ikinnerunerannut suna tunngaviua?

Akissut:

Pingaartumik tamatumunnga peqqutaavoq AI 2013-imut sanilliullugu taarsigassarsiariumaagassat 200 mio. kr.-inik ikilinneqarsimanerat.

Apeqqu:

b. Nunatta Karsiata aningaasaatai tigorianaat ullumikkut qanoq ernialersugaappat, tamannalu naammaginartutut isigineqarpa?

Akissut:

Nunatta Karsiata aningaasaatai atoriaannaat ataatsimut isigalugu aningaaserivinni obligationinillu unin-gasuutini assigiikannersumik agguataagaapput.

SparInvest suleqatigalugu nunatta karsiata aningaasaatai tigorianaanaat ingerlaavartumik nalilivigineqartarput, ingerlaavartumik siunissaq eqqarsaatigalugu tamakkiisumik agguataagaanerisa annikitsut uloria-naatikinnerusullu akornanni qularnaarneqartarnissaat, aningaasat nalingisa annaasaasut annertuut piaartumik atuutsinneqartarnissaat periarfissillugu erniaritinneqartullu annertunerpaaffissaat pillugit kissaatigarneq periarfissinniarlugu. Suleqatigiinneq tamanna naammaginarluartutut nalilerneqarpoq.

6.9 Konto pingaarneq 20.10.13 KNR-ip tiguisinnaatitaanermut piginnaatinneqarneranik isumakkeerinnineq

Apeqqu:

a. KNR-imi ingerlatsinerup aningaasatigut nammanneqarsinnaasumik ingerlanneqarnissaa qulakkeerniarlugu iliuusissatut pilersaarutip piviusunngortinniamera sumut killippa?

Akissut:

KNR 2012-imi 3,87 mio. kr.-inik sinneqartooruteqarpoq. Peqatigitillugu KNR-ip innuttaasut kiffartuunneqarnissaat pillugu isumaqatigiissut eqquutsippaa. Taamaalilluni killiffik tassaavoq, isumannaatsumik ingerlatsinissap qularnaarneqarnissaanut KNR sulilluareersimasoq, ilimagineqartariaqarlunili ukiumoortumik inernerit allanngorarsinnaasarnissaat.

Apeqqu:

b. Atortorissaarutit digitaliusunut ukiut arlalinnortut matuma siorna KNR-imit pisiarineqartunut taartissanik pisinermut KNR-ip qaqugu aningaasartuuteqarnissaa Naalackersuisut piviusorsiorlutut isigaat? Taak-kununnga aningaasartuutit qanoq amerlatigissappat?

Akissut:

Piviusorsiorlutut isigineqanngilaq, piffissami sivikitsumi KNR-ip nammineq aningaasaliissutiminik atortunik digitaliusunik nutaanik aningaasartuutunik akiliisinnaanissaa. Tamanna aatsaat ingerlanneqareerpat, aningaasartuutissatut ilimagisat sukumiinerusumik aalajangersaavigineqarsinnaapput. Maannakkulli ilimagineqarpoq, aningaasaliinissaq mio.-inik marlunnik kisitsisitaqassamat, tamatumani pisinivittut ingerlanneqassappat.

6.10 Konto pingaarneq 20.10.22 Isertitat allat

Apeqqu:

a. Qinnqutsinni Suloqqami inissiat qassit tuniniarneqassappat, tamatumani kvm-it inillu amerlassusiat paasissutissiissutigineqassasoq kissaatigineqarpoq.

Akissut:

Suloqqami illut qulit tamarmik immikkut qulinik inissiartaqarput. Illut ilusaat/pissusaat pingasuupput.

Inissiap annertus-susia	M ²	Amerlassusaat	Katillugit M ²
Sisamanik initalik	105,3	7	737
Pingasunik initalik (saavani)	89,4	7	626
Pingasunik initalik (tunuani)	92	7	644
Init marluk	73,9	7	517
Init 1½-it	57,7	2	115
Tamakkiisumik		30	2639,6

Katillugit inissiat 120-135-t tunineqarnissaat ilimagineqarpoq. Aammattaaq apeqqummut 3.4.c-mut akissut takuuk.

Apeqqu:

b. Angissusiat apeqqutaatillugu init ataasiakkaat niuerfinni qanoq akilersinneqarnissaat Naalakkersuisunit naatsorsuutigineqarpa?

Akissut:

Tuniniaalinnginnermi niuerfinni akiusut naliliivigineqarumaarput.

2011-mi Blok P-mi siornatigut najugaqartut Suloraq 1-imi inissiat pisiareqqullugit neqeroorfigineqarput. Tuniniaavinni naliliinerit inissianik niuertartumit ingerlanneqarput. Inissisimarngi (avannamut/kangimut imaluunniit kujammut/kimmuit sammisut) quleriaarnerilu apeqqutaatillugit 2011-mi akiusussat imatut nalilerneqarput:

Init 1½-it: 1.250.000

Init marluk: 1.550.000 – 1.850.000

Init pingasut: 1.800.000 – 2.325.000

Init sisamat: 2.225.000 – 2.675.000

Inissianik tuniniaaneq ingerlanneqassagaluarpat taakkua inissianik niuertartumit niuerfinni 2011-mut naapertuuttunik naliliivigineqassagaluarput.

Apeqqu:

c. Inissiat attartortunut tunineqarsinnaanerannut periarfissat Naalakkersuisunit misissorneqarsimappat?

Akissut:

Naamik, inissianilli nutaanik nutaanngorsakkanillu tuniniaasarnermi misilittakkat pitsaalluinnarput.

Apeqqu:

d. Niuerfimmi taama killeqartigisumi inissianik taama amerlatigisunik tuniniaanissaq inissianik piginnilersussanut nutaanut pigisaqareersunullu qanoq kinguneqarsinnaanersoq Naalakkersuisunit isumaliutigineqarsimava?

Akissut:

Aap. Aammattaaq apeqqummut 3.4.c-mut akissut takuuk.

Apeqqu:

e. Taama iliuseqarneq ungasinnerusoq isigalugu aningaasaliisarfinnit qanoq qisuariarfigineqassanersoq Naalakkersuisunit isumaliutigineqarsimava?

Akissut:

Aap, suleqatigiinnik suligasuartussanik aningaasaqarnermi suliassa qarfiit peqatigalugit pilersitsisoqarpoq, aammattaaq apeqqummut 3.4.c-mut akissut takuuk c.

Apeqqu:

f. Inissianik tuniniaanermi isertitassatut missingersuutigineqartut Naalakkersuisunit pissarsiarineqanngitsuussagaluarpata aningaasanut inatsimmi missingersuutit tamarmiusut oqimaaqatigiinnerat attanneqarsinnaaqqullugu sutigut sipaaruteqartoqarsinnaasoq Naalakkersuisut isumaqarpat?

Akissut:

Siuliani allassimasutut AIS 2014-imi allannguutissatut siunnersuummik saqqummiussisoqarnissaa ilimaqineqarpoq, ukiuni arlalinni tuniniaasarnissamik siammarterisussamik. Tamanna naammangitsutut pissagaluarpat, inissiaqarnermi ingerlatat annikillisinneqarnissaat pissusissamisoornerussagaluarpoq.

6.11 Konto pingarneq 20.11.51 Nutarterinerit sunniutai

Apeqqut:

a. *Iluarsaaqqinnissat Akileraartarnermut Atugarissaarnermullu Isumalioqatigiissitamiit kaammattuutigineqartut sulii isummerfigineqarsimannginnerat, tamatumalu peqatigisaanik taakku 2016-imit isertitassatut missingersuutigineqarsimanerat ataatsimiititaliamiit tupigusuutigineqarpoq. Tamanna itisilerneqassasoq kissaatigineqarpoq.*

Akissut:

Suliassaqarfinni sorlarni iluarsaaqqinnissamut kissaatigineqartut Naalakkersuisut isummerfigereerpaat. Iluarsaaqqinnerit ataasiakkaat qanoq iluseqarumaarneranni apeqqutaassaaq misissueqqissaarluni sulinissaq, tamatumani Akileraartarnermut Atugarissaarnermullu Isumalioqatigiissitaliap kaammattuutai aallaavissallutik.

Isertitassat ilanngunneqartut qangatut naliliinerupput, siunissamilu iluarsaaqqinnerit aqutugalugit isertitassat taakkua pilernissaat Naalakkersuisunit piviusuunngitsutut isumaqarfigineqarput. Siuliani oqaatigineqareersutut iluarsaaqqinnermi naatsorsuinerit piffissami aggersumi suliareqqinneqarumaarput, kingornalu aningaasartaviit saqqummissallutik.

Apeqqut:

b. *Iluarsaaqqinnerit ungasinnerusoq isigalugu aatsaat sunniuteqartussat piffissamut qanittumut isertitassatut missingersuutigineqartarnerat ajornartorsiutitaqartoq Aningaasaqarnermut Ataatsimiititaliaq asigalugu Naalakkersuisut isumaqarpat?*

Akissut:

AIS 2014-imi aningaasat missingersuutigineqartut tassaapput ukiuni taaneqartuni isumannaarneqartussatut ilimaqineqartut. Iluarsaaqqinnerillu siunissaq eqqarsaatigalugu sunniuteqarumaarput, sunniuteqaatilli AIS 2014-imi ilanngunneqanngillat, ukiummi missingersuusiorfiusut taamaallaat 2017-ip tungaanoortuummata.

Apeqqut:

c. *Iluarsaaqqinnerusinnaasut taaneqartut qaqugu isummerfigineqartussatut Naalakkersuisunit pilersaartigineqarpat?*

Akissut:

Naalakkersuisut maannakkorpiap pilersaarutigaat 2014-ip ukiuata affaani siullermi pensionisiaqartarnermut inuussutissarsiutinilu akileraartitsisarnermut iluarsaaqqinnissamut siunnersuummik suliaqarnissaq, ineqarnermut suliassaqarfimmuut iluarsaaqqinnissamut, inuuniarnikkut ikiorsiissutinut inuillu ataasiakkaat akileraartarnerannut siunnersuutit 2014-ip ukiuata affaata aappaani 2015-illu ukiuata affaani siullermi suliarineqassallutik.

Apeqqut:

d. *Soraarnerussutisiassanit iluanaarutit akileraaruserneqarnissaannik aalajangiinnginnermi pissutsit arlallit sukumiinerujussuarmik qulaajaavigineqartariaqarnerat Naalakkersuisut isumaqatigaat?*

Akissut:

Aap. Siornatigut oqaatigineqareersutut iluarsaaqqinnissamut siunnersuutip saqqummiunneqannginnerani sukumiinerusumik qulaajaasoqassaaq. Tamatumunnga tunngatillugu susassaartut oqaloqatigineqaaqaassapput.

Apeqqut:

e. Iliuusissanut taaneqartunut ataasiakkaanut sanilliullugu ukiuni ataasiakkaani isertitassat qanoq katitigaappat?

Akissut:

AIS 2014-imi iluarsaaqqinnermi isertitat pissarsiarineqartut pingaartumik pensionisiat akileraarutaasarnerisa siuartinneqarnerannit, akileraartarnermi tunngaviutinneqartut annertusineranniit kiisalu pisortat suliassaqarfiini ineriartornerup aqunneqarneraniit pisussatut ilimagineqarput.

Siornatigut taaneqareersutut isertitat pissarsiarineqartut qangatut naliligaapput siornatigutullu taaneqartut Naalakkersuisut isumaqarput, siunissami iluarsaaqqinneq aqutugalugu isertitassat taakkua pilersinneqarnissaat pissusissamisoortuunngitsoq. Iluarsaaqqinnerit tunngavigalugit naatsorsuisoqareerpat, aningaasat eqqornerusut saqqumminneqarumaarput.

Apeqqut:

f. Misissueqqissaarnerit digitaliseeriineq aqutugalugu pisortat ingerlatsinerannik nutarsaaneq iluarsaaqqinnermi iliuusissat ilaattut Naalakkersuisunit taaneqarpoq. Digitaliseeriinerup nassatarisaanik pisortat ingerlatsineranni pisariillisaataasinnaasunut sipaarutaasinnaasunullu tunngavilersuutaasinnaasut nassuiaatigineqarnissaat ataatsimiititaliamit kissaatigineqarpoq.

Akissut:

Pisortat suliassaqarfiisa nutarsaavigineqarnerannut atatillugu Naalakkersuisut kissaatigaat, iluarsaaqqinnerup ilagissagaa annertunerusumik digitalinngorsaanaissaq, kissaatigineqarmammi pisariillisaasoqassaaq kiffartuussinerillu ajornerulersinngikkaluarlugit sipaartoqarnissaata anguneqarnissaa.

Kinguliani takussutissiamiippoq iluaqutaasumik misissueqqissaarnerit sularineqarsinnaanerit iliuusissanillu aallartitsilluni, suliassaqarfinnini taakkunani annertunerusumik digitalinngorsaaneq arlalinnik iluaquteqarnissaa ilimagineqarmat.

Aallaqqaasiutitulli taasariaqarpoq IKT pillugu ilioriusissami suliassat arlallit sammisassanut ukununnga tunngatinneqartussangoreermata:

- Pisortat ataatsimoortumik oqaatsitigut oqaaseqatigiinnullu pitsaanerusumik nutserisoqartarnissaanut paasissutissiivik
- Kommuninut Namminersorlutik Oqartussanullu pisortat ataatsimoortumik videokkut najoqqutassi-aat
- NemID-mut piviusunngortinneqartumut atuinermi nammineq isumagisumik digitaliseerinerunissaq
- Pisortat ataatsimoortumik aningaasaqarnikkut aaqqissuussinerat (ERP), aningaasaqarnikkut aqut-sinerup pisortallu paasissutissiisarnerisa ikorfartorneqartarnerisigut pisortat aqutsisarnerisa pi-sariinnerulernissaat pingaarnertullugu.
- Pisortat tunngaviutitaat tunngaviusumillu paasissutissaataat
 - CPR, nutaanngorsaaneq aamma GER/CVR-imek naliliineq
 - Nunanik allanik pisortat paasissutissaataannik mianernartunik paarlaasseqatigiinneq
 - Inuit pillugit paasissutissanut inatsisit
- Pisortat suliassaqarfiinut ataatsimoortumik aaqqissuussineq suliniutinullu periaasissat (pisortat IT-mik aaqqissuussinerisa ataqatigiinnerat)

Immikkut kommunit pingaarnertullugit digitalikkut periarfissat

- Aaqqissuusseqqinnissap ilusaata naliliivineqarneratigut kommunit pitarlugit pingaarnerutillugit "Sha-red service"-imik taaneqartartut digitalisereqqinneqarnerat aaqqissuuteqqinneqarnerallu. Kommunit tamarmiusut assersuutigalugu akissarsisisarnerit, pensionisianik naatsorsuisarnerat tunniussisarnerallu, inatsisit tunngavigalugit allanik akiliuteqartarnerit, kinaassusersiunngitsumillu ikorsiisarnerit taamaatsinnassagaat piorsarlugillu, suliassat kommunit akornanni assigiissaartumik agguataarneqarsinnaapput, taamaalillini kommuni ataaseq suliassa qarfimmi ataatsimi kommunit allat sinnerlugit kiffartuussisalersillugu, peqatigitilluguli kommunit allat suliassaataat isumagisassallugit. Soorunami tamanna kommunit pitarlugit paasinneqatigiinnikkut pisassaaq.
- Inuuniarnikkut pisartagallit pequserluttarnerisa akorniarneqarnissaannut pisortat nalunaarsuiffiisa ataqatigiissinnerisigut digitalikkut nakkutilliinermi pimoorussinerit naligiissaarinerillu.
- Kommunit pitarlugit paasissutissanik avitseqatigiittarnerni digitalikkut ajonartorsiutit marluk imminnut attuumassuteqartut.
- Meeqqat atuarianni pisortat digitalikkut paasissutissinneqartarnerat pitsaanerusoq, taamaalilluni kommunit pitarlugit paasiniaasoqartarniassamat atuarifillu angissutsimikkut ilutsimikkullu imminnut assigiissuteqartut naleqqersortarlugit – atuariup kommunimi aalajangersimasumi inissisimamnera apeqqutaatinagu.
- Tapiissutaasartut tunngavigalugit aningaasaqarnikkut pisortallu paasissutissinneqartarnerisa annertusarneqarnissaat

Namminersorlutik Oqartussat immikkut pingaarnerutillugit digitalikkut periarfissat

- Namminersorlutik Oqartussani taakkualu immikkoortoqarfiini pisiniartarnerup digitalikkut ikorfartorneqartarnissaani annertuumik sipaaruteqartoqartarnissaa ilimagineqarpoq, tassunga ilanngullugit nunami maani inuussutissarsiutit ilinniarfeqarfiillu isumannaarneqarnissaannut ineriartortinneqarnissamut kissaatigineqartoq sianiginiarluarlugu.
 - Tuniniaasartuni ikinnerusuni ataqatigiissaartumik annertuumik pisiniartarnissaq
 - Siunnersortissarsiortarnermi immikkut iliuseqartarnissaq
 - Nioqqutissat assigiinngitsut assigiissarneqarnerulernissaat
 - Namminersorlutik Oqartussat, kommunit Namminersorlutik Oqartussallu suliffeqarfii peqatigalugit pisortat pisiniartarnissaannut periarfissat
 - Inniminniinermiit, akiligassiinermut tunniussinermullu aqutit naannerusut isumannaaneruserullu
- Nalinginnaasumik Namminersorlutik Oqartussaninngaanniit immikkullu peqqinnissaqarfimmiit pisortat paasissutissiisarnerisa digitalinngorsarneqarnissaat
- Kiffartuussinerit tunngavigalugit aningaasaqarnikkut aqutsinermik pisortallu paasissutissiisarnerannik annertusaanerit

Digitalikkut pisortat ataatsimut periarfissaat

- Namminersorlutik Oqartussat immikkoortoqarfiisa, kommunit, illoqarfiit, nunaqarfiit pisortallu pigisaattut suliffeqarfiisa akornanni suliassanik aaqqiiniartarneq pillugu suleqatigiinnerunissap pi-umasaqaatitaraa (aqutsinissami iluserititassap aalajangikkap saniatigut), digitalikkut ikorfartorneqartarnissaq, taamaalilluni paasissutissat agguaqatigiissutigineqartarniassammata.

Apeqqut:

g. 2014-imi isertitaqarnissaq naatsorsuusiomeqareermat inatsisissatut siunnersuummik saqqummiussinissaq qaqugu naatsorsuutigineqarnerisooq paasissutissiissutigineqassasoq ataatsimiititaliamit kissaatigineqarpoq.

Akissut:

Pisiortornermut suliassa qarfik eqqaassanngikkaanni 2015-imi isertitat aatsaat AIS 2014-imi ilanngunneqassapput.

6.12 Konto pingaarneq 20.11.56 Missingersuutiniq iluarsineq, allaffissorneq

Apeqqu:

a. Pisiortormi isumaqatigiissutiniq atuinerulerneq qanoq piviusunnngortinneqartussat Naalakkersuisunit naatsorsuutigineqarpa?

Akissut:

Isumaqatigiissuteqarnerit pigaangata avammullu saqqummiunneqaraangata.

Apeqqu:

b. Tamanna najukkami inuussutissarsiortunut iluaqutaasumik najukkami annertunerusumik pisiniartaler-nissamat periarfissanut qanoq sunniuteqassava?

Akissut:

Pisiortornissamat isumaqatigiissutit kingunerisarpaat, najukkani inuussutissarsiortit Namminersorlutik Oqartussanut tunisissamaarnemik annertunerusumik naliliisarnissaat. Ilinniarfissat pingaartinneqarnerlernissaannut pilersaarut pisiortormilu takunnilluarsinnaanerup annertusineqarnissaanut pilersaarut sumiiffinni inuussutissarsiuteqartunut iluaqutaanerusariaqarpoq.

6.13 Konto pingaarneq 20.12.12 Aningaaseriveqartitsineq

Apeqqu:

a. Akinik sullississutinillu illoqarfinni innuttaasut atugaasa assinginiq nunaqarfimmiut isorliunerusuneersullu atuinissaat sullissinissamik isumaqatigiissutikkut periarfissinneqarpa?

Akissut:

Tamatumani tunngaviusumik aningaaseriviit pilersuisarnerat pineqarmat, illoqarfinni aningaaserivinnik immikkoortoqarfiusuni aningaaseriveqarnermut kiffartuussinissamat neqeroorutit annikinnerupput. Sumiiffinni kiffartuunneqarnissamik isumaqatigiissuteqarfiusuni sullitarineqartartut nunap sinnerani sullinneqartartunit qaffasinnerusumik akiliuteqartarput. KNI-p sullinneqartunit akiliutigineqartartut aalajangersaavigisarpai, taamaaliornikkut kiffartuunneqarnissamik isumaqatigiissutini pisussaaffiit naammassineqarnissaannut aningaasartuutiniq matussusiisarlutik, tamatumunnga ilanngullugit allaffissornermut, ingerlatsinerneq, aningaasanik nuussinernut allanullu aningaasartuutit matussuserneqartarnerat.

Erseqqissaatigineqassaaq, nuna tamakkerlugu attaveqaatitigut aningaaseriveqarneq periarfissaqarmat, tamatumunngalu akiliutigineqartartut karsimi sullinneqartarnermit annikinnerusarmata. Allaffissornikkut sulineq aallartinneqassaaq ullumikkut teknikkkut periarfissat kiffartuussinerit taamaattut assigiimmik atugassaqartillugit neqeroorutigineqartarnissaannik periarfissiisussamik.*

6.14 Konto pingaarneq 20.30.01 Aningaasaqarnermut Sulisoqarnermullu Aqutisioqarfik, ASA, allaffissorneq

Apeqqu:

Pisiniussisarfirmut tunngatillugu nalinginnaasumik nassuiaatini immikkoortoq 3.2-mut, sipaarutitut isertitaqarnerunermullu tunngasumut, ataatsimiititaliap apeqqutai siulianiittut takukkit.

Akissut:

Pisiortornissamat isumaqatigiissutiniq assigiinngitsunik marlunnik peqarpoq. Isumaqatigiissut aalajangersimasuusinnaavoq imaluunniit qaqugukkulluunniit atorneqarsinnaasassalluni. Aalajangersimasumik isumaqatigiissusiortormi Namminersorlutik Oqartussat immikkoortoqarfii pisussaataapput pisiortornissamat isumaqatigiissummik atuisarnissamik – isumaqatigiissummili qaqugukkut suullu pisiarineqartarnissaat namminneq toqqarsinnaasassallugu. Isumaqatigiissutit qaqugukkulluunniit atorneqarsinnaasut

tassaapput pisiortortarnermi akikillisaavigineqarnissamut neqeroorutaasartut. Qitiusumik Aqutsisoqarfiup tuniniaasar-tunut piumasaqaatai suliamut ataasiakkaamut naleqqussagaasassapput. Sumiiffinni tuniniaasartut neqerooruteqartarnerni pisiortortarnerniluunniit neqerooruteqartarnissamut periarfissaqarput. Siunissami sungiusarluni ilinniartut suliffissaannut piumasaqaatit sumiiffinni tuniniaasartut unammillersinnaassusiat nukittorsassavaa.

6.15 Konto pingaarneq 20.30.02 Ilinniartitseqqittarnermut aningaasaliissutit

Apeqqut:

Aaqqissuussineq siunertaminut naapertuunnersoq nalilernerqarsimava; tassalu najukkani sulisussarsiniartarnerup pitsanngortinneqarnissaa aammalu qitiusumik allaffeqarfissuarmi sulisut piginnarnissaannut ineriartortinneqarnissaannullu atugassarisaasunik pitsanngorsaanaissaq?

Akissut:

Piginnanngorsaanerup ineriartortinneqarnissaannut iloriusissaq pikkorissartarnermullu neqeroorutit ingerlaavartumik nalilivigineqartarput iluarsartuunneqartarlutillu.

Februarimi majimilu 2013-imi Aningaasaqarnermut Sulisorisanullu Immikkoortoqarfik naalakkersuisoqarfinnut aqutsisoqarfinnullu tikeraartarsimavoq sulisorisat ineriartortinneqarnissaannut atorfeqaannarnissannullu atatillugu piginnaasanik ineriartortitsinissap pisariaqartinneqarnerata qulaarneqarnissaa siunertaralugu. Naalakkersuisoqarfiit aqutsisoqarfiillu nalinginnaasumik neqeroorutigineqartoq iluarisimaarpaat, annikitsumillu iluarsinissat kissaatigalugit. Naalakkersuisullu nukissat agguaanneqartut iluaqutigineqarluarnissaannik, kalaallit oqaasiisa nukittorsarneqarnissaat nunaqavissunillu sulisoqalernissamut anguniagaat tunngavigalugit piginnanngorsaanerup ineriartortinneqarnissaannut iliorisissap iluarsanneqarnissaannut Aningaasaqarnermut Sulisorisanillu Aqutsisoqarfik sulissutiginnippoq.

6.16 Konto pingaarneq 20.30.09 Sulisunik utaqqiisaasumik najugaqartitsisarneq

Apeqqut:

a. Sulisut 1. januar 2012 sioqqullugu tamatumalu kingorna atorfinitsinneqartut utaqqiisaasumik najugaqartinneqarneranni aningaasartuutit ikilisarneqarnerannik sulinerup killiffia ataatsimiititaliamit kissaatigineqarpoq?

Akissut:

Suliffimmut atatillugu inissianut nuunnissamut utaqqisarneq sivikillisingaatsiarneqarpoq. Maannakkorpiaq inissianik pingasunik sisamanillu initalinnik utaqqisoqanngilaq. Taamaattumik Aningaasaqarnermut Sulisorisanillu Aqutsisoqarfiup ilimagaa, Al 13-imi ingerlatsinerup aningaasaliissutit eqquutsinneqassasut. Ineqartitsigallartarnermut aningaasartuutaasartut Al 11-mi 20,4 mio. kr.-it missaanniit 2013-imi aningaasaliissutinut Al 13-imi 12,8 mio. kr.-it missaannut ikilisinneqarput.

6.17 Konto pingaarneq 20.30.10 Namminersorlutik Oqartussat qitiusumik allaffeqarfii aamma 20.30.11 Namminersorlutik Oqartussat illuutaannik aserfallatsaaliuineq

Apeqqut:

a. Aserfallatsaaliinissamut pilersaarutit aammalu aserfallatsaaliinermi kinguaattoorutit killiffiat kissaatigineqarpoq?

Akissut:

2013-imi illut pineqartut qanoq issusiisa killiffii misissorneqarput. Tamanna tunngavigalugu illut ataasiakkaat aserfallatsaaliinissamut tamatumunngalu pilersaarutit naatsorsuusiorneqarput. Tamanna aallaavigalugu illut ataasiakkaat aserfallatsaaliinissamut pisariaqartitaat naatsorsuusiordigineqarput. Taamaalilluni suut suliarineqarnissaannut, suliasat suut salliutinneqarnissaannut kiisalu ilimagisatut aningaasartuutitsanik pilersaarut imaqartinneqarpoq. Pissutsit pinartut 2013-imi aallartinneqarput.

Apeqqu:

b. NC-p Inatsisartoqarfiullu saavani illoqannginnersamut tunngasoq pillugu suliasat aningaasalersornissaallu sumut killippat?

Akissut:

Tegnastuen TNT 2013-imi Namminersorlutik Oqartussat allaffeqarfiisa eqqaanni illoqannginnersamik nu-taamik siunnersuusiortoq Kommuneqarfik Sermersuumit akuersaarneqartumik. Nunaminertamik suliarin-ninneq oktober 2013-imi aallartissamaarneqarpoq upernaakkullu 2014-imi naammassineqassalluni. Suliaq M. T. Højgaardimit aamma Illuut A/S-imit aningaasalersorneqassaaq.

6.18 Konto pingaarneq 24.01.01 Akileraartarnermut Aqutsisoqarfik, allaffissorneq

Apeqqu:

a. Ilaatigut hashimik anngiortumik eqqussuineq unitsinniarlugu Aalborgimi umiarsualivimmi nakkutilliineq pillugu DK-mi akileraaruseriffik oqaloqatigineqarpa?

Akissut:

Akileraartarnermut Aqutsisoqarfik SKAT Nordjyllandimik suleqatigiinnissamik isumaqatigiissuteqarpoq, attaveqartarnermut, paasissutissiisarnermut, umiarsuit usiunik allakkanillu ingerlaavartumik misissuisarnis-samik kiisalu ataatsimoortumik nuna tamakkerlugu nakkutilliisarnissamik. Taamatuttaaq Akileraartarner-mut Aqutsisoqarfik Aalborgimi ullup ilaannaa ilanngaaserisumik atorfeqartitaqarpoq (ukiumut akunnerit 500-t), SKAT-ip pissamaataanik usit scannerissutaannik containerillu scannerissutaannik atuisarnissamut.

Apeqqu:

b. Suliffeqarfissuit nunanit tamalaaneersut akileraarusersornerat – tamanna qulakkeerniarlugu pitsanngor-saanermik sulineq sumut killippa?

Akissut:

Naalakkersuisut Akileraartarnermut Aqutsisoqarfillu ukiuni kingullerni suliffeqarfinnut aatsitassarsiornermi suliasaqarfimmi ingerlatsisunut pimoorussineq salliutinniarsimavaat. Siullermik pingaartumik pi-moorussineq suliffeqarfiit akileraarutit A-nut/tamakkiisumik akileraarutitut nalunaarusiortarnerannut, nalunaarutigineqartarnerannut akiliuteqartarnerannullu sammitinneqarsimavoq.

Isumaqartoqarpoq, sulineq tamanna ullumikkut naammaginaratumik qaffasissusillitut ingerlanneqartoq, suliffeqarfinnillu misissueqqaarnissanut allanullu akuersissummik pigisaqartunik suleqateqarneq ajunngil-luinnartuusooq.

Naalakkersuisut eqqumaffigilluarpaat, aatsitassarsiornermi suliasaqarfiinnaanngitsumi nunat tamalaat su-liffeqarfiinik nakkutilliisarneq naleqqussaasarnertu aammaarluni sukateriffigineqartariaqartoq, tamannalu pisariaqartumik akileraartarnermut piginnaasalimmik atorfinitsitsinikkut pissaaq. Peqatigitillugu nassueru-tigineqartariaqarpoq, nunat tamalaaneersut akileraaruserneqartarnerisa ajornakusoortarnerata kinguneris-araa, Akileraartarnermut Aqutsisoqarfiup avammut suleqatiginnittarnerata nukittorsarneqartariaqarnera, assersuutigalugu nunani allani akileraartarnermut oqartussaasunik.

6.19 Konto pingaarneq 24.01.15 Pisassanut allanut siusinnerusukkut isumakkiikkanut akiliutit

Apeqqu:

Pisassarisaat akilersinniarlugit immikkut ittumik iliuuseqarneq sumut killippa?

Akissut:

Ukiut siuliinisut august 2013-imiillu akiligassat ineriartornerannik naatsorsuisarnernut naatsorsuinernik suliqartoqartarpoq, takuuk kingulianiittoq.

Ataatsimiititaliap 2013-imut aningaasanut inatsissatut siunnersuutip oqaluuserineqarneranut atatillugu Aningaasaqarnermut Ataatsimiititaliamut akissummi ilisimatitsissutigineqartutut ineriartorneq suli taamaaginarpoq, tamatumani siumut immikkut akilersuutaasartut ineriartornerat eqqaassanngikkaanni.

Akiliisitsiniartussaataasut 2012-ip ingerlanerani pisortat suliffeqarfiiniit namminersorlutillu inuussutissarsiuteqartuniit akiliutigineqartunik tamanik akiliisitsisalerput ilanngaasiisalerlutillu. Aaqqissuussineq iluat-silluarpoq, 2012-imilu akiligassanik ilanngaasiisarneq aqutigalugu 70 mo. kr.-it missaannik akiliisitsisoqarpoq. Paasinnilluarnissaq pissutigalugu oqaatigineqassaaq, kukkusumik tunngaveqarluni akiligassanik ilanngaasarnerni aaqqissuussineq arlalinnik unamillernartoqarsimammat. Assersuutigalugu Akiler-aartarnermut Aqutsisoqarfik nammineerluni imaluunniit pissarsiassallit allat kukkusumik nalunaarutiginnittarsimammata.

Akiliisitsiniartussaataasut ukiuni siuliinisut suli sulisoqarnikkut amigaateqarnermik tatisimaneqarput sulisorisat nuuttartarnerat, pisariaqartumik piginnaasaqartunik sulisusanik pissarsiniarnermi ajornartorsiuteqarneq pequtigalugit, suliassaqarfimmi immikkoorluinnartuummat kiisalu inatsiseqartitsineq paasilertoruminaatsuummat. Taamatuttaaq akiliisitsiniartussaataasut amerlasuujunngitsunnguanik piumasaqaati-taqartitsipput, aningaasat amerlassusaat eqqarsaatigalugit tulluuttuunngitsumik annertuunik nukissanik pisariaqartitsisunik.

Naalackersuisulli neriutuugaat, pisortat suliassaqarfiannik suli nutaanngorsaaneq ilaatigut Akileraartarner-mut Atugarissaarnermullu Ataatsimiititaliap isumaliutissiissutaa tunngavigalugu, tassunga ilanngullugit ilanngaassivik taamaaqataalluunniit, siunissami akiligassaqartorpassuarnik annikillisaanissamut akiligassanillu suliassanik ikilisaanissamut ilapittueqataasinnaasoq.

	Aggusti 2012		August 2013	
	Suliat	Akiligassap anner-tussusia	Suliat	Akiligassap anner-tussusia
	Imm.	1.000 kr	Imm.	1.000 kr
Meeqqanut akilersuutit	65.079	287.549	66.338	300.722.306
Akileraarutissat sinneri	5.000	47.063	4.875	49.097.120
Inuussutissarsiutinut taper-siissutit (ESU)	105	66.521	102	69.128.755
Akileraarutit A-t	2.684	206.581	2.737	162.305.282
Ingerlatseqatigiiffiit akiler-aarutaat	75	3.559	79	3.540.049
Ineqarnermut akiliutit	7.313	61.980	7.459	64.373.997
Akileraarutinut erniat	1.155	2.015	1.636	3.229.088
Kommuninut akiligassat assigiinngitsut	17.248	38.367	19.037	37.859.514
Utertitseqqinnissamut pisussaaffiliilluni ikiorsiis-suteqarneq	6.230	27.440	5.772	25.895.914
Ilinniartitaanermut taar-sigassarsiissutit	-732	10.778	882	14.573.970
Meeqgeriviit	-18.916	14.776	19.429	14.424.018
Eqqagassanik eqqaaneq	67.413	18.290	71.704	19.343.773
Kommunini inuussutis-sarsiornermut taarsigas-	375	4.368	346	4.182.362

sarsiat				
Namminersorluni Oqartus-sani akiligassat assigiingitsut	2.812	14.075	4.402	16.363.883
Boligstøttemit taarsigassarsiat	407	21.374	341	17.815.023
Nammineq illuliortunut taarsigassarsiat	560	7.648	497	6.392.340
Innaallagialq imerlu	9.209	5.127	8.577	4.557.389
Meeqqanut inissitanut angajoqqaat akiliutaat	16.054	24.756	18.490	26.459.946
Nunat avannarliit pi-umasaqaataat	1.829	26.844	1.554	23.071.918
Akiligassat allat	7.111	3.875	7.179	4.880.569
Katillugit	230.307	892.982	241.436	868.217.216

Naggasiutigalugu oqaatigineqarsinnaavoq, akiliisitsiniartussaataasut 2012-imut akileraarutininik akiliival-larnermut utertitsinernut atatillugu 44 mio. kr.-it ilanngaatisimammategik, taakkunannga 27 mio. kr.-it missaat kommuninut, INI-mut, Iserimmut allanullu nakkassallutik, 17 mio. kr.-illu missaat Namminersorlutik Oqartussanut nakkassallutik.

6.20 Konto pingaarneq 24.01.16 Sulisitsisunit annaasat

Apeqqut:

Inuinnaq pisortanut akiitsoqartillugu sulisitsisut pineqartup akissarsiaanik unerartitsisarneranni ullumikkut qanoq periuseqartoqarpa?

Akissut:

Pissarsiassat akiliisitsiniartussaataasunut ingerlateqqinneqaraangata, pineqartoq ilisimatinneqartarpoq, akiligassat akiliisitsiniartussaataasunut ingerlateqqinneqartut, pissarsiassallu akilernerqarnissaat isumaqatigiissutiginiarlugit misilinneqartut imaluunniit naaffeqartumik akilersuinissaq pillugu isumaqatigi-inniartoqartoq.

Akiligassalimmik piunasaqaatitaqanngitsumik isumaqatigiittoqarnissaa periarfissaqassanngikkaluarpat, pineqartup sulisitsisua ilisimatinneqassaaq. Sulisitsisoq piunaffigineqassaaq, akissartitsisinermi 33,33 %-it ilanngaatigineqartarnissaat, feriepengit eqqassanngikkaanni, akiligassat utertinneqarnissaasa tungaan-nut.

6.21 Konto pingaarneq 24.10.10 Nuna tamakkerlugu akileraarut

Apeqqut:

a. Utoqqalinersiassanit iluanaarutininik akileraarusiinissami siunertaq, tamatumani periaaserineqartussat angissusissaallu kiisalu innuttaasunut kingunerisassai itisilerneqassasut ataatsimiititaliamit kissaatigineqarpoq? Naatsumik oqaatigalugu; utoqqalinersiassanit iluanaarutininik akileraarusiineq qanoq kinguneqassava aammalu innuttaasunut ataasiakkaanut Nunattalu Karsianut qanoq kinguneqassava?

Akissut:

Pensionisiaqarnermut aqqissuussinermi iluanaarutininik akileraarusiisarneq (tamatigut PAL-imik akileraarusiisarnermik taaneqartartoq) Danmarkimi pilersinneqartoq danskit maleruagassaat naapertorlugit ukiumut 15,3 %-inik akileraaruserneqartarput. PAL-imik akileraarutit siunniussaraat sipaarniarnermi aqqissuussinermit assigiingitsunit iluanaarutit akileraaruserneqartarnerisa killiliivigineqartarnissaat.

Assersuutigalugu aningaaserivimmiittuutitanik obligationinilluunniit katersukkanit erniat pensioniseraqarnermi aqqissuussinermi iluanaarutinit annertunerusumik akileraaruserneqartarput.

Apeqqu:

b. Aningaasaliissutinit iluanaarutinit akileraarusiineq aningaasaliissutinit annaasat akileraarutitigut ilanngaatigineqarsinnaanerannik illuatungilerneqassava?

Akissut:

Maannakkorpiaq aningaasaliissutinit iluanaarutinit akileraasusiisarnermi imarisat sukumiinerusumik isummerfigineqarsimangillat. Akileraartarnermut Pigissaarnermullu Ataatsimiititaliaq aningaasaliissutinit iluanaarutit akileraarutigineqartarnissaannut ilusissamik kaammattuuteqarpoq. Iluserititap kingunerissavaa, aningaasaliissutinit aningaasartuutit iluanaarutaasunit ilanngaavigineqartarnissaat, kingorna pisariaqarpat sinneqartoorutit akileraaruserneqartassallutik. Paarlattuunik amigartoorutaasinnaasut isertitani allani ilanngaatigineqarsinnaasassapput, assersuutigalugu akissarsianit. Tamanna imaluunniit iluseq alla Naalackersuisut eqqutissallugu siunnersuutigisassat taaneqareersutut eqqarsaatersuutigineqareerpoq.

6.22 Konto pingaarneq 24.11.12 Raajanut akitsuutit

Apeqqu:

a. Aningaasat missingersuutigineqartut inuussutissarsiortunik oqaloqateqareernikkut angissusilerneqarpat?

Akissut:

Raajanut akitsuutigineqartuniit isertitat pisassariumaakkat, akitsuutit procentiinut allanullu tunngaveqarluni missingersuusiaapput. Taamaalilluni inuussutissarsiut 2014-imi isertitassatut ilimagisanut ilanngunneqanngilaq.

Apeqqu:

b. Inuussutissarsiortut aningaasaliinissamut periarfissaannut qanoq kinguneqartussatut Naalackersuisunit naatsorsuutigineqarpa?

Akissut:

Naalackersuisut nalilerpaat, inuussutissarsiortut raajanut akitsuutissatut siunnersuut nammassinnaasagaat, tamanna siunissami inuussutissarsiortarnermut aningaasaliissuteqarnissamut periarfissanut sunniuteqaataangitsumik.

6.23 Konto pingaarneq 24.11.13 Umiarsualivimmiinnermut akileraarutit

Apeqqu:

a. Titarnertaaq siulleg allassimanageratut paasigaanni, tamatuma kinguneraa umiarsuit nunatsinni umiarsualivissinnigitsut akileraarutinit akiliineq ajortut. Umiarsuit umiarsualivissinnatik nunatta imartaanut angalaartut tamarmik angissusiat apeqqutaatinnagu akileraaruserneqartalernissaat Naalackersuisunit qanoq isumaqarfigineqarpa?

Akissut:

Tamanna ilaatigut ilumoortutut paasineqarpoq, Kalaallit Nunaanni umiarsualivissinnigikkaluarlutilluunniit, kisarsimagaluarlutilluunniit imaluunniit sinerissami ilaasunik niusaqaraangamik umiarsuit takornariartaatit akitsuutinit akiliisarnerat ilanngunnagu.

Umiarsualivinnut umiarsuarnullu takornariartaatinut nalunaarummi nr. 5-imi, 7. marts 2003-meersumi atuarneqarsinnaavortaaq, "kommunitoqqani" Kangerlussuarmilu umiarsuit umiarsualivissinnerini taamaallaat umiarsualivinnut akitsuusiisoqartarnissaa pisassasoq.

Naalackersuisut maannakkorpiaq umiarsuarnut tamanut kalaallit imartaanni umiarsualivissingikkaluarlutik angalaartunut akitsuusiisarnissamik pilersaaruteqanngillat, siuliani umiarsuit takornariartaatit taaneqartut eqqaassanngikkaanni.

Apeqqut:

b. Inuinnaat umiarsuaat nunatta imartaanni angalaartut qanoq annertutigisumik nakkutigineqarpat?

Akissut:

Namminersorlutik Oqartussat nakkutilliinermik ingerlataqavinngillat, tamannami danskit naalagaaffiannut atasuummat, assersuutigalugu politiiunut, aalisarnermik nakkutilliisunut allanullu.

6.24 Konto pingaarneq 24.11.14 Naqissusiinermut akitsuutit

Apeqqut:

Isertitassatut aningaasaliissutit amerlineqarnerat attartortumit piginnittumut aaqqissuussineq malillugu Qinngutsinni Tuapannguanilu inissianik tunisinermi Naalackersuisut naatsorsuutigisaannik ersersitsinera?

Akissut:

2014-imut naqissisuusarnermiit isertitariumaagassat 2012-imi annertuujusunut isertitaasunut tungaveqartinneqarput, assersuutigalugu Nuuk Centerip inaarsarneqarnerata kingunerisaanik annertuumillu sanaartukkaniit kiisalu maannakkuugallartoq 2013-imi naqissusiisarnermut akitsuutiniit ineriartornerugalartuniit, tamatumani maannakkorpiaq isertitassatut ilimagisaasut ukiumut 34,4 mio. kr.-it missaanniillutik.

Qinngutsinni Tuapannguanilu inissianik tuniniaanerit isertitanik amerlanerusunik ilapittuisinnaalluarput. Ilimagisariaqarporli, inuit arlallit inissianik taaneqartunik pisinissamut eqqarsateqartut inissianik allanik pisiniarumaartut, ullumikkut inigisaminnik pisinissamut periarfissaqarsimassanngikkaluarpat. Taamaatumik siunnersuut isertitassanut akuutinneqanngilaq, kisiannili taamaarataasinnaalluni.

6.25 Konto pingaarneq 24.11.21 Tipsernermut lottornermullu akitsuutit

Apeqqut:

Nunani allani spillernerit – assersuutigalugu internet atorlugu nunanit allanit sullississutigineqartut – akitsuuserneqarnissaat Naalackersuisunit isumaliutigineqarsimava?

Akissut:

Naalackersuisut maannakkorpiaq nunani allani spillernernut akitsuusiinissanut eqqarsaatersuuteqanngillat.

Nunani allani spillernerniit iluanaarutit inuit ataasiakkaat isertitarisaattut akileraaruserneqartussaataapput, tamatumani Danmarkimi spillernerit akuerisaasut eqqaassanngikkaanni, taakkuami danskit naalagaaffiata karsiani akitsuutinut naapertuuttarmata. Tassanngaanniit iluanaarutit nammineq isertitat naatsorsorneqar-tarnerannut naatsorsorlugit ilanngunneqarneq ajorput.

Pinnguaatit pillugit Kalaallit Nunaanni inatsimmi § 35 naapertorlugu Danske Spil A/S-imi 2010-mut naatsorsuutit naapertorlugit Kalaallit Nunaat danskit naalagaaffianniit ukiumoortumik aningaasanik pissarsisarpoq. Aningaasat ukiumoortumik iluarsivigineqartarput.

Kalaallit Nunaanni spillernerit arlallit, tamatumunnga ilanngullugit toqqaannartumik spillernerniit allaniillu iluanaarutit, spillernerit ilaannut Kalaallit Nunaannut inatsimmi tunngavilerneqartut, Danmarkimi spillertarnermut oqartussaasut ingerlataanniit spillernernik neqeqooruteqartarnissamut neqeroorutinut akuer-

saarneqartartunut akuersissuteqarfigineqartartunullu ilaapput. Spillernermit oqartussaasuniit akuersisuteqaqqaarani toqqaannartumik spillernernik neqerooruteqarnerit ingerlatsisarnerillu akiliisussanngortinneqarsinnaapput. Pisuni sukateriffiusuni Kalaallit Nunaanut pinerluttulerineq pillugu inatsit naapertorlugu pineqaatissiisoqarsinnaavoq.

7. Suliassaqarfik 30 Ilaqutariinnermut Inatsisinillu Atortitsinnermut Naalackersuisoq

7.1 Konto pingaarneq 30.01.03 Isumaginninneq pillugu pikkorissartitsinerit ilinniartitseqqinnerillu

Apeqqu:

a. Suliatigut piginnaanngorsarnissaq siunertaralugu pikkorissarnerit pingaarnertut ingerlanneqartarnerat aammalu pikkorissarnerit taakkunannga pissarsiat ingerlaavartumik naliliiffineqartarnerat qanoq qulakkeerneqartarpa?

Akissut:

Soorlu konto pingaarnermi 30.01.03-mi takuneqarsinnaasoq naalackersuisoqarfik ingerlaavartumik nu-taamik inatsisiliortoqarnerani allatigullu isumaginninneq pillugu inatsisiliortoqarnerani pikkorissartitsisapoq, tassa isumaginninnermi ingerlatsivinni sulisut suliatigut piginnaanngorsarneqarnissaat qulakkeerniarlugu. Tamatigut pikkorissaasoqareeraagat nalilersuinnermi immersugassiaq atorlugu nalilersuisoqartarpoq, taan-nami aqutigalugu pikkorissaanerit pitsaassusaat ataavartumik pitsanngorsaaffigineqartarput kiisalu pik-korissartut pisariaqartitaat kissaataallu aallaavigalugit suliatigut piginnaanngorsaarnissaq qulakkeerneqatarluni.

Apeqqu:

b. Konto pingaarneq 20.11.61, 0 kr.-imik immikkoortitsivigineqarsimasoq, innersuussutigalugu siunnersort-inut ikiortinngorniarnermut aamma allagartartaarniarluni ilinniagaqarnermut 3.738.000 kr.-it missinger-suutigineqartut aningaasartuummut suliassami kisitsisini allassimavoq. Qanoq tamanna ataqatigiippa?

Akissut:

Konto pingaarnermi 20.11.61-imi allassimavoq: konto pingaarneq 30.01.03 – Isumaginnittoqarfik – 2014: 1,6 mio. kr. kiisalu konto pingaarneq 30.01.03 - Sulianik ingerlatsisunut ilinniartitaaneq isumaginninnermi siunnersuineq – 2014: 1,0 mio. kr. Suliagarfiit taakku marluk tassaapput 30.01.03-mi tigussaasumik ilinniartitaanermi suliniutinut taaguutit allatut oqaasertalerneqarnerat: Siunnersortinut ikiortinngorniarneq aamma allagartartaarniarluni ilinniagaqarneq. Aammattaaq konto pingaarneq 30.01.03 aqutigalugu siun-nersuutigineqarpoq ilinniartitaanernut taakkununnga marluusunut 2014-imi aningaasaliissute-qartoqaqqissaasoq, tassa 2,6 mio. kr.-nit 3,7 mio. kr.-nut.

Apeqqu:

7.2 Konto pingaarneq 30.01.04 Namminersortulik Oqartussat illuutaannik aserfallatsaaliuineq – Ilaquta-reeqarneq

a. Illuutit illersorneqarsinnaasumik aserfallatsaaliuineqarnissaannut aningaasaliissutaasut naammattutut isigineqarpat?

Akissut:

Aap.

Apeqqu:

b. Aserfallatsaaliinnermi kinguaattoortoqarpa, taamaassimappat qanoq annertutigisumik aammalu qaqugu anguneqarnissaat naatsorsuutigineqarpa?

Akissut:

Aserfallatsaaliinermit kinguaattoortoqalaarpoq, naatsorsuutigineqarporli suliniutinut pilersaarusiaq naapertorlugu ukiup aningaasanut inatsiseqarfiusup (2013) matuma ingerlanerani tamanna aaqqineqassasoq.

7.3 Konto pingaarneq 30.10.37 Nuna tamakkerlugu meeqqanut inuusuttunullu angerlarsimaffiit

Apeqqu:

Ulloq unnuarlu paaqqinniffiit arfineq pingasuinnaanerat eqqorpa aammalu inissat amerlassusiat eqqortumik nalunaarneqarsimava? Ulloq unnuarlu angerlarsimaffiup isumannaallisakkap pilersinniarnera sumut killippa?

Akissut:

AIS2014-imi nuna tamakkerlugu meeqqanut inuusuttunullu ulloq unnuarlu paaqqinniffiit arfineq pingasuunerat eqqortuuvog. Inissat amerlassusaat eqqortumik nalunaarutigineqarput – tassa AIS2014-imi inissat 159-iusut nalunaarutigineqaramik. Kisitsisilli taakku AIS 2014-ip aappasaanik suliarineqarneranut atatillugu aaqqineqassapput, tassami AIS 2014-ip suliarineqarnerata kingorna isumaqatigiissuteqartorqarmat paaqqinniffinit nutaanik marlunnik pilersitsisoqassasoq (Paaqqinnittarfik isumannaallisagaq & ILIK). Ulloq unnuarlu paaqqinniffinnut aningaasaleeriaatsimik allannguisussamik ataatsimoortumik tapiisutissatut isumaqatigiissummut tapiisoqarnissaa eqqarsaatigineqarpoq. Tassunga atatillugu allannguutit ilanngunneqassapput.

Tassinga ilanngullugu oqaatigineqassaaq, AIS 2014-imi suliniut "Matu & Pilersaarutaasut" paaqqinniffittut namminersortitatut oqaatigineqanngimmat. Paaqqinniffik taanna Aja ataani immikkortortaavog, taamalu tunngavimmigut tassunga atalluni. Immikkoortilluguli akigititaqarpoq, taamaammatt suliasami kisitsisini namminersortitatut takutinneqarpoq.

Naalackersuisoqarfimmit naatsorsuutigineqarpoq paaqqinnittarfiup isumannaallisakkap Sisimiuni ukioq mannaq ammarneqarnissaa. Maannakkorpiaq forstanderitut atorfik sulisussallu inissinneqarnissaat amigaataavog. Ulloq unnuarlu paaqqinnittarfik isumannaallisagaq maannakkut sisamanut inissaqarpoq, ukiulli matuma ingerlanerani pilersaarutaasutut inissat arfineq pingasut atorneqarsinnaalissaput.

7.4 Konto pingaarneq 30.10.45 Meeqqat inuusuttullu immikkut ittumik suliniuteqarfigineqarnerat

Apeqqu:

Ilaqutariinnut sullissivinnut aammalu ilaqutariinnut højskolinit tapiissutit annertuumik qaffaavigineqartut suliasami kisitsisini takuneqarsinnaavog. Tamatumunnga pissutaava ingerlatsinerit taamaaqqataanik qaffanneqarnissaannik naatsorsuutiginninneq?

Akissut:

Tamatumunnga pissutaavog suliaqarfimmi suliasat amerlisimaneri, tassa ilaatigut illoqarfinni ilaqutariinnut sullissiviit arlallit pilersinneqarsimagamik. Aammattaaq suliasanut aningaasaliissutit siusinnerusukut Meeqqanut inuusuttunullu periusissiap ataani inissisimasut nuunneqarsimapput.

7.5 Konto pingaarneq 30.11.10 Ineqarnermut tapiissutit

Apeqqu:

a. Suliasaqqarfiup iluani kissaatiginanngitsumik iluanaarniutiginnittarneq pillugu maleruagassiisumik nalunaarusiortoqassasoq suliasaqqarfimmut Naalackersuisuusimasup paasissutissiissutigaa. Nalunaarut taanna atortussanngortinneqarpa, taamaassimappallu siunertaminut naapertuuttumik atuuppa?

Akissut:

Naamik, nalunaarut suli atortussangortinneqanngilaq. Nalunaarutip aningaasatigut kingunissaasa naatsorsorneqarnerannut atatillugu ilinniagaqartut inimik attartornerminnut atatillugu qassit ineqarnermut tapiissutinik pissarsisarnersut erseqqissaaffigineqarnissaat utaqqimaarneqarpoq. Nalunaarusiornermi si-unertaavoq, attartortut taakku kissaatiginanngitsumik iluanaarniuteqarsinnaanerat pinngitsortinniarlugu inimik attartornermi ineqarnermut tapiissutit naleqqussarneqarnissaat.

Apeqqu:

b. Pisartagaqartut annikinnerusumik ikilinissaat missingersuutigineqarpoq. Tamanna aningaasaliissutinut sunniuteqartussatut naatsorsuutigineqanngila?

Akissut:

Annikinnerusumik ikilinissaannut missingersuuteqarneq N2012-imi angusanut attuumassuteqartutut isigineqassaaq, taassuma takutimmagu pisartagaqartumut ataatsimut aningaasat tunniunneqartartut allanguuteqalaarsimanerat. Tamanna AIS 2014-imi naleqqussarneqarpoq, AI 2013-imi missingersuutinut atatillugu ikileriarsimasut takuneqarsinnaavoq.

7.6 Konto pingaarneq 30.12.08 Utoqqalinermi pensionisiat

Apeqqu:

2013-imi aningaasanut inatsimmut sanilliullugu pensionisiaqartut 55-inik amerleriarput aammalu aningaasaliissutit pensionisiaqalersumut nutaamut ataatsimut 148.000-it missaannik naleqartumik 8,158 mio.-inik amerlineqarlutik. Tunngaviusumik aningaasaliunneqartartut amerlassusiisa saniatigut pissutsit allat tamatumunnga pissutaappat?

Akissut:

Aap, konto pingaarnermi aningaasaliissutit tunngaviusumik aningaasaliunneqartartunit tunniunneqartartut, taakkununnga ilanngullugit "kaasarfimiussat" meeqqanullu tapit matussusertarpaat. Taakkua saniatigut pensionistit kisermaat aamma katissimasut/inooqateqartut amerlassusaannit kiisalu nammineq isertitanit aamma uisup/nuliaasup imaluunniit inooqatigisap isertitaaannit tunngaviusumik aningaasaliunneqartartunut aningaasartuutit sunnerneqartarput.

7.7 Konto pingaarneq 30.12.09 Siusinaartumik pensionisiat

Apeqqu:

Pisartagaqartut amerliartuaanerat ingerlaannartussatut naatsorsuutigineqarmat Aningaasaqarnermut Ataatsimiititaliamit isumakulunnartinneqarpoq. Siusinaartumik pensionisiaqalernissaq qanoq pinaveersaaneqarsinnaanersoq sammineqarnerusariaqartoq suliassaqarfimmut Naalakkersuisuusimasup ataatsimiititaliamut paasissutissiissutigaa. Isumaginninnikkut peqqissutsikkullu suliniutit pitsaasuunissaat kiisalu sulinermi ajoqusersinnaanermik pinaveersaartitsineq tamatumani pingaaruteqarluinnarput.

a. Pissutsit tamakku sulissutigineqarnerat Naalakkersuisunit ingerlateqqinneqarpa?

Akissut:

Pissutsit qulaani pineqartut sulissutigineqarnerat suli ingerlateqqinneqanngilaq. Isumaginninnermi iluarsartuusseqqinnissaq 2014-ip ingerlanerani aallartinneqartussatut pilersaarutaasoq aammaarluni eqqaasissutigeqqinneqarpoq. Qularutigineqanngilarli siusinaartumik pensionisiaqarnermi suliassaqarfik pillugu suliniuteqarneq marloqiusamik ingerlanneqassasoq. Siullertut siusinaartumik pensionisiaqartartut suleqqilertsinneqarnissaat annertunerusumik sulissutigineqassaaq, tassa sulisinnaassusaat imaluunniit sulisinnaassuseqqaqqilernissaat naapertorlugu, ass. piginnaanngorsaaqqinneq ilinniartitaanerluunniit aqqutigalugit. Aappaattut assigiinngitsutigut pitsaaliulluni suliniuteqarnikkut, assersuutigalugu sulinermi ajoqusersinnaanermik pinaveersaartitsilluni kiisalu isumaginninnikkut peqqissutsikkullu suliniuteqarluni siusinaartumik pensionisisartut ikilisarneqarnissaat qulakkeerniarlugu sulissuteqartoqassaaq.

Apeqqu:

b. Arlalissuit meeqqanut tapiissutinik pissarsisartuusut Aningaasaqarnermut Ataatsimiititaliamit maluginiarneqarpoq. Inuuniarnikkut kingornutaminnik qimatsisinnaaqullugit meeqqat eqqorneqartut Naalackersuisunit immikkut eqqumaffigineqarpat?

Akissut:

Naalackersuisut eqqumaffigivaat inuiaqatigiinni isumaginninnikkut unammilligassaqartoq, anguniarpaallu sapinngisamik amerlanerpaat inuuniarnikkut kingornutaminnik qimatsisinnaanissaat. Siusinaartumik pensionisiallit pillugit suliaqarfimmi meeqqat tapiinik tunniussisarneq inuttut atugarisatigut naligiissarinerup meeqqallu pisariaqartitaanik isumaginninnerup qulakkeerneqarnissaannut pingaaruteqarpoq. Aningaasalli nuunneqartarnerat inuuniarnikkut kingornutanik ajortunik qimatsiniarnermut sakkutut naammangillat. Pisariaqarpoq tarnikkut inuttullu atukkat ataatsimut isigalugit suliniuteqarfigineqarnissaat, tassani suliaqarfiit akimorlugit ataqatigiissaarisoqarluni suleqatigiittoqarlunilu. Pingaaruteqarluinnarpoq ilaqtariinnut ajornartorsiuteqartunut isumaginninnikkut neqeroorutit patajaattut angajoqqaat piginnaasaannut meeqqallu ineriartornerannut pisariaqartitaannullu sammiveqartut pilersinneqarnissaat. Tassani ilaqtariinnut sullissiviit qitiusutut inissisimapput. Taamaammat ilaqtariit, meeqqat inuusuttullu inuuniarnikkut ajornartorsiuteqartut amerlanerit ilitsersorneqarnissaat, siunnersorneqarnissaat katsorsarneqarnissaallu anguniarlugu ilaqtariinnut sullissivinnut tapiissutit annertusineqarnissaat Naalackersuisut salliutippaat. Isumaginninnikkulli suliniutit isumaginninnermi suliaqarfimuinnaq tutsinneqarsinnaanngillat. Assersuutigalugu isumaginninnikkut suliniutit sunniuteqassappata amerlanerit imigassamik atornerluinermut katsorsarneqartariaqarput, soorlu meeqqeriviit, atuarfiit, fritdsklubbit allallu meeqqat najortagaat meeqqat inuusuttullu pillugit pitsaaliuinnermut siusissukkullu suliniuteqarnermut peqataasariaqartut. Tamanik isiginninnissaq Naalackersuisut isumaginnermut politikkianni tunngaviuvoq.

7.8 Konto pingaarneq 30.13.43 Innarluutillit Pillugit Iisimasaqarfik Siunnersuisarfiutigisog

Apeqqu:

a. Konto pingaarnermi aningaasat immikkoortinneqartut marloriaatinngorsimapput. Tamanna sumut ersiutaava?

Akissut:

Tassani ajuusaarnartumik kukkusimaneq pineqarpoq aappasaanik suliarinninnermi iluarsineqartussa. Pilersaarutaavoq Nuummi Ippiarsummut ilassutitut innarluutilinnut sullissivimmik pilersitsisoqarnissaa. Suliaqarpoq 2014-imi aallartinneqartussaagaluarpoq. Immikkut ingerlatsinermut aningaasaliissutit taakku inis-sanik amerliliinermut tassunga matussutissaapput. Piffissap ingerlanerani suliaqarpoq sinaakutissat allanngortinneqarnissaat politikikkut pingaartinneqarsimavoq, taamaammat 2014-imi taassuma aallartinneqarnissaa naatsorsuutigineqarsinnaanngilaq. Suliaqarpoq aappasaanik suliarineqarneranut atatillugu immikkut ingerlatsinermut aningaasaliissutit ikilisinneqassapput.

Apeqqu:

b. IPIS aaqquussuusaanikkut sooq tassani inissisimava?

Akissut:

IPIS tassaavoq nuna tamakkerlugu Innarluutillit Pillugit Iisimasaqarfik Siunnersuisarfiutigisog. Tassa sullissiviup pingaarnertut suliaqarpoq naalackersuinermut tunngassuteqanngillat, taamaammat immikkut aningaasanut inatsimmi kontoqartinneqarpoq.

8. Suliassaqarfik 34 – 35 Peqqissutsimut Attaveqarnermullu Naalakkersuisoq

8.1 Utaqqisunik nalunaarsorsimaffiit taartaagallartartunullu aningaasartuutit

Apeqqu:

a. Utaqqisunut nalunaarsorsimaffiit piffissallu utaqqiffiusartut killiffiannut paasissutissiissut, takussutissiamut 2013-mut aningaasanut inatsisissatut siunnersuummut atatillugu ataatsimiititaliamut tunniunneqartumut aammalu 2013-mi aningaasanut inatsisissatut siunnersuummik aappassaaneerinissamut ataatsimiititaliap isumaliutissiissutaani ilanngunneqartumut toqqaannartumik sanilliussinissamut tunngaviusinnaasoq Aningaasaqarnermut Ataatsimiititaliamit qinnutigineqassaaq.

Akissut:

Utaqqisunut nalunaarsorsimaffiup nutarterneqarnera kingulleq imatut isikkoqarpoq:

Immikkut ilisimasaqarfik	Februari 2012		Februari 2013		2012 Ukioq manna utaqqisut aggu- qatigiissillugit
	Napparsimasut amerlassusaat	Taakkunannga 15-it inorlugit ukiullit	Napparsimasut amerlassusaat	Taakkunannga 15-it inorlugit ukiullit	
Seeqqunik siffissanillu pilattaanerit	234	0	240	0	2,1
Saanernik pilattaanerit allat	125	0	93	3	2,0
Timip ipiutaasartaanik pilattaanerit	360	10	390	8	1,8
Pinnersaalluni pilat- taanerit (plastik)	16	2	14	2	2,1
Ilusiuisarneq	107	0	109	0	0,6
Isitigut ajoqutit	444	0	459	0	1,6
Siutikkut, qingakkut qungatsikkullu ajoqutit	373	98	295	95	2,0
Katillugit	1.659	110	1.600	108	

Utaqqisut nalunaarsorneqarnerat ukiup naanerani nikingassuteqarsinnaavoq, taamaammat takussutissaq mianersuutilaarlugu tiguneqassaaq. Utaqqisut nalunaarsorneqarnerat nutartigaq tiguneqarpat Aningaasaqarnermut Akileraartarnermullu Ataatsimiititaliamut nassiuunneqassaaq.

Apeqqu:

b. Aammattaaq taartaasartunik inuttarsarsiuvinnit sulisorisanut piffissami sivikitsumi atorfeqartitsilluni atuinermi aningaasatigut killiffik pillugu paasissutissiissut, takussutissiamut 2013-mut aningaasanut inatsisissatut siunnersuummut atatillugu ataatsimiititaliamut tunniunneqartumut aammalu 2013-imut aningaasanut inatsisissatut siunnersuummik aappassaaneerinissamut ataatsimiititaliap isumaliutissiissutaani ilanngunneqartumut toqqaannartumik sanilliussinissamut tunngaviusinnaasoq Aningaasaqarnermut Ataatsimiititaliamit qinnutigineqassaaq.

Akissut:

Taartaasartunut aningaasartuutit Peqqinnissaqarfimmu tamarmiusumut 70,5 mio. kr.-nik ataatsimut atuiffiusut 2008-mi annertunerpaapput. Ukiut kingulliit marluk ingerlaneranni peqqissaasunut taartaasartunik inuttarsarsiuisarfimmeersunut aningaasartuutit oqaluttuarisaanerami aatsaat taamak annikillisinneqartigipput. Tamanna anguneqarpoq ilaatigut kingullermik nutaamik isumaqatiginninniarnermi peqqissaasunut isumaqatigiissutit malillugit atorfeqartinneqartunut aningaasarsiat pitsaanerulersinneqarneratigut, inuttarsarsiortanerup sukannernerusumik aqunneqalerneratigut kiisalu Danmarkimi suliffissaaleqisut amerliartuinnarnerisa iluaqutigineqarneratigut.

Peqqissaasunut aningaasartuutit 2012-imi qaffapput, tamatumani DIN-imi peruluttunut immikkoortortaarfimmi atuineruneq pingaarnertut pissutaavoq. Aqutsisut tungaannit suliaqarfik eqqumaffigineqarpoq, immikkoortortaarfimmilu sulisut aalajangersimasuunissaat qulakkeerniarlugu suliniuteqartoqarluni.

Nakorsanut taartaasartunut aningaasartuutit sineriammi suli annertoqaat, tamanna pingaartumik avinngarussimasuni napparsimmavinnilu mikinerusuni nakorsanik aalajangersimasumik atorfinitsiniartarnermik ajornartorsiuteqarnermut attuumassuteqarpoq. Sulisussarsiortarneq ilaatigut nakorsat amerluiartuinnartut immikkut ilisimasalittut ilinniagaqartarnerannik sunnerneqarpoq, soorlu aamma avinngarussimasuni najugaqarnissaq pilerigineqanngitsoq. Suliassaqarfik eqqumaffigineqarpoq, sulisussarsiorterlu kiisalu qaammatinik 3 – 6-inik sivilutigisumik nakorsat nikittaassinnaanerannik aaqqissuussineq sulissutigineqarluni.

2009-2013-imi Peqqinnissaqarfiup taartaasartunik inuttassarsiuisarfinnut aningaasartuutai

DIN					Aningaasartuutiivit 31.08	Ilimagisat
(1.000 kr. - inngorlugit)	2009	2010	2011	2012	2013.	2013.
Nakorsat	6.359	1.886	406	794	576	850
Peqqissaasut	24.053	11.274	7.869	2.592	2.738	4.350
Sulisut allat	620	241	191	29	0	0
Katillugit	31.032	13.401	8.466	3.415	3.314	5.200

Sineriak (1000 kr. -inngorlugit)					Aningaasartuutiivit 31.08	Ilimagisat
(1.000 kr. - inngorlugit)	2009	2010	2011	2012	2013.	2013.
Nakorsat	10.511	10.059	19.823	9.528	3.344	5.000
Peqqissaasut	5.021	1.667	831	650	1.235	2.000
Sulisut allat	160	625		0	0	0
Katillugit	15.692	12.351	20.654	10.178	4.579	7.000

Apeqqu:

c. Kiisalu 2013-imi aningaasanut inatsisissatut siunnersuummut atatillugu ataatsimiititaliamit apeqqutigineqartut sinnerinut malitseqartitsissut ataatsimiititaliamit qinnutigineqarpoq, taakku tassaapput 1) peqqinnissaqarfippiamut aningaasaliissutit tamakkiisut, 2) naatsorsuutit ukianut qaangiuttumut taamatullu ingerlatassatut naatsorsuutigineqartunut sanilliullugu piviusorsiortumik missingersuusiortarnissamik Deloittep kaammattuutaa Naalakkersuisunit tamakkiisumik malinneqarsimanersoq, 3) naggasiullugulu Skandinaviap avataani nunanit nakorsanik pissarsiniarsinnaanermut periarfissat unammilligassallu.

"1) Ukioq kingulleq apeqqu imatut nipeqarpoq:

Akinut akissarsianullu iluarsisssut ilanngunnagu 2012-imi aningaasanut inatsimmut sanilliullugu 2013-imi aningaasanut inatsisissatut siunnersuummi peqqinnissaqarfimmu tamakkiisumik aningaasaliissutit qanoq amerlatigippat?

Apeqqu AIS2014 aallaavigalugu imatut allanngortinneqarpoq:

Akinut akissarsianullu iluarsisssut ilanngunnagu 2013-imi aningaasanut inatsimmut sanilliullugu 2014-imi aningaasanut inatsisissatut siunnersuummi peqqinnissaqarfimmu tamakkiisumik aningaasaliissutit qanoq amerlatigippat?

Akissut: 1-imut.

Peqqinnissaqarfiup AIS2014-imi Peqqinnissaqarfimmut aningaasaliissutai tamarmiusut imatut allanngortinneqarput (Peqqinnissaqarfiup ingerlatsinermi kontua aallaavigalugu):

Inuiaqatigiit katitigaanerat:	13,835 mio. kr.
Sakiilluummut aningaasaliissutit nuunneqartut (Nunatsinni Nakorsaaneqarfimmut nuunneqartut)	-1,1 mio. kr.
Peqqinnissakkut Ilinniartitaanernut Qitiusumik Ilinniartarfimmut aningaasaliissutit	-1,360 mio. kr.
EPJ pillugu suliniuummutnuunneqartut (sanaartornermut kontumu nuunneqartut):	-6,2 mio. kr.
Nunatsinni Peqqinnissakkut ilinniartitaanikkullu suliniutit annertusineqarnerat:	0,6 mio. kr.
Katillugit:	5,775 mio. kr.

Taamaalilluni ingerlatsinermi kontunut aningaasaliissutit arlallit ikilisinneqarnerisa inuiaqatigiit katitigaanerisa sunniuteqartarnerat annikillisippaat. Tassa allatut oqaatigalugu aningaasartuutit 20-30 mio. kr.-nik qaffannissaannik. (Deloitte nalunaarusiaa naapertorlugu) naatsorsuuteqarneq pissutigalugu Peqqinnissaqarfimmi sipartoqarnissaa pisariaqarpoq.

Aammattaaq 8,010 mio. kr.-t Peqqinnissamut tunngatillugu Meeqqanut Inuusuttunullu Periusissiamut nuunneqarput. Nutaamilli aningaasaliissuteqarneq uani pineqanngilaq, tassa aningaasartuutit siusinnerusukkut Ilaqutariinnermut, Kultureqarnermut, ilageeqarnermut Naligiissitaanermullu Naalackersuisoqarfimmut akilerneqarallartussanngortinneqarnerat pissutigalugu.

Peqqinnissatigut atugarissaarneq aallaavimmigut innuttaasut katitigaanerisa nassataannik allannguteqassanngilaq. Peqqinnissaqarfimmi atugassarititaasut innuttaasut katitigaanerisa allanngornerannut naleqqussaannarneqarput, tassani utoqqaat amerliartuinnarnerisigut Peqqinnissaqarfiup isumalluutaanik atuisoqarnerulernissaa eqqarsaatigineqarpoq. Innuttaasulli katitigaanerat ukiut siuliinut marlunnut sanillullugu innuttaasut amerlassusaannik missingiinerup allanngortinneqarnera pissutigalugu qaffasinneruvoq.

Peqqinnissaqarfimmut tunngatillugu apeqquteqartoqarmat, Peqqissutsimut Attaveqarnermullu Naalackersuisoqarfimmi, Nunatsinni Nakorsaaneqarfimmi Peqqinnissaqarfimmi allannguutit sanaartornermut kontunut ilanngunneqanngillat.

Akissut: 2-mut

Deloitte inassuteqarpoq, peqqinnissaqarfimmut tunngatillugu suliaqarfiit piviusorsioortumik missingersuusiorneqassasut, tassani ukiumi naatsorsuusiorfiusumi kingullermi angusat aamma siunissami suliasat amerliartornissaat eqqarsaatigalugit missingersuusiornermi ilanngunneqartassallutik.

Naalackersuisut inassuteqaatit eqqumaffigivaat, Peqqinnissaqarfimmi pisariillisaanissaq Deloitte oqaatigisaa eqqumaffigalugu. Ilutigalugu innuttaasut katitigaanerisa nikittarnerat pissutigalugu Peqqinnissaqarfiup aningaasaqarnikkut unammilligassai Naalackersuisunit eqqumaffigineqarput. Aningaasaliissutilli mallinniarlugit Peqqinnissaqarfiup sipaarutaasinnaasunik ingerlaavartumik nassaarniartarnissaa pisariaqarpoq.

Akissut: 3-mut

Peqqinnissaqarfimmi sulisussarsioortarnermi siunnerfilimmik suliniutigineqarpoq nakorsanik sulisussarsiornermi peqqissaarusaanerusumik tunngavissanik pilersitsinissaq. Peqqinnissaqarfimmitaaq anguniaqarpoq ilinniartitaaneq aqputigalugu nakorsassarsioartarnissaq. Tassa kalaallit Danmarkimi nakorsanngorniarlutik ilinniagaqartut aamma Peqqinnissaqarfiup ataani ilinniagaqartut salliutillugit neqeroorfigineqartassapput. Piginnaasaqarfiit annertusarneqarnissaat sulissutigineqarpoq, tassa kalaallit nakorsanngorlaat Kalaallit Nunaata Peqqinnissaqarfiani tamakkiisumik ilaannakortumilluunniit nakorsatut immikkut ilisimasalittut nangitsiviusumik ilinniagaqarsinnaanngorlugit.

2014-imi nakorsat taartaasussanik sulisussarsiorfarinneersut atorunnaavinneqarnissaat piffissami qaninnermi anguniagaavoq.

Peqqissutsimut Pitsaaliuinernullu Aqutsisoqarfiutaaq sulissutigaa Skandinaviap avataani nunanit nakorsanik pissarsiniartoqarsinnaanera. Tunngaviatigut Peqqinnissaqarfiup nakorsat taartaasussanik sulisussarsiorfarinneersut pissarsiariniartinnagit nakorsat Skandinaviap avataani najugallit pissarsiariniartussavai.

8.2 Konto pingaarneq 34.11.02 Napparsimasut nunani allani katsorsarneqartarnerat, tarnikkut nappaatit

Apeqqut:

Nuummi parnaarussivimmik nutaamik sanaartornissamik pilersaarutit kontomut uunga sunniuteqassapat?

Akissut:

Konto 34.11.02 aqutigalugu tarnikkut napparsimallutik pinerluuteqarsimasut Retspsykiatrisk Hospitalimi Risskovimiittumi tarnimikkut napparsimasunut immikkoortotaqarfimmi immikkoortoq R3-mi uninngasut katsorsarneqarnerinut aamma innuttaasunut akuulersinniarnerinut atatillugu angalanernut aningaasartuutit kisimik matussuserneqartarput. Katsorsaasarneq taanna allannngortinneqarani ingerlatiinnarneqassaaq aamma parnaarussiviup nutaap sananeqarneranit sunnerneqassanngilaq.

Pinerluuteqarsimasut tarnikkut allaassuteqartut Herstedvesterimi Anstaltimiit Nuummi Parnaarussivimmut nuunneqartut tarnimikkut nappaataasa ajornerulernerannut imaluunniit tarnimikkut nappaateqalernerannut atatillugu Risskovimi R3-mut imaluunniit Nykøbing Sjællandimi Sikringsanstaltimut nuunneqarnissaannik pisariaqartitsisoqarnerulersinnaavoq, tassa parnaarussat taakkua tarnimikkut sanngiitsuunerat aamma pingaartumik ulluinnarminni allannngortoqarnerani qisuariartarsinnaanerat pissutigalugu. Unammilligassat taakkua parnaarussiviup ammarneqannginnerani iluarsiivigineqarnissaat siunertaralugu Naalakkersuisoqarfiup Pinerluuteqarsimasunik Isumaginnittoqarfik oqaloqatigivaa.

8.3 Konto pingaarneq 34.11.03 Dronning Ingridip Napparsimmavissua

a. 2013-imi aningaasanut inatsimmut sanilliullugu isertitassat taama malunnaateqartigisumik amerleriar-nissaannik naatsorsuutiginninnermut suna tunngaviua?

Akissut:

2013-imit 2014-imut isertitassat amerleriaateqangaatsiarnissaannik naatsorsuutiginninneq matumani pineqanngilaq. DIN-imut tunngatillugu isertitaasartut 2011-mili 17-19 mio. kr.-t missaannik annertususeqartarput. Taamaammat ajoraluartumik oqaatigineqassaaq, ukiut siulliini kisitsisit piviusut aallaaviginagit Aningaasanut Inatsimmi aaqqiisoqaannartarsimasoq. Tassa AIS2014-imi isertitassat qaffariaataanut taamaallaat tunngaviuvoq, ukioq manna missingersuutissatut pilersaarusionermi kisitsisit piviusut aallaavigineqarsimanerat, taamalu AI2013-imi procentikkaartumik aaqqiisoqaannarsimanani.

Nalilerneqarpoq napparsimasut katsorsarneqareersut ilanngunnagit DIH-mi isertitat ukiumut 16-17 mio. kr.-t missaanniittut. Napparsimasut katsorsarneqareersut pillugit missingersuusiortoqarsinnaasimannngilaq, tassa napparsimasut qanoq katitigaanerat aamma kommunit paaqqutarinnissinnaanerat tassani apeqqutaagami. 2012-imi napparsimasunik isumaginninnermit isertitat 2,7 mio. kr.-upput, 2013-imulli tunngatillugu 1 mio. kr.-nik isertitaqartoqarnissaa naatsorsuutigineqarluni.

Apeqqu:

b. Napparsimmaviup scannerisinnaassusia tamakkiisumik atorneqarpa aammalu assersuutigalugu Nuna-vumik suleqateqarnikkut atorluarneqarsinnaava, taamaalillunilu DIN-imut immaqqa amerlanerusunik iserti-taqaataasinnaalluni?

Akissut:

Akissut suliarineqarpoq MR-sacannerip atorneqarsinnaanerata pineqarnera kisiat aallaavigalugu.

MR-scanneri 1.1.2013-imi atorneqalerpoq. Immikkoortortaqaarfiup pisariaqartitanik sulisoqarnera naap-ertor-lugu ullormut tallimariarluni misissuisoqartarpoq. 2013-imi ulloq manna tikillugu scannerinerit 312-it ingerlanneqarsimapput, naatsorsuutigineqarpoq ukioq manna scannerinerit katillugit 450-iussasut. Ta-manna ullumikkut pisariaqartitanut naapertuuppoq. Tassa scannertinnissamut utaqquisut ikittuinnaapput.

MR-scannerimik maannakkut suliaqartartut eqqarsaatigalugit MR-scanneri tamakkiisumik atorneqartar-poq. Atorneqartarnera annertusineqassappat sulisut amerlineqartariaqassapput.

Nunavut akeqanngitsumik napparsimasunik katsorsaanissamut Canadami qitiusumik aqutsisunik isu-maqatigiissuteqarmat Kalaallit Nunaata MR-scannerianik atuisinnaanera piviusorsioortuunngilaq. Tama-tumani aamma Nuup Nunavullu akornanni angallannikkut attaveqaatit pitsaannginnerat isigineqassaaq.

Apeqqu:

c. Peqqinnissaqarfimmi sulisunut inissianik, utaqqiisaasumik inissianik allatigullu inissiaritinneqarallartunik Peqqinnissaqarfiup atuinerani killiffik Aningaasaqarnermut Ataatsimiititaliamit kissaatigineqarpoq.

Akissut:

DIN-ip sulisunut inissiat katillugit 270-it maannakkut atortarpai. Taakku imatut agguataagaapput:

- Sulisunut inissiat 140-t
- Utaqqiisaasumik inissiat 70-it missaanniittut
- Inissiaritinneqarallartut 60-it missaanniittut

Utaqqiisaasumik inissiat sivikitsuinnarnik atorfeqartinneqartunut ineqarnermut akiliuteqartartunut inissiatut isigineqarput.

Utaqqiisaasumik inissiat aalajangersimasumik atorfinitsinneqarlutik sulisunut inissiani inissaqalernissamut utaqqiisaasumik inigitatut isigineqarput.

8.4 Konto pingaarneq 34.11.04 Kalaallit peqqissartut angerlarsimaffiat

Apeqqu:

Peqqissartut kalaaliminertugassaannik pisinissamut ukiumut 0,4 mio. kr.-it immikkoortinneqartut missin-gersuutinut ilanngussami allassimavoq. Unnuinerit amerlassusissaattut naatsorsuutigisat suliassami kisitsisini allassimasut malillugit tamatuma naligaa ukiumut ataasiarluni unnuinermi kr. 20,-it missaat atorneqarsinnaanerata. Aningaasat immikkoortinneqartut naammattut Naalakkersuisunit isumaqarfigi-neqarpat aammalu aaqqissuussinermut tassunga pilersuineq qanoq aaqqissuussivigineqarsimava?

Akissut:

Aningaasat maannakkut pilersuisoqarnissamik ajornartorsiuteqartoqarnera eqqarsaatigalugu naammapp-put. Napparsimasut Angerlarsimaffiata anguniagaraa sapaatip akunneranut kalaaliminernik kissartunik pingasoriarlunisisamariarluni kiisalu kalaallit mamarilluagaannik (panertut) pingasoriarluni-sisamariarluni sassaallertoqartarnissaa. Piffissat ilaanni pilersuisoqartannginnera pissutigalugu tamanna ajornartarsima-voq.

Napparsimasut Angerlarsimaffiata Arctic Green Food suli akiliisinnaajunnaangitsoq qaammammut ataasiarluni kalaaliminernik pilersuisarnissaa isumaqatigiissuteqarfigisimavaa.

AGF'p akiliisinnaajunnaareernerani assut ajornartorsiutaasimavoq, pilersuisussamik allamik nerisassanik uumasut nakorsaannit misissorneqarsimasunik Napparsimasut Angerlarsimaffianut aalajangersimasumik pilersuinissamut isumaqatigiissuteqarfigineqarsinnaasumik nassaarniarneq.

Napparsimasut angerlarsimaffianut kalaaliminernik pilersuinissamut tunngatillugu aaqqiissutissamik nassaarniarluni sulisoqarpoq. Paasissutissiissutigineqarsinnaavoq napparsimasut arlallit namminneq kalaaliminiutuminnik nassinneqartarnerat. Taakku napparsimasut angerlarsimaffianni toqqortaatigineqarnissaanut nerisassiarineqarnissaannullu aaqquissuussisoqarsimavoq.

8.5 Konto pingaarneq 34.11.06 Nappaatinut misileraalluni katsorsaaneq

Apeqqut:

Inuit suliassami kisitsisini taaneqartut nappaatinut qanoq ittunut katsorsarneqarsimanersut paasissutissiisutigineqassasoq ataatsimiititaliamit kissaatigineqarpoq?

Akissut:

Kræftimik nappaatilik ataaseq misileraalluni katsorsaanissamut piumasaqaatinut naapertuuttumik katsorsarneqarsimasooq kisimi ilisimaneqarpoq (allanut tusarniaanermut ataatsimiititaliami katsorsaanissaq akuersissutigineqarpoq).

8.6 Konto pingaarneq 34.12.01 Nunap immikkoortuini pegginnissaqarfii, nakorsanit sullinnegarneq

Apeqqut:

Akissarsianut aningaasartuutit 9,2 mio. kr.-it missaannik amerleriarsimanerannut suna tunuliaqutaanersoq paasissutissiissutigineqassasoq ataatsimiititaliamit kissaatigineqarpoq?

Akissut:

Amerleriarnernannut tunngaviuvoq akissarsianut aningaasartuutit 3 %-inik aaqqiiffigineqarsimanerat. Taakku naatsorsoqqinneqartussaapput immaqalu AIS14-imut allannguutissatut siunnersuusiortoqassalluni.

8.7 Konto pingaarneq 34.12.03 Ataatsimut aningaasartuutit, napparsimasunik angallasserit

Apeqqut:

Napparsimasunik angallassigasuarnerit piffissap ingerlanerani amerliartuinnarsimasut illuatungaatigulli napparsimasut angalanerannut atukkat 2012-imi naatsorsuutinit appararujussuarsimasut suliassami kisitsisini allassimavoq. Napparsimasunik angallassigasuarnermut agguaqatigiissillugu akiusut 2012-imi 161.900 kr.-init 2014-imi aningaasanut inatsisissatut siunnersuummi 116.447 kr.-inut ikileriarsimanerat ataatsimiititaliamit nuannaarutigineqarpoq.

a. Angallasseriaatsinut taakkununnga marlunnut maleruagassat suut atuunnersut paasissutissiissutigineqassasoq ataatsimiititaliamit kissaatigineqarpoq.

Akissut:

Aallaqqaasiullugu Peqqissutsimut Attaveqarnermullu Naalakkersuisoqarfiup erseqqissaassutigissavaa AIS 2014-imi kukkusoqarsimanera. Napparsimasunik angallassigasuarnermut agguaqatigiissillugu akigitinneqartut ikileriarsimanngillat. Suliap aappassaaneerlugu suliarineqarnissaanut allannguutissatut siunnersuusiortoqassaaq.

1. Napparsimasut angalaneri

1.1. Napparsimasup najugaqarfimmi avataani misissorneqarnerani katsorsarneranilu kiffartuussinerit pillugit Namminersornerullutik Oqartussat nalunaarutaat nr. 2, 24. januar 2005-meersoq naapertorlugu napparsimasut angalaneri aningaasaliiffigineqartarput.

2. Napparsimasunik assartuigasuarnerit

2.1. Napparsimasoq annertunerusumik katsorsarniarlugu aallarukkasuarneqanngippat inuunermik annaasaqarnermik iloqianngornermilluunniit kinguneqarsinnaavoq.

2.2. Nakorsap naliliineratigut aallarussigasuartoqartarpoq.

2.3. Aallarussigasuarnit ilaatigut nunat immikkoortuisa iluini, ilaatigut Peqqinnissaqarfiit DIN-illu akornanni, ilaatigut Kalaallit Nunaannit Nunanut allanut pisarput.

2.4. Aallarussigaluarnit pisarput, napparsimasoq najukkamini peqqinnissaqarfiup katsorsaasinnaaneranit annertunerusumik katsorsarneqarnissamik pisariaqartitsigaangat.

2.5. Ilaatigut napparsimasup qanoq innera pissutigalugu imaluunniit nalinginnaasumik angallatigisartakkat ingerlaarnissamut aqutsinerat pissutigalugu taamatut angallassineq nalinginnaasumik angallatigisartakkat atorlugit pisinnaanngippat assartuigasuarmissaq aallartinneqartarpoq.

2.6. Assartuigasuarnerit sapinngisamik aningaasartuutikinnerpaamik naammassineqartarnissaat anguniarneqartarpoq.

Apeqqu:

b. 2012-imi napparsimasut angalanerisa amerlassusiat aammalu 2013-imi 2014-imilu angalanissat naatsorsuutigineqartut amerlassusissaat paasissutissiisutigineqassasoq ataatsimiititaliamit kissaatigineqarpoq.

Akissut:

Kisitsitigut paasissutissat assilineranik pissarsinissaq pillugu angallassisartut oqaloqatigineqarput, soorlu peqqinnissaqarfiit iluini napparsimasut angalanerisa nalunaarsorneqartarnissaannut periusissiorneqassaq eqqumaffigineqartoq.

Napparsimmaveqarfinit angalanerit aningaasartuutit naatsorsorneqartut napparsimmaveqaffimmi pineqartumi nunaqarfimmi billetsip akianik agguarneqartut aallaavigalugit naatsorsorneqarput.

Sineriammit DIN-imut angalanerit amerlassusaat takussutissaq angallassisumit pissarsiaq aallaavigalugu naatsorsorneqarput, takussutissamit takutinneqarput sineriammit DIN-imut angalanerit DIN-imi napparsimasut allaffiant aqutigalugu pisiarigineqartut amerlassusaat.

	Angalanerit	Ilimagisat	Ilimagisat
	2012	2013.	2014
Danmark	3.247	3.300	3.350
DIH	8.314	8.500	8.500
Avannaa	2.552	2.700	2.750
Disko	1.670	1.700	1.700
Qeqqa	950	1.000	1.010
Sermersooq	903	900	900
Kujataa	567	600	600

Apeqqu:

c. Atortunut atukkat AI 2013 sanilliullugu affaanngornerannut suna pissutaanersoq paasissutissiisutigineqassasoq ataatsimiititaliamit kissaatigineqarpoq?

Akissut:

2012-imi Naalackersuisut Inatsisartullu Aningaasaqarnermut Ataatsimiititaliaata akuersissutigaa Qara-
saasiakkut Napparsimasut allattuiffiat (Elektronisk Patientjournal) EPJ pillugu suliniummut atortumik pisi-
nermit 5 mio. kr.-t allatut atorneqassasut. Taamaammat AIS14-imi kontup imai AI13-imut sanilliullugu af-
faannangortinneqarput.

8.8 Konto pingaarneq 34.12.05 Nuna tamakkerlugu nakorsaaserisoqarfik aamma 34.13.01 Peqqinnis- saqarfik, kigutigissaaneq

Apeqqu:

*a. Nassuiaammi "Peqqinnissaqarfik aningaasarsiornermut isaruanik isigalugu 2014", ull. 7. august ataatsi-
miititaliamut nassiunneqartumi, qupperneq 8 naapertorlugu pisariillisaanikkut iluanaarutit anguneqartus-
satut naatsorsuutigineqartut erseqqissarneqarnissaat ataatsimiititaliamit kissaatigineqarpoq.*

Akissut:

Isumannaatsumik Nakorsaatiniq katsorsaaneq

Silatusaarluartumik nakorsaatiniq katsorsaasarnissaq anguniarlugu Peqqinnissaqarfiup nakorsaatit amer-
lassusissamik immikkoortitikkat (=nakorsaatit innersuunneqartut) killilimmik atortarpei. Nakorsaatit in-
nersuussissutitut atuakkami "Kalaallit Nunaanni Nakorsaatit" nassuiarneqarpuq, atuagaq pingaarnerutita-
niq pingaarnerutitaanngitsunillu imaqarpoq.

Taamaammat pingaaruteqarluinnarpoq nakorsaatiniq atuilluarluni katsorsaaneq qulakkeerneqarnissaa
aamma pisiortornissamik isumaqatigiissutit sapinngisamik pitsaanerpaamik aningaasaqarnermut sunni-
uteqarnissaat anguniarlugu nakorsat nakorsaatit amerlassusissamik aalajangersimasumik immikkoorti-
tat malittariaqarpat. Taakku ataatsimoortillugit taaneqartarput isumannaatsumik nakorsaatiniq katsor-
saaneqartut.

Pitsaanerpaamik nakorsaatiniq toqqorsivimmik aqutsineq

Nakorsaatiniq tunngatillugu akisussaasut suliassat, taamalu nakorsaatiniq toqqorsivimmik nakorsaatiniq-
lu pisiortornermut akisussaaffeqarneq nunami sumiiffinni assigiinngitsuni arfineq marluusuni nakorsaasi-
ortunit aamma /imaluunniit nakorsaasersuisartunit isumagineqartarput. Sumiiffinni qulingiluaasuni allani suli-
assaq sulisunit peqqinnissatigit assigiinngitsutitut ilinniagalinnit aamma ingerlatsinissamut piareersaa-
nermik aqutsinermillu misilittagalinnit isumagineqartarpoq, tassanili peqqissaasuunerusut isumaginnittar-
tuupput. Pitsaanerpaamik nakorsaatiniq toqqorsivimmik aqutsinissaq aamma innersuussanik malinninnis-
saq anguneqassappat aalajangersimasumik peqqinnissatigit sulisoqarnissaq aamma aqutsisoqarnissaq
pisariaqartoq siusinnerusukkat takutinneqarpoq. Sumiiffinnut immikkut toqqakkanut siunnersortit pulaar-
neranni (toqqorsivinnik misissuineranni) takuneqarsinnaavoq nakorsaatit 10 %-ii angullugit iginneqartarput
aamma taamak annertutigit pisiarineqartarput.

Suliat taakku marluusut ataatsimut nassataannik pisariillisaanermi 1,7 mio. kr.-t missaannik iluanaaru-
teqartoqarsinnaasoq nalilerneqarpoq. Oqaatigineqassaarli taamatut iluanaaruteqassagaanni nakorsaatiniq
ingerlatsinerup pitsanngorsaaffigineqarnissaa pisariaqarpoq.

Apeqqu:

*b. Aatsitassarsiornermik ingerlatsinermut atatillugu qanoq iliortoqalersaarnersoq paasissutissiissutigine-
neqassasoq ataatsimiititaliamit kissaatigineqarpoq?*

Akissut:

Sulisut nunanit allaneersut katsorsarneqarnerannut pisariaqanngitsumik aningaasartuutaasinnaasut pinn-
gitsoortinniarlugit aamma utertitsinermut atatillugu allaffissorneq annikillisinnaarlugu, sulisut nunanit alla-
neersut tamarmik suminngaanneersuugaluarpatalluunniit peqqinnissatigit ikiorserneqarnerannut, tassun-

ga ilanngullugu angallanneqarnerannut aallarukkasuarneqarnerannullu akiliuteqarnissaq pillugu Peqqis-sutsimut Attaveqarnermullu Naalakkersuisoqarfik aatsitassarsiornissamut akuersissummik pigisaqartunik peqqinnissatigut sullissinissamut isumaqatigiissusiornissamik sulissuteqarpoq. Ullumikkut imartatsinni su-liaqarnissamut akuersissummik pigisaqartut amerlanerit isumaqatigiissuteqarfigineqarsimapput, akerlianik nunap qaavani suliaqarnissamut tunngatillugu isumaqatigiissuteqarniarneq kigaalaarneruvoq.

Apeqqu:

c. Kigutit nakorsaannik sullinneqarnermi sulisoqarniarnikkut qanoq inissisimasoqarpa, matumani eqqer-saatigineqarput aalajangersimasumik atorfillit aamma taartaasartut kiisalu piffissami sivikitsumi atorfeqarti-taasut allat amerlassusiat?

Akissut:

Kigutit nakorsaattut atorfiit aalajangersimasumik atorfeqartunit imaluunniit taartaasartunit inuttaqarput.

Ulloq 15. september 2013 atorfiit 50 %-ii aalajangersimasunik atorfilinnik inuttaqarput, tassa ukiut kingullit marluk ingerlaneranni 12 %-init amerlanerungaalersimapput.

Apeqqu:

d. Aalajangersimasumik sulisorisat imaluunniit taartitit sulisut akomanni suliap taassuma assinganik namminersortutik suliaqartunik imaluunniit aalajangersimasumik sulisorisanik taartitulluunniit sulisorisanik saniatigut namminersortutut suliffiuteqartunik Naalakkersuisut ilisimasaqarpat?

Akissut:

Kigutigissaanerup iluani sulisut arlaannaalluunniit suliffimmik saniatigut namminersortutut suliffiuteqanngil-lat imaluunniit suliamik assinginik namminersortutut suliaqarneq ajorput.

Apeqqu:

e. Konto pingaamerup Peqqinnissaqarfik, kigutigissaaneq, ataani pisortatut atorfinni qassit kigutilerisut pisortaattut atorfeqarpat?

Akissut:

Kigutigissaanerup kigutileriffittut immikkoortortaqarfiit 16-iupput, kigutileriffiillu tamarmik pisortaqarput kigutit nakorsaanerannik.

8.9 Konto pingaarneq 34.14.01 Nunatsinni nakorsaaneqarfik

Apeqqu:

a. Suliassani kisitsisini naammagittaalliutit naammassisat ataanni allassimavoq kalaallit naammagittaal-liutaannik Danmarkimi Sundhedsvæsenets Disciplinærnævnet isumaginninnissaanut inatsisitigut tunng-avissanik ajomartorsiuteqarnera tunngavigalugu suliarinnittarnerit oktobarimi aallartinneqartut. Tamanna itisilerneqassasoq ataatsimiititaliamit kissaatigineqarpoq.

Akissut:

Peqqinnissaqarfiup Napparsimasut Sullinneqarnerat pillugu Naammagittaalliuteqartarfiata atorun-naarsinneqarneratigut aamma Napparsimasut naammagittaalliutaannik isumaginnittartut peqqinnissati-gullu suliaqartut sulianik isumaginninnerannut naammagittaalliutinik isumaginnittartuusut Napparsimasut Maalaarutaannik Aalajangiisartut pilersinneqarnerisigut naammagittaalliutinik suliarinnittarnermut aqqis-suusaaq Danmarkimi allanngortinneqarpoq.

Suliap taassuma ingerlanneqarnerani apeqquserneqarpoq Peqqinnissaqarfiup Napparsimasut Maalaaru-taannik Aalajangiisartui kalaallit inatsisai atuuttut malillugit kalaallit napparsimasut naammagittaalliutaan-nik isumaginninnissaanersut. Taamaammat "Peqqinnissaqarfiup aqunneqarnera, aqqissuusasaanera ki-isalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut

inatsisaata allannngortinneqarneranik Inatsisartut inatsisaata nr. 2, 29. maj 2012-imeersup” kiisalu ”Napparsimasut Maalaarutaannik Aalajangiisartunut maalaaruteqartarneq pillugu Namminersorlutik Oqartussat nalunaarutaata nr. 14, 24. september 2012-imeersup” suliarineqarnerisigut suliaqarfimmut tunngatillugu Kalaallit Nunaanni inatsisit nutarterlugit aallartinneqarput.

Peqqinnissaqarfiup Nappasimasut Maalaarutaannik Aalajangiisartuisa nalilerpaat inatsisip nutaap pia-reerlugu suliarineqannginnerani kalaallit napparsimasut naammagittaalliuutaannik suliaqarsinnaanatik. Tamatuma kinguneranik kalaallit naammagittaalliuutaat piffissami 1. januar 2011-mit 1. oktober 2012-imut aalajangiiffigineqanngillat.

Nunatsinni Nakorsaaneqarfiup napparsimasut naammagittaalliuutaannik suliaqarnini ingerlatiinnarpaa, suliali Nappasimasut Maalaarutaannik Aalajangiisartuni aalajangiiffigineqarsinnaanngimmata 1. oktober 2012-imi Peqqinnissaqarfiup Nappasimasut Maalaarutaannik Aalajangiisartui suliaqarsinnaqarput, taakku maanna nammassiniarlugit sulisoqaleruttorpoq. Taamaammat 2012-imi 2013-imilu suliat naammassineqartut amerlassusaat nalinginnaasumik ukiumut naammassisartakkanit allaanerussapput.

Apeqqu:

b. Naammagittaalliutit qanoq ittut nunatsinni nakorsaaneqarfimmi suliarineqartarnersut aammalu naammagittaalliutit suliaqarsinnaqarput tiguneqartut tamarmik nunatsinni nakorsaaneqarfimmi aallartinneqarlutillu naammassineqartarnersut paasissutissiissutigineqassasoq ataatsimiititaliamit kissaatigineqarpoq?

Akissut:

Peqqissutsimut tunngatillugu suliat, sulisunit immikkut ittumik inatsisitigut akuerisaasunit kiisalu peqqinnisatigut sulisunit akuersissuteqanngitsunit isumagineqartut pillugit naammagittaalliutit Nunatsinni Nakorsaaneqarfiup isumagisarpari.

Nunatsinni Nakorsaaneqarfik sulianut tunngatillugu aalajangiineq ajorpoq, suliali erseqqissaaffigisarpari aalajangiussassanillu inassuteqaateqartarluni. Kalaallit Nunaanni pissutsit aallaavigalugit aalajangiisartarnissaata qulakkeerneqarnissaa siunertarlugu Nunatsinni Nakorsaaneqarfiup missingiut aalajangiisartunut aalajangiiffigisassanngorlugu tusarniaassutigereeraagagu Peqqinnissaqarfiup Nappasimasut Maalaarutaannik Aalajangiisartui aalajangiisarput. Nunatsinni Nakorsaaneqarfiup qulakkiissavaa naammagittaalliutit, aalajangiinerit kiisalu suliami pingaarutilittutu uppernarsaatit allat nutserneqarnissaat. Tarnikkut Nappaatillit Maalaarutaannik Aalajangiisartut allattoqarfiannik ingerlatsineq Nunatsinni Nakorsaaneqarfiup ulloq 1. juli 2013 isumagisarilerpaa.

Apeqqu:

c. Naammagittaalliutit qanoq ittut suliarinissaat nunatsinni nakorsaaneqarfimmit itigartitsissutigineqartarnersut paasissutissiissutigineqassasoq ataatsimiititaliamit kissaatigineqarpoq.

Akissut:

Nunatsinni Nakorsaaneqarfiup peqqissutsimut tunngatillugu suliat naammagittaalliutigineqartut itigartinneq ajorpari, aatsaat itigartittarpai ukiunik marlunnik pisoqalisoornissamut piffissarititaq atuuttoq malineqanngikkaagat, tassa naammagittaalliortup pissutsit naammagittaalliutigisani ilisimallugit imaluunniit ilisimasariaqakkani piffissaq eqqorlugu naammagittaalliutigisimanngippagit. Pisimasulli naammagittaalliutiginiakkap kingorna kingusinnerpaamik ukiut tallimat qaangiunneranni naammagittaalliutit tunniunneqassaaq.

Sullinneqarneq pillugu naammagittaalliutit Peqqissutsimut Pitsaaliuinernullu Aqutsisoqarfimmut tunniunneqassapput taarsiiffigitinnissamullu suliaqarsinnaqarput Peqqissutsimut Attaveqarnernullu Naalakkersuisoqarfimmut tunniunneqassallutik.

Apeqqu:

d. Tuberkulose pillugu suliniuteqarnerup kingunerisaanik konto pingaarmeni matumani aningaasaliissutit 1,1 mio. kr.-inik amerlineqartut missingersuutitut ilanngussami allassimavoq. Tuberkulosemut tunngatill-

lugu suliniarnermut aningaasanik amerlanerusunik aningaasaateqarfinit namminersortunit pissarsisoqarsinnaanersoq misissussallugu Naalakkersuisut isumaliutigisimavaat?

Akissut:

Naalakkersuisut isumaat nalinginnaasoq tassaavoq, nappaatip suussusersiniarneranut, katsorsaanermut, attaveqarfigisimasani ujarlernermit kiisalu nalinginnaasumik paasissutissiisarnermut tunngatillugit tuberkulosemut atatillug suliaqarnerit aningaasanut inatsit aqutugalugu aningaasalersorneqassasut, suliniutinullu aalajangersimasunut atatillugu aningaasaateqarfinit aningaasaliissuteqartoqarsinnaaneq ammaffigineqarpoq.

Nunatsinni Nakorsaaneqarfiup, Inerisaaviup aamma Sex og Samfundip akornanni suleqatigiinnissaq aallartinneqarpoq, tassani aallaqqaammut tuberkulose sammineqassaaq, kingusinnerusukkulli atoqatigiittarnermut, kinguaassiuutitigut nappaateqalartarnermut, qinngasaarisarnermut, imminortarnermut il.il. tunngassutillit ilanngullugit sammisaq annertusineqarsinnaavoq. Suliniut aningaasaateqarfiit aningaasaa taannik taamaallaat aningaasalersorneqarnissaa eqqarsaatigineqarpoq.

8.10 Konto pingaarneq 34.15.01 Inuuneritta

Apeqqut:

Programmikkut suliniuteqarfiit qitiutillugulu sammisatut taaneqartut, taakkununga minnerunngitsumik imigassamik hashimillu atornerluinermit tunngasut, ataatsimiititaliamit ima imaannaanngitsigisutut isigineqarput aningaasat siunertamut immikkoortinneqartut siunertanut allanut sanilliullutik ikippallaarsorinarlutik.

Akissut:

Konto pingaarnermut 34.15.01-imut katillugit 6.068 mio. kr.-t immikkoortinneqarput, taakkua Inuuneritta II-mik qitiutillugillu suliaqarnermut tapertaassapput:

- Aalakoornartoq hashilu
- Pujortartarneq
- Nerisat
- Timerput atorlugu
- Nunap immikkoortuini inuunerinnerulernissamut ornittakkat, konto 34.12.0-imut 0,9 mio. kr.-t 2014-imi immikkoortinneqarput

Inuunerittap sammisaanut tunngatillugu suliasat ukiumut sammisassat atuutsinneqalernerat aqutugalugu siunertamut nalimmassarneqassapput. 2014-imi pujortartarneq qitiutinneqassaaq. 2015-imi timimik atuisarneq 2016-imilu nerisassanut tunngassuteqartut. Imigassamik hashimillu atornerluineq suliniummi pingaarnertut sammisaavoq, sammisallu taassuma iluani suliniutissat sammisassanut piffissaliussap 2013 – 2019-ip tamarmiusup ingerlanerani isumagineqassallutik.

Inuuneritta II-p iluani pitsaaliuilluni suliaqarnermut aningaasat immikkoortinneqartut aaqjissuussinermit tassunga naleqqupput, taamaammat imigassamut hashimillu tunngatillugu suliaqarfimmi pitsaaliuilluni suliniutinut ukiumoortumik 1,3 mio. kr.-t immikkoortinneqartarput. Suliaqarfinnut allanut tunngatillugu ukiuni suliaqarfiusuni 1 mio. kr.-t immikkoortinneqartassapput ukiunilu allani minnerusut immikkoortinneqartassallutik.

Suliniutit taakkulu sunniutai malinnaaffigiumallugit pingaaruteqarpoq nakkutilliilluarnissaq, tassungalu atu-gassatut innuttaasunik misissuinissamut, ukiut sisamakuutaarlugit ingerlanneqartussamut aningaasat immikkoortinneqarput – tulliani misissuisoqassaaq 2014-imi.

Inuunerittap qitiutillugit suliaqarfiisa atuutsinneqalernissaat qulakkeerniarlugu aamma pingaaruteqarpoq kommunit peqatigalugit innuttaasut peqqissuunissaannut suleqatigiinnissaq. Ukiut tamaasa kommu-

nimi pitsaaliuinnermut siunnersortit Nuummi Nuna tamakkerlugu ataatsimiinnissamut aggersarneqartarput, tassani sammineqartarput ilisimasaniq paarlaasseqatigiinneq, piginnaanngorsaaqqinneq aamma Inuunerittap iluani pitsaaliuilluni suliaqarnermik ataqatigiissaarineq.

Inuuneritta II-mut aningaasatigut atugassarititaasut iluini aningaasanik agguaassinermi innuttaasut peqqis-suunissaannut tunngatillugu unammilligassat eqqarsaatigineqarput, aamma imigassamut hashimullu tunnga-tillugu.

8.11 Konto pingaarneq 35.01.04 Sanaartornermut oqartussaaneq - angallanneq

Apeqqut:

N 2012-imi akissarsianut aningaasartuutini isertitaqarsimaneq qanoq paasineqassava?

Akissut:

Tassani kukkusoqarsimavoq. 2012-imi kontumi tassani isertitaqartoqarsimangilaq – kukkuneq AI2014-ip aappasaanik suliarineqarnerani iluarsineqassaaq.

8.12 Konto pingaarneq 35.01.08 Imarsiornermi isumannaallisaaneq

Apeqqut:

N 2012-imi isertitat suuppat?

Akissut:

Isertitat aningaasanik tapersiisartunit pissarsiaapput, taakku Piniarneq pillugu ilinniartitsissutip suliarineqarneranut atatillugu pissarsiarineqarput, ilinniartitsissut 2012-mi ukiakkut 5. aamma 6. klassinut tamanut agguaanneqarput.

8.13 Konto pingaarneq 35.01.10 Usinik assartuineq

Apeqqut:

Royal Arctic Line A/S-ip nalunaarusiaa kingulleq nassiunneqassasoq kissaatigineqarpoq.

Akissut:

Royal Arctic Line eqqaasinnearpoq ukiumoortumik nalunaarusip nassiunneqarnissaanut pisussaanera pillugu, nalunaarusiaq pissarsiarineqariapat Aningaasaqarnermut Ataatsimiititaliamut nassiunneqassaaq.

8.14 Konto pingaarneq 35.02.02 Umiarsualivinnik aserfallatsaaliuineq

Apeqqut:

Aserfallatsaaliuinikkut kinguaattoorutit 2012-imi 97,0 mio. kr.-it sinnilaarlugit amerlassuseqartut 2013-imi aningaasanut inatsisissatut siunnersuummut tunngatillugu Naalackersuisut paasissutissiissutigaa. Tamamani killiffiup paasissutissiissutigineqarnissaa ataatsimiititaliamit kissaatigineqarpoq?

Akissut:

Maannakkorpiaq aserfallatsaaliuinikkut kinguaattorutit taamatut iinnangajapput. Naalackersuisut umiarsualivinnut tunngatillugu immikkoortukkaartumik pilersaarut aallartippaat, taanna 2014-imi upernaap ingerlanerani naammassissagatinnearpoq. Immikkoortukkaartumik pilersaarusionermut atatillugu umiarsualivippassuit aserfallatsaaliuineqarsimanginnerannik ajornartorsiut ilanngullugu suliarineqassaaq.

8.15 Konto pingaarneq 35.04.02 Mittarfeqarfiit

Apeqqu:

a. Tartertaaq 7-imi "sipaartissat taaneqartut" itisileqqullugit Naalackersuisut qinnuigineqarput.

Akissut:

"Sipaartissatut" taaneqartunut taarsiullugu allassimasariaqarpoq "ingerlatsineri isertitaqarnerulerneq – taakkulu oqaaseqaatigiit sinnerini nassuiarneqarput. Tamanna AI2014-ip aappassaaneerlugu suliarineqarnerani iluarsineqassaaq.

Apeqqu:

b. Mittarfeqarfiit pingaarnertut ingerlataqarfiinik malinnaatitsineq tunaartalersuinerlu sumut killippa?

Akissut:

Naalackersuisut Mittarfeqarfiit siunissaannut tunngassuteqartut suliaralugit aallartippaat – tassunga ilanngullugu pingaarnertut suliasat kiffartuussinissallu nalilersorneqarnerat tunaartalersorneqarnerallu. Ajornartorsiutit iluarsineqartussat erseqqissaaffigineqarnissaat siunertaralugu ataatsimiinnissat arlallit 2013-imi ukiakkut ingerlanneqassapput. Anguniagaavoq 2014-imi qaammatit pingasut siulliit ingerlanerini Mittarfeqarfiit siunissami suliasaannut inaarutaasumik pilersaarusiortoqarnissaa.

Apeqqu:

c. 2012-imi aamma 2013-imi suliasami kisitsisit AI2013-imut aamma AIS2014-imut naapertuutinngillat.

Akissut:

Kisitsisit 2012-imi kisitsisit naapertorlugit iluarsisaapput, tamannalu naapertorlugu siunissamut iluarsi-saallutik.

9. Suliasaqarfik 40 Ilinniartitaanermut, Ilageeqarnermut, Kultureqarnermut Naligiissitaanermullu Naalackersuisoq

9.1 Konto pingaarneq 40.01.08 Ilinniartitaanermi immikkoortunut pilersaarut kiisalu ilinniartitaanerup immikkut ittumik suliniuteqarfigineqarnera.

Apeqqu:

a. Suliniuteqarneq qanoq sivisutigisumik "immikkut ittuusariaqartutut" Naalackersuisunit isigineqarpa?

Akissut:

Ilinniartitaanermut immikkoortumik tapiissutinut tunngatillugu suleqatigiinnissamik isumaqatigiissummut atatillugu aningaasat 200 mio. kr.-t missaanniittut EU-mit ukiumut tigusartagaritillugit suliniut immikkut ittutut oqaatigineqartuartaqartoq Naalackersuisut isumaqarput. Tamatuma ersersippaa, suliniut suleqatigiinnissamik isumaqatigiissummit "immikkut ittumik" aningaasaliiffigineqartartoq.

Apeqqu:

b. Suliasaqarfinni tallimani anguniakkat anguniarneranni killiffik kiisalu aningaasat pitsaasumik kinguneqarsimanersut paasisutissiisutigineqassasut kissaatigineqarpoq.

Akissut:

"Ilinniartitaanermut pilersaarut 2012-ip nalunaarusioneqarnera" 2012-imi Ukiakkut ataatsimiinnermi Inatsisartunut saqqummiunneqartoq qulaani apeqqummut akissutitut innersuussutigineqarpoq.

9.2 Konto pingaarneq 40.02.01 Ilinniagaqarnersiuteqartitsivik, aqutsineq aamma Ilinniartut Ineqarfiisa Alaffeqarfiat

Apeqqu:

a. Nuummi ilinniartunut inissianik amigaateqarnerup nassatarisaanik maleruagassanik allanngortitsisoqarmat kommuneqarfik Sermersooq peqatigalugu ataqatigiissaarinerunissaq pisariaqalersimasoq aammalu tamanna pillugu oqaloqatigiinneq aallartinneqarsimasoq 2013-imi aningaasanut inatsisissatut siunnersuummut atatillugu Naalakkersuisut Aningaasaqarnermut Ataatsimiititaliamut allapput. Taama oqaloqatigiinneq sumut killinnersoq aammalu Nuummi ilinniartut inaannik amigaateqarnermik ajornartorsiutip iluarsineqarnissaanut kommunimik oqaloqateqarneq peqataaqataasinnaanersoq paasisutissiisutigineqassasoq ataatsimiititaliamit kissaatigineqarpoq?

Akissut:

Naalakkersuisut Ilinniartut ineqarfii pillugit Namminersornerullutik Oqartussat nalunaarutaat nr. 18, 1. November 2007-imeersoq nutarterlugu aallartilaarput. Nutarterineq taanna 2013-imi ukiakkut ingerlanneqassaaq 2014-imilu qaammatit pingasut siullit ingerlaneranni naammassineqarnissaa naatsorsuutigineqarluni. Nalunaarutip nutarterneqarneranut atatillugu ilinniartut ineqarfiinik tunniussinissamut aalajangersakkat Kalaallit Nunaanni ilinniartut ineqarfiinik aqutsisut tamaasa peqatigalugit oqaloqatigiissutigineqassapput, eqqarsaataavoq 2014-imi januaarip qaammataani ilinniartut ineqarfiini inspektørit katersuutsinneqarnissaat.

Tamatumunnga ilutigitillugu Naalakkersuisut erseqqissaatigissavaat, assersuutigalugu Qeqqata Kommuniata nammineq innuttaminut ilinniartut ineqarfissaanik sanaartornissaq pingaarnerutissimammagu, taamaammat naatsorsuutigineqarpoq Sermersuup Kommuniata pisussaaffik tamanna aamma nammassinnaassagaa, tassa kommuni suliassamik salliutitsinissaminut aalajangiissappat.

Apeqqu:

b. Missingersuutitut ilanngussap kalaallisuaa danskisuuvalu assiginngissuteqarmata ataatsimiititaliamit aamma maluginiaqquneqarpoq. Danskisuuani titarnertaat sisamaanni allassimavoq ilinniartut inissaqarnissaat siunertaralugu ingerlatsisoqartoq, tassalu kalaallisuuaniisut "ilinniartunut ilaqqattanullu" allaqqanngilaq.

Akissut:

Assiginngissutit allannguutissatut siunnersuutip aappassaaneerlugu suliarineqarnerani aaqqinneqassapput.

9.3 Konto pingaarneq 40.02.03 Aningaaserivinnit taarsigassarsiaritit

Apeqqu:

Missingersuutit taama malunnaateqartigisumik qaffariarnerat sumik pissuteqarnerisooq paasisutissiisutigineqassasoq ataatsimiititaliamit kissaatigineqarpoq?

Akissut:

Qaffariarnerannut pissutaavoq 2012-imut naatsorsuutit tunngavigalugit naligata inatsisinut pituttorsimasut iluarsineqarnera. Taamaammat qaffariaat kontup inatsimmut pituttorsimasup atorneqarnerulernerata kingu-neraa.

9.4 Konto pingaarneq 40.02.06 Ilinniarnermi tapiissutit meeqqanullu tapit

Apeqqu:

Suliassami kisitsisit appariarnerat sooq missingersuutit qaffariarnerannik nassataqarnerisooq paasisutissiisutigineqassasoq ataatsimiititaliamit kissaatigineqarpoq?

Akissut:

Naalackersuisut paasivaat AIS2014-imi AI2013-mut tunngatillugu suliassami kisitsisit kukkuneqarsimasut. AI2013-imi takuneqarsinnaasutut ukuupput.

Ukiumut atuartut amerlassusaat:	2.951
1. oktoberimi ilinniagaqartut amerlassusaat:	3.722
Ukioq naallugu meeqqanut tapiissutisisut amerlassusaat:	1.460

Taamaammat Naalackersuisut suliassami kisitsisit iluarsiniarlugit allannguutissatut siunnersuummik saqqummiussiniarput. Tamanut paasissutissiissutigineqarsinnaavoq, oqaluttuarisaanermi ineriartorneq tunngavigalugu naatsorsuutigineqartoq Kalaallit Nunaanni ilinniagaqartut 2013-imit 2014-imut 5 %-it missaannik amerliariarnissaat. Tamanna aningaasaliissuteqarnermi takuneqarsinnaavoq, aamma suliassami kisitsisini allanngortinneqarsimasuni takuneqarsinnaassaaq.

9.5 Konto pingaarneq 40.10.11 Ado Lyngep Atuarfia

Apeqqut:

Atuarfiup inissaatai tamakkiisumik atorneqarnermut aammalu utaqqisunut allattuiffeqalernissaq pisariaqal-ersimanersoq paasissutissiissutigineqassasoq ataatsimiititaliamit kissaatigineqarpoq?

Akissut:

Aap, Ado Lyngep Atuarfiata inissaatai ukiut tamaasa tamakkiisumik atorneqartarput. Ukioq manna atuarfiusumi atuartoq ataaseq utaqqisunut allattorsimaffimmi allassimavoq.

9.6 Konto pingaarneq 40.10.15 Atuarfimmi nerisaqartitsineq

Apeqqut:

a. Aaqqissuussineq siunertani naapertorlugu ingerlanersoq paasissutissiissutigineqassasoq ataatsimiititaliamit kissaatigineqarpoq?

Akissut:

Qaasuitsup kommunia kisimi pinnani kommunit tamarmik ukiumi atuarfiusumi 2012/2013-imi atuarfimmi nerisaqartitsinissamut tapiissutinik qinnuteqarput. Qaasuitsup kommuniata tamatumunnga tunngavigaa atuarfimmi nerisaqarnissaq angajoqqaat akisussaaffigigaat. Namminersorlutik Oqartussat ukiumut atuarfiusumut 2013/2014-imut tapiissutinik qinnuteqaatinik kommuninit marlunnit tigusaqarput. Naalackersuisut nalilerpaat, kommunit akimorlugit atuarfimmi nerisaqartitsinerik aaqqissuussinerit assigiiartut pilersinniarnemat assut ajornakusoortoq, ilaatigut ulluinnarni pisiarisartakkat akiisa assigiinngissuteqarnerat, pilersuinissamut periarfissat, igaffimmi atortut kiisalu kommunini sulisarnerit assigiinngissuteqarnerit il.il. pissutigalugit. Taamaammat Naalackersuisut isumaqarput atuarfimmi nerisaqartitsinermik aaqqissuussaq pitsaanerpaamik ingerlanngilaq, kommunillu oqaloqatigeqqinneqassapput meeqqat atuarfiani atuartunut amerlanernut iluaqutaasumik aaqqissuussap qanoq pitsanngorsaaffigineqarsinnaanera pillugu.

Apeqqut:

b. Atuarfiit qassit aaqqissuussinermik atuinernik takutitsisunik aammalu atuartut qassit aaqqissuussinermi ilaatinneqarnerannik takutitsisunik missingersuutitut ilanngussami suliassami kisitsisit suliarineqarnissaat ataatsimiititaliamit kissaatigineqarpoq.

Akissut:

2012/2013-imi atuarfimmi nerisaqartitsineq			
Kommuni Kujalleq			
Skole	Ilinniartut amerlassusaat		
Nanortalik	240	Sermersooq	
Narsaq:	240	Nuuk byskoler	2001
Qaqortoq	441	Qeqertarsuaatsiaaq	13
Narsarmiit	0	Kapisillit	4
Tasiusaq	12	Tasiilaq	449
Aappilattoq	18	Kulusuk	50
Alluitsup Paa	36	Kuummiut	72
Qassiarsuk	12	Sermiligaaq	33
Narsarsuaq	16	Tiniteqilaaq	21
Narsaq Kujalleq	8	Isortoq	14
Ammassivik	8	Paamiut	264
Katillugit	1031	Arsuk	20
		Ittoqqortoormiit	86
Qeqqata Kommunia		Katillugit	3027
Sisimiut:	900		
Maniitsoq	500		
Katillugit	1400		
		Qaasuitsoq	
		Kullorsuaq	108
		Katillugit	108
		Atuartut katillugit	5566

9.7 Konto pingaarneq 40.12.34 Ilinniarnertuunngorniarfiit

Apeqqut:

a. Suliassami kisitsisini allanguutit taakkulu akornanni ataqatigiinnerit paasiuminartunngorlugit nas-suiarneqarnissaat ataatsimiititaliamit kissaatigineqarpoq. Atuartitsissutit amerlassusiisa annertuumik ikile-riaateqarnerat assersuutigalugu aningaasaliissutit taamatut ikileriarnerannik malitseqartinneqanngitsoq ataatsimiititaliamit maluginiarneqarpoq.

Akissut:

Ilinniarnertuunngorniartarneq pillugu Inatsisartut inatsisaat nr. 13, 22. november 2011-meersaq naaper-torlugu Ilinniarnertuunngorniarnernik nutarsaanerup akuersissutigineqarnerata nassataanik ilinniarnertuun-gorniarnerni nutaamik piffissaq suliffiususaaq pillugu isumaqatigiissuteqartoqarpoq, taanna Naalak-kersuisut aamma De Samforhandlende Akademikerorganisationerit, DM-ip aamma danskit tarnikkut ilisi-masallit peqatigiiffiata akornanni Namminersorlutik Oqartussani aamma Kalaallit Nunaanni kommunini sulisunut tunngatillugu ulloq 14. februar 2013 isumaqatigiissutaannut ilanngusaaq nr. 3-mi takuneqarsin-naavoq. Piffissaq suliffiususaaq pillugu isumaqatigiissummi tassani Ilinniarnertuunngorniarfiit ukiumut 1784 tiimit 60 minutsikkaarlugit ilinniartitsisarnissaat aallaavigalugu ilinniartitsisut tiimissaat naatsorsorta-lerpaat. Siusinnerusukkut isumaqatigiissummi tunngaviuvoq ukiumut sapaatit akunnerini 40-ni sapaatip akunneranut 22 tiimit 45 minutsikkaarlugit ilinniartitsisarnissaq. Taamaalilluni nalunaaquttap akunneri atu-

arfiusussat amerlassusissaannik naatsorsuinikkut allannguisoqarpoq, tassa 45 minutsini atuartitsisarunnaarluni 60 minutsini atuartitsisalernissat amerlassusaat takutinneqarpoq, taamaamat siusinneruskkut tiimerineqartartunut sanilliullugu nalunaaquttap akunneri atuarfiusussat ikileriarsimasutut isikkoqarput, atuartunullu tunniunneqartartut allannguuteqanngillat. AIS2014-ip aappassaaneerlugu suliarineqarnissaanut konto pingaarnermut matumunnga tunngatillugu missingersuutinut ilanngussamut allannguutissatut siunnersuummik saqqummiussinermi tamanna pillugu allakkiamik Naalackersuisut saqqummiussissapput.

Ilinniarnertuunngorniarnernik nutarsaanerup nassataanik ilinniartitaanerup ilusiligaanera allanngortinneqarpoq, tassa ilinniartut semesteri siulleg naammassigaangamikku ilinniakkap sammivissaa toqqartalisavaat. Tamatuma kingunerisinnaavaa, atuarfinni ataasiakkaani ilinniagassatut toqqagassat ataatsimut isigalugit ikileriarnerat, taamaalisooqarpat atuartut ataasiakkaat nalunaaquttap akunneri atuarfissaat ikileriannikkaluartut atuarfimmi nalunaaquttap akunneri atuarfiusussat ikileriarsinnaapput. Nutaamittaaq ilusilersuinerup nassataanik klassit ukiuni marlunni pingasunilu pisarnertut atuarfiit ataatsimut kateqqissinnaanngilaat, tassa ilinniakkap sammivissaanni ataasiakkaani imarisassat ilinniakkatigullu piginnaasassat annikillissagamik. Tamatuma nassatarisinnaavaa klassit amerlassusaa amerleriarnerat imaluunniit taamaaginnarnerat, agguaqatigiissilluguli atuaqatigiit amerlassusaat ikileriassapput, tamanna 2014-imi atuarfinni marluusuni taamaassasoq naatsorsuutigineqarpoq.

Aamma nutarsaanerup nassataaraa sammisaqarnerulerneq, assersuutigalugu ilinniartunut ilitsersuisarnermik suliaqarfimmi, ilinniartu ineqarfiini ikorsiisarnermi, takku ilutigalugit klassinut tamanut ilinniartitsisut suleqatigiittarnerannik aqqissuussaq atuutsinneqalerpoq. Tamatuma nassataanik suliaqarnerusoqalerpoq, taakku ilinniartitsinerunngillat ilinniartitsinermulli attuumassuteqalutik. GU-Aasiaannut tunngatillugu, atuartut 90 %-iisa missaanniittut ilinniartut ineqarfiini najugaqarfiusumi nalunaaquttap akunneri atuarfiusussat avataatigut sammisaqarnerusoqalerpoq. Sammisaqarnerulerneq taanna GU-Nuummit annertunruvoq, tassani atuartut 20 %-iisa missaanniittut ilinniartut ineqarfiini najugaqarput. Taamaalilluni atuartut ilinniartut ineqarfiini najugaqartut amerlassusaat ukiumut atuartumut agguaqatigiissillugu aningaasartuuteqartarnermut tapertaapput.

Apeqqut:

b. Sooq taamarsuaq atuartitsisutit ikileriaateqartigisimaqaat?

Akissut:

Naalackersuisut ilinniartitaanernik missingersuutinillu ingerlaavartumik nakkutillisarnerisa saniatigut qaammatit pingasukkuutaarlugit Ilinniarnertuunngorniarniit peqatigalugit immikkut ittumik aningaasaqarneq ataatsimiissutigineqartarpoq, tassani atunerit oqimaaqqatigiissitsisarnerillu sammineqartarput. Aammaat-aaq qaammatikkaartumik rektorit ataatsimeeqatigineqartarput, tassani ilinniartitaanerit imai ineriartortinneqarnerilu sammineqartarlutik. Naalackersuisut nutarsaanermut nutaamillu piffissaq suliffiususaaq pillugu isumaqatigiissuteqarnermut atatillugu Ilinniarnertuunngorniarniit iluini aqutsinermi atortup, Lectio, pitsanngorsaaffigineqarnissaa suliaaraat, tassa qulakkeerniarlugu atuarfiit assersuutigalugu tiiminik, ilinniagassanik atuartunillu nalunaarsuisarnerminni assigiimmik atortumik tamakkiisumik atuisinnaanissaat. Atuarfiit taamaalillutik siusinnerusumut sanilliullugu namminneerlutik nalilersuisinnaalissapput aamma naalackersuisoqarfik ilinniartitsisut, ilinniagassat atuartullu ataasiakkaanut tunngatillugit tiimissanik, suliaassanik, angusanik imarisaasunillu nakkutillisinnaalissapput. Lectio 2014-ip naanerani tamakkiisumik atorneqaler-nissaa naatsorsuutigineqarpoq.

Atuarfiit Naalackersuisut suleqatigalugit nutarsaanermi suliniutit taakkulu atuutsinniarneqarnerat ingerlaavartumik nalilersortarpaat. 2013-ip ukiaani atuutsitsiniarnerup suliamut attuumassuteqanngitsumit nalilersoqqinneqarnissaa naatsorsuutigineqarpoq, atuarfimmi nutarsaalluni suliat ataasiakkaat erseqqissarneqarnerannut atatillugu atuarfiit ataasiakkaat atortussaannik pilersitsisusaaq.

9.8 Konto pingaarneq 40.90.02 Kalaallit illuinut tapiissutit

Apeqqu:

Ilinniartunut inissat attartugassanngorlugit pilersinneqassasut missingersuutitut ilanngussami titarnertaami kingullermi allassimavoq. Tamatuma itisilerneqarnissaa ataatsimiititaliamit kissaatigineqarpoq.

Akissut:

Ilinniartunut inissat attartugassanngorlugit pilersinneqassasut missingersuutitut ilanngussami titarnertaami kingullermi allassimavoq. Tamatuma itisilerneqarnissaa ataatsimiititaliamit kissaatigineqarpoq.

DGH-Københavnip Naalakkaersuisoqarfik ilisimatippaa, ilinniartunut inissat, Inatsisartut aningaasaliissutiniq qaffaassappata, ilinniartunit attartorneqarsinnaasunik angisuumik ilinniartunut inissiaqarfilliornissaq, Danmarkimi ilinniartoqarfiit assigiinngitsut namminneq ilinniartuutiminnut aamma attartortissinnaasaannik. Akigititassanik aalajangersaanissaq il.il. eqqarsaatigalugu ilinniartunut inissat pillugit suliaqarfimmut dan-skit maleruaqqusaat malillugit attartortitsisoqassaaq.

9.9 Konto pingaarneq 40.90.03 Namminersorlutik Oqartussat iluutaannik aserfallatsaaliineq

Apeqqu:

Aningaasaliissutit malunnaatilimmik sulii amerliartortut suliaassalersut naapertorlugit pingaarnersuilluni tulleriiaarinnermut taamaallaat takussutissaappat?

Akissut:

Amerliartornerannut takussutissaavoq, Ilageeqarnermut, Kultureqarnermut Naligiissitaanermullu suliaqarfimmi aserfallatsaaliuinnissamut aningaasaliissutit 4,73 mio. kr.-t kontumut ilanngunneqarsimanerat kiisalu nalinginnaasumik akinik akissarsianillu siumut naatsorsuisimaneq.

9.10 Konto pingaarneq 40.90.13 Tarnikkut inooqatigiinnikkullu nuna tamakkerlugu ilinniartunik siunnersuisarfik

Apeqqu:

a. Ilinniamerni naammassinnittartut procentiisa annertusineqarnissaat aammalu atonerlugaasimasutut sammineqartut pitsaanerpaamik inuuneqalemisssaat kiisalu atonerluisarnerit ingerlateqqinneqarnissaasa pinaveersaartinneqarnissaat siunnersuisarfiup siunertarigaa missingersuutitut ilanngussami allassimavoq.

a 1). Siunnersuisarfiup siunertaata ataani pineqartutut taaneqartunut sanilliullugu tamanna pineqartut ikilinqarnerattut ataatsimiititaliamit paasineqarsinnaavoq, tamannalu ataatsimiititaliap isuma malillugu naapertuutinnigilaq. Tamanna ataatsimiititaliamut paasinarsiseqqullug Naalakkersuisut qinnuigineqarput.

Akissut:

Pineqartut ikilinqarnissaat siunertaanngilaq. Naalakkersuisunit naatsorsuutigineqarpoq Piareersarfiit sullinniagaat pillugit suliniuteqarnerup nassataanik ilinniagaqalerusullutik qinnuteqartut amerlanerulissasut. Ilutigalugu naatsorsuutigineqarpoq sullinniakkat taakku pillugit suliniuteqarnerup nassataanik ilinniarnermi naammassinnittartut procentii qaffariassasut. Naalakkersuisut taamaalillutik innuttaasut Piareersarfinniittut ilinniagaqartussatut ilippanaatilittut isigivaat. Taakku saniatigut sullinniakkat tamarmik qanoq tunuliaqutaqarnerat aaliartorsianerallu apeqqutaatinnagu siunnersorneqarnissamik peqqissarneqarnissamillu pisariaqartitsippat.

Apeqqu:

a 2). Tamakku sunniuteqarnerannik uuttortaaneq qanoq ingerlanneqassanersoq Naalakkersuisunit isumaliutigineqarsimava?

Akissut:

Nuna tamakkerlugu siunnersuisarfiup suliassaraa innuttaasut peqqissarneqartut atualernissamut tiguneqarnissaasa atuarnermillu unitsitsiinnartartut nakkutigineqarnissaat. Suliniutip sunniutaanik uuttortaanis-saq siunertaralugu nakkutiginninnerit taakku unitsitsiinnartartunut atualernissamullu tiguneqartunut tunngatillugu paasissutissanut ataatsimoortinneqassapput. Tamatuma saniatigut piffissaq ungasinnerusoq isigalugu sunniutaasussat arlaqarput (atornerluinerup ilisarnaataasa meeqqatsinnut kingornutsinneqannginnissaat), taakku piffissaq ungasinnerusoq isigalugu taamaallaat nakkutigineqarsinnaapput.

Apeqqut:

b. Ilinniarnermik naammassinninniarnermik ajornartorsiutit, atornerluinermik qimatsinissamut periarfissat aammalu atornerluinermik nangitsisarneq inuuniarnikkut ilaqutariinnermullu pissutsinut attuumassuteqartut naatsorsuutigineqartariaqarpoq. Ajornartorsiutit taakku qanoq annertutiginerat Naalackersuisunit ilisimasaqarfineqarparpa aammalu ajornartorsiutit taakku annertussusiat ilanngullugu isiginiarneqarparpa?

Akissut:

Tarnip pissusaanik ilisimasalimmik oqaloqateqartarnissamik misiliilluni aaqqissuussinerup takutippaa, pingaartumik inuusuttut inuunerminni annertuumik allanngortoqaraagat peqqissarnissamut amerlasuutigut tunngavissaqartoqalertartoq. ilinniagaqarnissamut atatillugu angerlarsimaffimmi nuuttoqarnerani tamanna misilittagarineqarpoq. Taamaammat siunnersuinissap peqqissaanissallu atuutsinneqarnissaanut tamanna periarfissaavoq.

9.11 Konto pingarneq 40.90.14 Naligiissitaanissamut Siunnersuisoqatigiit

Apeqqut:

Ukiumoortumik nalunaarutip kingulliup nassiunneqarnissaa ataatsimiititaliamit kissaatigineqarpoq.

Akissut:

Ukiumoortumik nalunaarusiaq akissummut ilanngunneqarpoq*

9.12 Konto pingarneq 40.91.02 Siunnersuisartunik ilinniartitsineq

Apeqqut:

Missingersuutit malunnaatilimmik qaffariarsimasut tamatumalu peqatigisaanik ingerlatat allannguteqannginnissaat naatsorsuutigineqartoq ataatsimiititaliamit maluginiarneqarpoq. Tamatumunnga suna nassuiaatissaava?

Akissut:

"Tunngaviusumik ilinniartitsinerit amerlassusaat" pillugu suliassami kisitsisit eqqortumik allanneqarsimangillat, kisitsit "6"-itut allassimassaaq "4"-tuunngitsoq. Tassunga allannguutissatut siunnersuut Naalackersuisut saqqummiutissavaat. Ilinniartitsinerit amerlassusaat 400.000 kr.-t missaannik akeqarput, taamaammat aningaasaliissutit qaffanneqarnerannut tamanna annertuumik ilaavoq.

Ilimagineqarpoq ilinniagaqartut amerlasuuut tunuminngaanniit avannaaniillu aggersuussasut, tamatuma siunnersuisartutut ilinniartut angallanneqarnerannut najugaqarallarnernullu aningaasartuutit qaffatsip-pai, taakku aningaasanut inatsit aqutigalugu aningaasaliiffineqartarput. Naalackersuisut pingaartippaat siunnersuisartut nunami tamarmeersut piginnaanngorsaataasumik ilinniagaqarnissaasa qulakkeerneqarnissaa, tamanna aningaasaliissutissatut siunnersuummi takutinneqarpoq.

9.13 Konto pingaarneq 40.91.03 Pikkorissartitsineq

Apeqqu:

Aningaasaliissutit atorlugit pikkorissamerit qanoq ittut 2012-imi ingerlanneqarsimanersut pillugu naatsorsuineq ataatsimiititaliamit kissaatigineqarpoq.

Akissut:

Takussutissaq akissummut ilanngunneqarpoq.

9.14 Konto pingaarneq 40.91.05 Inersimasunut ilinniartitaaneq

Apeqqu:

Annertuumik appariarneq suliassami kisitsisini takutinneqarpoq. Aningaasaliissutit amerlineqarnerannut suna pissutaava.

Akissut:

Annertuumik appariarneq naatsorsueriaatsip allanngortinneqarneranik pissuteqarpoq. Naalackersuisut ajuusaarutigaat tamanna suliassami kisitsisini allassimangimmat, aaqqiissuteqarfiginiarlugulu allanngutissatut siunnersuummik saqqummiussisoqassaaq.

AIS 2014-imi inersimasutut ilinniagaqartut amerlassusaat ukiumut ilinniartutut naatsorsorneqarsimapput. Tamannattaq N12-imi atuutsinneqarpoq. Tamatuma siornatigut ukiumut ilinniartut apeqquaatinnagit ilinniartussatut figuneqartut amerlassusaat naatsorsorneqartartput. Tamaammat inersimasutut ilinniagaqartut amerlassusaat annertuumik appariarsimangillat.

Ilinniaqqinnissamat pikkorissaanerit naatsorsorneqarnerannut tunngatillugu pineqarpoq "pikkorissaanikkut neqeroorutit" naatsorsorneqatarnerisa pikkorissarnernut naammassineqartunut naatsorsorneqatarnerinut allanngortitsineq. Tassa matumanittaaq suliassat ikilineqarnerat pineqanngilaq.

9.15 Konto pingaarneq 40.92.10 Højskolit

Apeqqu:

Højskolit atuuffiannik taakkulu aningaasalersugaanerannik paasinarsisitsisussamik ataatsimoorullugu suleqatigiissitamik Naalackersuisut højskolillu pilersitsisimasut 2013-imi aningaasanut inatsisissatut siunnersuutip sularineqarneranut atatillugu Naalackersuisut paasissutissiissutigaa. Taama suliagarneq sumut killippa?

Akissut:

Naalackersuisut nikinnerisa kingorna suleqatigiissitani ataatsimiittoqarsimangilaq. Ilinniartitaanermulli Naalackersuisoqarfip højskolit ataatsimeeqatigisimavai, tassanili højskolit aningaasaqarnikkut ajornartorsiutaat qanoq iluarsivigineqassanersoq isumaqatigiiffiusimangilaq.

9.16 Konto pingaarneq 40.92.13 Ilimmarfik

Apeqqu:

a. Taagutit paatsiveerussutigineqaqqunagit Ilimmarfikarsarfimmuut taaguutit pingasut pinnagit taaguut ataasiinnaq atorneqassasoq ataatsimiititaliap Naalackersuisunut kaammattuutigaa. Allanngutissatut siunnersuutissaq qilanaarineqarpoq.

Akissut:

Ilimmarfimmi suliffiit namminersortitat tallimat inissisimapput. Ilimmarfiup danskisut Universitetsparken-itut allanneqarnissaa toqqarneqarsimavoq. Ilisimatusarfik Ilimmarfimmi suliffiit inissisimasut ilagiinnarpaat. Taamaammat Naalakkersuisut nalilerpaat taaguut eqqortoq atorsimallugu.

Apeqqu:

b. Ilinniagartuutut bachelorimut ilinniartitaanerup aammalu suliamut sammititamik bachelorimut ilinniartitaanerup assigiinngissutaannut nassuiaat ataatsimiititaliamit qinnutigineqarpoq.

Akissut:

Ilinniagartuutut bachelorimut ilinniartitaanerit ileqquusumik ilisimatusarfimmi ilinniartitaanerupput inuuniutissamat aalajangersimasumut sammitinneqanngitsut, taamaallaalli ilinniagartuunngorniarnullutik. Suliamut sammititamik bachelorimut ilinniartitaanerit ilinniartitaanerupput inuuniutissamat aalajangersimasumut sammitinneqartut, assersuutigalugu meeqqat atuarkiini ilinniartitsisut peqqissaasullu il.il.

Apeqqu:

c. Assersuutigalugu qanoq kinguneqarpa ilinniartitaaneq suliffinnut naleqquttunngorlugu bachelorinngorniarnerruppat aammalu ilisimatusaatinut tunngatillugu bachelorinngorniarnerruppat?

Akissut:

Ilisimatusarfimmi ilinniartitaanerni ilinniartitsineq ilisimatusarnermik tunngaveqartinneqarput, tassa ilinniagartuutut imaluunniit suliamut sammititatut ilinniartitaanerit arlaat pineqaraluarpuunniit.

9.17 Konto pingarneq 40.92.14 Ajoqissanik organistinillu ilinniartitsineq

Apeqqu:

Palasit suliaasa amerlanerusut ajoqinit tiguneqarsinnaaqullugit ajoqissanik ilinniartitsinerup qaffatsineqarnissaa Naalakkersuisut pitsaaqutissaqarsoraat?

Akissut:

Ilageeqarneq pillugu inatsit 1. august 2010-mi atuutermalli ajoqissat ilinniartitaanerat biskopip isumagisarilerpaa. Ilinniartitaanerup pitsanngorsarnera 2010-mi aallartinneqarpoq, januar 2011-imilu ilinniartitaanerup aqqissuusaanera nutaaq atuutilerluni. Ajoqissat tassannga ilinniartitaanerup aqqissuusaameersut november 2013-imi naammassinissaat naatsorsuutaavoq. Ilinniartitaanerup aqqissuusaanera nutaaq qaffasereerpoq, ilinniartitaanerullu aqqissuuteqqinnerata inernerit suli takuneqarsimangimmata ilinniartitaanerup nutarteqqinnissaanik maanna pilersaaruteqartoqanngilaq.

Palasit ajoqillu suliaasa maanna agguataarneqartarnerat oqimaaqatigiissaarnermik ersersitsivoq, ilageeqarnerup oqaluttuassartaanit ilageeqarnermilu malittarisassanit aallaaveqartumik tunngaveqarluni. Taamaattorli amerlanertigut immikkut akuersissuteqaammik tunniussisoqarsinnaavoq, taamaaliornikkut palasip nalinginnaasumik suliarisartagaanik ajoqit oqaluffimmi assigiinngitsunik sullissisinnaatitaasarlutik.

9.18 Konto pingarneq 40.92.16 Perorsaanermik Ilinniarfik aamma Oqaatsinik Pikkorissarfik

Apeqqu:

Oqaatsinik Pikkorissarfiup ilinniartitaanermik ingerlatsinera kikkunnut sammititaava?

b. Oqaatsinik Pikkorissarfiup ingerlataasa qanoq annertussuseqarlutillu pitsaassuseqarnissaannut Naalakkersuisut qanoq piumasaaqateqarpat?

Akissut:

Kikkulluunniit oqaatsinik pikkorissarusuttut tamatumani inatsisiliornermi pineqarput. Oqaatsinik Pikkorisarfiup suliaaniq aqutsisussanik Naalakkersuisut siulersuisnik pilersitsisimapput.

9.19 Konto pingaarneq 40.94.10 NCB-p akiliutaanut matussutissatut tapiissutit

Apeqqut:

*Saqqummersitassat suliarineqarnerisa Kalaallit Nunaanni pinissaata tapiissuteqarnissamut pi-
umasaqaatinngortinneqarnissaa Naalakkersuisut qanoq pitsaaquteqartutut ajoquteqartutullu isigaat?*

Akissut:

Nipilersugassiortunut eqqumiitsuliortunullu tapersersuineri utertitsilluni tapiissuteqartarneq ajornaanner-
saallunilu pitsaanersaasimavoq. Atortorissaarutilli digitaliusut atorineqarnerulernerisa kinguneraat qangatut
CD-t tunisaavallaarunnaarnerat. Tamanna digitalimik siammarterineri ikaarsaariarnerup kinguneraa.
NCB-mut akitsuutit tapiissutit nipilersornermik suliaqartunut tunisassiornerminni tapersersuinerit isi-
gisariaqarput, ullutsinni pisariaqartinneqartunut naleqqussakkat.

Nutaamik aqqissuussinerup qulakkiissavaa najukkami nipilersornermik suliaqarnerup ingerlanneqaannar-
nissaa, taamaalilluni piginnaanerit ilisimalersimasat nutaanillu piginnaaneqarnissamut ilinniarnissamut
kajumissaarineri qulakkeerineqataassalluni.

Tapiissuteqartarneq nutaaq qulakkeerineqataassaaq nipilersortartut maani najugallit suliaminnik ingerlat-
siinnarnissaannik.

9.20 Konto pingaarneq 40.94.13 Timersornermut tapiissutit

Apeqqut:

*Aningaasaliissutit ilaat qanoq amerlatigisut klubbinut timersornermillu ingerlatsisunut iluaqutissanngorlutik
tuttarnersoq paasissutissiissutigineqassasoq ataatsimiititaliamit kissaatigineqarpoq?*

Akissut:

Naalakkersuisut apeqqut ima paasivaat, tapiissutit GIF-imut immikkullullu kattuffinnut ingerlatsineri an-
ingaasaliissutit qanoq annertutigisumik atorineqartarnersut. Aammattaaq ilimagineqartariaqarpoq an-
ingaasartuutit taakku klubbinut timersortunullu allanut toqqaannanngikkaluamik annertuumik iluaqutaas-
sasut.

GIF-p isertitaannit ataatsimut kr. 21,4 mio.-sunit kr. 7,7 mio.-it toqqaannartumik immikkut kattuffinnut tut-
tarput. Suliat allat ilanngukkaanni, soorlu dopingimut akiuinarneq, nunat tamat akornanni suleqatigiinneq,
AWG, Island Games-imi sinniisuutit ataatsimiinneri, pikkorissarnerit assigisaallu, immikkut kattuffinnut
toqqaannartumik toqqaannanngikkaluamillu ataatsimut kr. 14,3 mio.-it atorineqartarput. Aningaasartuutit,
GIF-p ingerlanneqarneranut toqqaannartumik ataneqartinneqarsinnaasut, 2012-imi kr. 7,2 mio.-
iusimapput.

Immikkut kattuffiit 2012-imi tapiissutimi 30 % missaat allaffissornermut atorsimavaat. Aningaasaliissutit
ataatsimut isigissagaanni taamaalilluni GIF-mi immikkullu kattuffinni allaffissornermut akissarsianullu kr.
9,6 mio.-it atorineqarsimapput. Taamaalilluni Namminersorlutik Oqartussat tapiissutaasa 45 %-ii allaff-
issornermut GIF-illu sulineranut atorineqarsimapput.

9.21 Konto pingaarneq 40.94.17 Kalaallit Nunaata Radiua - KNR

Apeqqut:

a. N 2012-imut sanilliullugu suliassami kisitsisit appasinnerugaluartut aningaasaliissutit amerlineqarneranut tunuliaqutaasoq paasissutissiissutigineqassasoq ataatsimiititaliamit kissaatigineqarpoq?

Akissut:

Suliassami kisitsisit aningaasanut inatsimmeersut Innuttanik Sullissinermik Isumaqatigiissummit aaneqarput, akerlianilli kisitsisit naammassiat ukiumit ukiumut allanngorarput. – 2012-imi suliassami kisitsisit qujanartumik ukiunut siuliinit naatsorsuutigisanit amerlanerupput, taamani Innuttanik Sullissinermi Isumaqatigiissusiortoqarmat.

Aningaasaliissutit qaffannerat akit nalinginnaasut akissarsiallu siumut missiliorneqarnerannik tunngaveqarpoq.

9.22 Konto pingaarneq 40.94.18 Kulturip Illorsua Katuaq

Apeqqut:

Aningaasaliissutit ilaat qanoq annertutigisut nunatta kulturiata Nuup avataani nunanilu tamalaani takutin-neqarneranut atorneqartarnersut paasissutissiissutigineqassasoq ataatsimiititaliamit kissaatigineqarpoq?

Akissut:

Oqaatigineqarsinnaanngilaq aningaasaliissutinit qassit nunatta kulturiata Nuup avataani nunanilu tamalaani atorneqartarnersut, tassami kulturikkut suliat Ukiumut Nalunaarusiami ataatsimut naatsorsorneqartarmata. Taamaalilluni nunap immikkoortuanut sammititat pillugit paasissutissaqanngilaq. Taamaattoq taaneqarsinnaavoq Namminersorlutik Oqartussanit kommunenillu tapiissutit aalaakkaasut amerlanersaat illup ingerlanneranut aserfallatsaalineranullu atorneqartarmata, kulturikkullu suliat aningaasaateqarfinit aningaasalersorneqartarlutik.

9.23 Konto pingaarneq 40.94.20 Arctic Winter Games aamma Island Games

Apeqqut:

Pingaarnertut pilersaarutit Arctic Winter Gamesip pilersaarusiornissaanut ingerlanneqarnissaanullu mis-singersuutitallit assilinerisa nassiunneqarnissaat ataatsimiititaliamit kissaatigineqarpoq.

Akissut:

Takussutissatut ilanngunneqartoq tassaavoq Kalaallit Nunaata siunnersuutaa ilanngullugu Iqaluit-ni ishockey-nerup ingerlanneqarnissaanut aningaasartuutit AWGIC-mit akuerineqarsimasoq. Naalakkersuisut Kommuneqarfik Sermersoorlu avitseqatigiinnissamik isumaqatigiissutertik naapertorlugu illuatunge-riit host city-mik (suliniutunik piginnittut) kiisalu Host Society-mik (Aqutsisooqatigiit) pilersippaat aamma General Manager nutaaq Maliina Abelsen sulilluni aallarereerpoq. AWG 2016-imut atatillugu Naalakkersuisut akuttunngitsumik naatsorsuutunik ataatsimiititaliamut tunniussisassapput.

9.24 Konto pingaarneq 40.94.21 Danske Spil A/S-ip tipsernermit lottornermillu kaaviiartitaanit Kalaallit Nunaata pissarsiaanit tapiissutit

Apeqqut:

a. R 2012-imi aamma AI 2012-imi ilanngaaseereerluni aningaasartuutit kukkusunik aningaasartaler-neqarsimanersut paasissutissiissutigineqassasoq ataatsimiititaliamit kissaatigineqarpoq?

Akissut:

R 2012 eqqorpoq, tassami, oqaasertaliussat takukkit, illikartitsinerit taaneqartut pillugit naatsorsuutitaasa kisitsisitaat aningaasaliissutini kisitsisit assigisassavaat.

AI2013-imut tunngatillugu kisitsisit suliassanut suliarineqartussanut eqqortumik tikkuussingillat. Taa-maammata aningaasaliissutit suliassallu naatsorsuutigineqartut pillugit pissutsit naapertuutinninneri 2014-imut missingiutinik nutaanik aaqqinneqarnissaat ujjartorneqartoq.

Apeqqut:

b. Aningaasat missingersuutigineqartut marloriaatinngornerannut suna tunngaviua?

Akissut:

Qaffariaammata tunngaviuvoq apeqqummi a.-mi akineqarneratuut ukiut siuliini aningaasaliissutit suliallu piviusut ataqatigiissimanninnerisa aaqqissuuneri. Tamanna ataqatigiinnginneq pilersimavoq Finansministeriap Naalakkersuisullu isumaqatigiissutaat Kalaallit Nunaata tipsinit lottonillu kaaviiartitsinermit pisasaannut tunngasoq (inatsit nr. 223 22 marts 2011-meersoq).

Finansministeriaqarfiup tamatuma kingorna aningaasat amerlassusissaat aalajangiuppaa kaaviiartitat 37,4 mio.-it missingiunneqarlutik inatsillu malillugu agguanneqarlutik.

9.25 Konto pingaarneq 40.94.23 Eqqissisimatitassanut tunngasut

Apeqqut:

Aningaasat atorneqarnerat pillugu nalunaaruteqartoqartarnersoq paasissutissiissutigineqassasoq ataatsimiititaliamit kissaatigineqarpoq?

Akissut:

Eqqissisimatitassanut tunngasunik suliaqarnermi nalunaaruteqartarneq Nunatta Katersugaasiviani ukiut nalunaarummi ilaapput. Taanna akissuteqaammata ilanngunneqarpoq

9.26 Konto pingaarneq 40.94.27 Oqaasileriffik

Apeqqut:

Oqarneq "Digitalimut tunngasut pingaartillugit" qanoq isumaqarnerasoq paasissutissiissutigi-neqassasoq ataatsimiititaliamit kissaatigineqarpoq?

Akissut:

"Digitalimut tunngasut" oqarnermi Naalakkersuisut isumaat tassaavoq oqaatsit pillugit teknologip ineriartortinnissaa nutarternissaalu, tamanna digitalinik atortut aqutigalugit pisinnaalissalluni. Assersuutit tassaasinnaapput allannermi kukkuniat, nutserinermi atortut digitaliusut, oqaatsinut katersivik kiisalu qulaani taaneqartut tamarmik akulerunnissaat

Kalaallit oqaasiisa teknologimik ineriartortinneqarnerat avataanit aningaasaateqarfinit aningaasalersorneqarsimavoq. Naalakkersuisut isumaqarput oqaatsinik teknologiikkut ineriartortitsineq aallunneqartariaqartoq, tassami oqaatsit nunarsuarmi atorneqartut eqqarsaatigalugit oqaatsinut teknologi tamanit atugaa-voq amerlasuullu ulluinnarsiutigalugu. Oqaatsinut teknologi tassaavoq, inuppassuit ulluinnarni sakuuattut saniatigut, innarluutilinnut ikiuut kiisalu atuarniarnermikkut kiisalu naqinnernik ilisarinnissinnaanngitsunut ikorfartuutaasoq. Oqaatsinik teknologi pitsaasoq sipaaruteqaataasorujussuusarpoq soorlu nutserinermi, ilinniartitsinermi, pisortat allaffiini, peqqinnissaqarfimmi il.il.

Aningaasaliissutit Oqaasileriffimmut qaffanneratigut digitalinik suliassat eqqarsaatiginerullugit kiisalu IKT pillugu suleriaasissap nutaassap salliutinneqarneratigut kalaallit oqaasiisa ineriartortinnissaat aamma

atorneqarnerulernissaannik kinguneqassaaq. Oqaatsinut teknologi Kalaallit Nunaanni ukiut ikittunnguit matuma siorna aatsaat atuutilerpoq suliassanilu ikittuinnarni iluaqutaalluni.

9.27 Konto pingaarneq 40.95.01 Kulturimut tapiissutit allat

Apeqqut:

Konto pingaarnermi matumani aningaasaliissutit ilaasa 2013-imi aningaasanut inatsimmi konto pingaarnermit 30.21.02-imit, Atuakkanik kalaallisuunik saqqummersitsinermut tapiissutinut tunngasumit, nuuneqarsimanerat missingersuutinut ilanngussami aamma allanneqaqqullugu Naalackersuisut ataatsimiititaliamit qinnuigineqarput. Aningaasaliissutit ilaannut taakkununga tunngasunut suliassamit kisitsisit ilannguteqqullugit Naalackersuisut ataatsimiititaliamit qinnuigineqarput. Allannguutissatut siunnersuutissaq qilanaarineqarpoq.

Akissut:

Aningaasanut Inatsisissap aappassaaneernissaanut allannguutissatut siunnersuutikkut Naalackersuisut Aningaasaqarnermut ataatsimiititaliap kissaataa naammassiniarpaat.

10. Suliassaqqarfik 50 - 51 Aalisarnermut, Piniarnermut Nunalerinermullu Naalackersuisoq

10.1 Konto pingaarneq 50.01.20 Aalisarneq piniarnerlu

Apeqqut:

a. Oqaasertaliussaq puisit amiinik takoqqusaarinissaq pillugu KNAPK, Great Greenland aamma Kopenhagen Fur suleqatigalugit suliniuteqarnissamik periarfissiisoq allassimavoq. Det fremgår af bemærkningerne på side 104, at der indgås en toårig resultatkontrakt. Tamanna suliniummullu tassunga suliassami kisitsisit qanoq ataqtigiippat?

Akissut:

AIS2014-mi konto pingaarnermi 50.01.20-mi takuneqarsinnaavoq 865.000 kr.-inik illikarterteqqittoqassanngitsoq ukiuni pingasuni suliniummut "Puisit amiinut piniarnermullu paasitsiniaaneq", "Inuit Sila" 2014-imi nangeqqinneqassanngitsoq.

Taanna tassaavoq ukiuni pingasuni ataatsimoorussilluni paasisitsiniaaneq. Kalaallit Nunaata Canada suleqatigalugu inuit puisinniartarnerat kiisalu puisit amiata sumut atortarnera pillugu ilisimasat EU-mi USA-milu siammartissavaat. Canada suliniummik aallarniivoq aningaasaleeqataassallunilu.

Juni 2013-imi APNN aamma KNAPK akunnerminni naammassisaqarnissamik 2013-imut isumaqtigiissusiorput

Puisinniartarneq pillugu kiisalu Inuit-nut qanoq pingaartiginersoq EU-mi politikerinit innuttaasunillu ilisima-neqanngilaq. Inuit Sila-p piviusut takutissavaa. Namminersorlutik Oqartussat kisimiillutik saperpaat, kisianni avataanit tassunga tunngasumik suleqateqartariaqarput. Ukiuni marlussunni paasisitsiniaanermi nukittuunik peqateqarnissaq sulissutaavoq, aamma matumani Kopenhagen Fur (KF). Suliniummut nammineq ilanngussaqqanngikkaani nunat tamat akornanni suleqatinit tatigineqarunnaassaaq, matumani Canada kalaallillu, soorlu KNAPK, juunimi ukiunut arlalinnut naammassisaqarnissamik isumaqtigiissusiorneqartumit.

Apeqqut:

b. Puisit amii puisinniarnerlu pillugit paasisitsiniaanermik suliniut sumut killippa?

Akissut:

KNAPK Namminersorlutik Oqartussanit, GG-mit kiisalu Kopenhagen Fur-imit tapiiffigineqarnermikkut nunat tamat akornanni Inuit NGO-mik suliqaarnerannik pilersitsippat, atilik INUIT SILA. Namminersorlutik Oqartussanit aningaasanik taperneqarnikkut KNAPK ukiuni pingasuni paasitsiniaanissamik maanna aall-

artitsivoq, tassanilu sammineqassapput isigineqarnerup, nutaaliorneq kalaallilu puisit amiutaannik tuni-
niaanerup nukittorsarnissaat. Tamatuma kinguneraa Kopenhagen Fur Namminersorlutik Oqartussat uki-
unut 2013-imut, 2014-imut kiisalu 2015-imut aningaasaliissutaasa annertoqataannik aningaasaliinarlutik
eqqarsaatersulernannik. Spetemberip qaammataani aalajangiisoqarnissaa naatsorsuutigineqarpoq.

Suliat makkunannga qulequtaqartinneqarput: Tusagassiorfiit, TV tusagassiuutillu nalinginnaasut, Web inu-
illu internetsimi katersuuttarfii, kiisalu suliniutit tigussaasut

Apeqqut:

c. Suliniummut nassuiaat isumaqatigiissullu nassiunneqassasut kissaatigineqarput.

Akissut: Akissummut uunga isumaqatigiissut tassungalu tunngasut ilanngussat 1-3 ilanngunneqarput.*

10.2 Konto pingaarneq 50.06.50 Aalisarnermut aningaasaliissutinut immikkoortitat

Apeqqut:

*a. Aningaasat qanoq agguataarneqarnersut aammalu annertunerusumik ingerlatsinissaq naatsorsuutigi-
neqarnersaq paasissutissiissutigineqassasq ataatsimiititaliamit kissaatigineqarpoq.*

Akissut:

Qinnuteqartut apeqqutaallutik aningaasat agguagaapput, suliallu kitaani ingerlanneqalerpata an-
ingaasaliissutit qaffannissaat naatsorsuutaavoq, tassani isaterinermi tapiissuteqartarneq pillugu ili-
simaneqarnera siammarterneqassalluni.

Apeqqut:

*b. Suliassami kisitsisit skemangorlugit ukiut tamaasa missingersuutinut ilanngussanut ilaatinneqartarnis-
saat ataatsimiititaliamit qinnutigineqarpoq.*

Akissut:

Ukiumoortumik suliaqarnermut kisitsisit AIS2014-imut allannguutissatut siunnersuummut ilanngunneqas-
sapput.

10.3 Konto pingaarneq 51.01.05 Kalaallit Nunaanni Aalisarsinnaanermut Akuersissutinik Nakkutilliisoqarf- ik aamma Piniarnermik Nakkutilliisoqarneq

Apeqqut:

*Aalisarsinnaanermut akuersissutinik nakkutilliisoqarfik aammalu piniarnermik nakkutilliisoqarneq pillugit
konto pingaarnerit ataatsimoortinneqarnerannut eqaannerusumik aaqqissuussinissaq tunngaviusoq titar-
nertaat arfernanni allassimavoq. Tamatuma itisilerneqarnissaa ataatsimiititaliamit kissaatigineqarpoq?*

Akissut:

Aalisarnermut tunngatillugu nakkutilliinerit imminnut ataneqartorujussuupput. Piniarnermut nakkutilliinerit
atortut kiisalu tulaassuinerit/talittarfinni nakkutilliinerit takutippaat nakkutilliivinni assigiinngitsuni an-
ingaasaliisarnerit eqaatsuusariaqartut.

Aammattaaq tassunga tunngavoq kissaaterput siunissami nakkutilliisunik aalajangersimasunik sul-
isoqalernissaa taamaalilluni nakkutilliineq tamaat isigalugu pitsanngorsaavigalugu.

10.4 Konto pingaarneq 51.02.03 Puisit amiinik tunisinermi akinut tapiissutit

Apeqqu:

Puisit amii uninngasuutit maanna qanoq amerlatigippat aammalu ukiuini aggersuni uninngasuutit qanoq ineriartorfiunissaat Naalackersuisunit naatsorsuutigineqarpa?

Akissut:

Great Greenland A/S uninngasuutit pillugit attavigineqarpoq tassanngalu nalunaarutigineqarluni 2012-imut nalunaarusiami takuneqarsinnaalluni uninngasuutit 200.000-it missaanniittut, mannaluu aasaq uninngasuutit 180.000-it missaanniillutik. Qaqortumi Glostrup-imilu uninngasuutigineqartut tassaapput ammit suliarisassat kiisalu ammit piareeriikkat.

Danmarkimi suleqataasumit tunisat nalornissutaapput, taakku tunisanik nalunaaruteqarsimangillat, qaammatini kingullerni taamaaliortussaagaluarlutik. Taamaammatt Danmarkimi uninngasuutinit ilanngaataasimangillat. Suleqatigineqarsimasoq North Atlantic Fur Group (NAFG) suleqatigineqarunnaarsimavoq.

Great Greenland A/S-ip naatsorsuutigaa ilaatigut Kopenhagen Fur aqqutigalugu tunisat pitsaassasut uninngasuutillu ataatsimoortut nalimmassaavigalugit.

Uninngasut eqqarsaatigalugit akissuteqaat Great Greenland A/S pillugu 7. Maj 2013-imi paasisitsiniaalluni ataatsimiinneq pillugu Aningaasaqarnermut Akileraartarnermullu Ataatsimiititaliamut ingerlateqqinnissaa Naalackersuisut kissaatigaat.

10.5 Konto pingaarneq 51.03.02 Nunalerinermik inuussutissarsiateqartunut aningaasalersuinikkut tapersisarneq

Apeqqu:

Nunalerineq pillugu Isumalioqatigiissitat sulinerminni sumut killinnersut paasisutissiissutigineqassasoq ataatsimiititaliamit kissaatigineqarpoq?

Akissut:

Nunalerineq pillugu isumalioqatigiissitat nalunaarusiaat 2014-imi qaammatit siulliit pingasut iluanni naamamssinissaa naatsorsuutaavoq.

11. Suliaasaqarfik 62 - 66 Inuussutissarsiornermut, Aatsitassarsiornermut Suliffeqarnermullu Naalackersuisoq

11.1 Konto pingaarneq 64.01.01 Inuussutissarsiornermut, Aatsitassarsiornermut Suliffeqarnermullu Naalackersuisoqarfik

Apeqqu:

Aningaasartuutit qaffakkaluttuinnarnerannut tunuliaqutaasoq paasisutissiissutigineqassasoq ataatsimiititaliamit kissaatigineqarpoq?

Akissut:

Greenland Development A/S (GD) inuussutissarsiutit pillugit siuarsaanermi aaqjissuussinermi 2012-imi naammassineqarnerani atorunnaarsinneqarpoq GD-llu suliarisartagai Naalackersuisoqarfimmut nuunneqarput. 1. juli 2012 aallarnerfigalugu ukiumut 6 mio. kr.-inik aningaasaliisoqarpoq. 2012-imut taamaalilluni aningaasaliissutit 3 mio. kr.-inik qaffanneqarput ukiumullu 2013 aallarnerfigalugu 6 mio. kr.-inik.

UKA2012-imi Aatsitassat pillugit inatsisip allannguutissaasa akuersissutigineqarneratigut 01. januar 2013 aallarnerfigalugu oqartussaaffiit allannguivigineqarput Aatsitassanut Naalackersuisoqarfik atorun-

naarsinneqarluni suliassallu tassaniissimasut Aatsitassanut Aqutsisoqarfimmut, Avatangiisinut aqutsisoqarfimmut kiisalu Inuussutissarsiornermut, Aatsitassanut Suliffissaqarnermullu Pisortaqaqarfimmut nuunneqarlutik. Aningaasaliissutit kontomi pingaarnermi 64.01.01 Inuussutissarsiornermut Suliffeqarnermullu Naalackersuisoqarfik, allaffissorneq tassunga atatillugu tkr 2.841-inik qaffaaffigineqarpoq. Aningaasaliissutit kingunissai 2014-imut taassumalu kingorna AIS 2014-imut ilanngunneqartussaapput. Oqartussaaffiup allanngortinneqarmerani aningaasaliissutit Aningaasaqarnermut Ataatsimiititaliap akuerai (suliaq 13-00618)

11.2 Konto pingaarneq 64.01.03 Geologiimut Immikkoortoqarfik

Apeqqut:

a. Suliassat nunatsinnut nuunneqarnerat sutigut pitsaaquteqartussatut Naalackersuisunit naatsorsuutigineqarpa?

Akissut:

Geologiimi suliassat tamarmik immikkoortortamit tigummineqarput. Namminersorlutik Oqartussat iluanni geologimut immikkut ilisimasaqartoqarnera iluaqutaavoq. Siunissaq ungasinneq eqqarsaatigalugu geologimut paasissutissanik katersiviit tigunissaat siunertaavoq, taakku Danmarkimit isumagineqartut. Taamaallilluni nunat tamat akornanni aatsitassanik uulianillu suliffeqarfinnik qaninnerusumik suleqatigiilernisamik tunngavissiissaaq, matumani ilisimatusarluni suliniutit eqqarsaatigalugit, oqartussat suliffeqarfisuilu akornanni suleqatigiillutik suliarineqartunik. Suleqatigiilluni suliat annerit qallunaat susassaqaqtut suleqatigalugit ingerlasarput.

Apeqqut:

b. Ingerlatsinermik suliat, oqartussaasutut suliarinninneq aammalu nittarsaassineq immikkoortortami, siunnersortinik ikiorserneqarnermut pisinermut aningaasanik annertungaatsiartunik atuereersumi, ataatsimoortinneqarnerat immikkut tunngaveqarpa?

Akissut:

Geologimut tunngasunik apeqqutit pillugit immikkoortortaqaqarfik taamaallaat sulianik suliarinnitarpoq. Immikkoortortap suliassa pingaarneq tassaavoq susassaqaqarfimmi aningaasaleerusuttunik qammaaniarnermi aatsitassat pillugit nittarsaasussanut isummersuutininik immersuineq. Aatsitassaqaqarnerup nittarsaannissaanut atungassanik pissarsiniarnermi immikkoortortaqaqarfik geologimut tunngasunik suliniutinik suliaqarlunilu ataqatigiissaarisarpoq. Suliniutit ilisimatusarfinnit geologimillu suliaqartunit suleqateqarluni suliarineqakajupput. Immikkoortortaq pingaaruteqartorujussuuvoq inuussutissarsiorneq pillugu politikkimut iluatsilluurtumik piviusunngortinneqassappat. Immikkoortup geologimut tunngasunik ilisimasaqarluarnera peqqutaalluni geologimut tunngasunik suliassanik sullissinermi isummersuilluartaarpoq.

Apeqqut:

c. Suliassat nunatsinnut nuunneqartut ilaat suli Namminersorlutik Oqartussat ingerlatseqatigiiffiinit iluaqutaasumik suliarineqarsinnaappat?

Akissut:

Geologimik suliassanik sulisussanik atorineqarsinnaasunik Namminersorlutik Oqartussat peqanngillat. Nuna Oil uuliasiornissanut akuersissutinik tamanik piginneqataavoq taamaammallu arlaannaanulluunniit attuumassuteqanngitsumik inissisimanani. Tunngavissaqaqtumik isornartorsuisoqarsinnaassaaq Nuna Oil A/S niuernermi paasissutissanik pingaarutilinnik pisinnaatitaammat. Uuliasiortunit akuerineqarsinnaassanngilaq. Geologisk Afdeling-imit geologimut tunngasut suliarineqartut aatsitassaqaqarfimmi oqartussaasut suliassa pingaartut ilagaat. Namminersorneq pillugu inatsimmi ilanngunneqarsimavoq aatsitassaqaqarnerup ataatsimut pisortanit suliarineqarnissaat pillugu siunniussaq. Aatsitassanut tunngasunik pisortatigoortumik suliarinninnerit aatsitassanut inatsimmi aalajangersarneqarlunilu piviusunngortinneqarput. Aatsitassanut tunngasunik pisortatigoortumik suliarinninnerit aatsitassanut inatsimmiittoq aamma periarfissiivoq aats-

itassanut tunngasunik pisortatigoortumik suliarinninnerit pillugit akiliutinik utertitsisinaanernut. Taamaamat ingerlatsinikkut inatsisitigut ajornakusoortuusaaq uuliaatileqatigiiffiit Nuna Oil A/S akilissagunikku geologimut tunngasunik aatsitassanut tunngasunik pisortatigoortumik suliakkiissagunik. Taamatut aaqqiineq aamma unallerneq pillugu inatsisit eqqarsaatigalugit ajornartorsiortitsilissaaq, tassami geologimik suliallit suliffeqarfiit allat suliassanik tunineqarnissamik aamma piumasaqaateqalersinnaammat. Taamaamat takuneqarsinnaangilaq suliassat maannga nuunneqarnikut Namminersorlutik Oqartusarfiit suliffeqarfiutaannit iluaqutaasumik isumagineqarsinnaanissaat.

11.3 Konto pingaarneq 64.01.04 Piginnaasanik ineriartortitsiviusumik pikkorissarnerit

Apeqqut:

Piginnaangorsarluni pikkorissartitsinerit inuussutissarsiornermut suliffeqarnermullu tunngasut aammalu pikkorissarnerit ilinniaqqiffiusut tamarmik konto pingaarnermut ataatsimut ataatsimoortinneqarnissaannut Naalackersuisut isumaat ataatsimiititaliamit paaserusunneqarpoq.

Akissut:

Aningaasanut Inatsimmi kontot pigaarnerit marluk piginnaangorsarluni pikkorissarnermut tapiissuteqartarput. Tassaapput Konto pingaarneq 40.91.03 Pikkorissartitsinerit (ulluinnarni taaneqartartoq AMA-pulje) taanna oqartussaaffigineqarluni ilinniartitaanermut, ilageeqarnermut, kultureqarnermut Naligiisitaanerimullu Naalackersuisoqarfimmit kiisalu 64.01.04 Piginnaangorsarluni pikkorissartitsinerit (ulluinnarni taaneqartartoq PKU-pulje) taannalu Inuussutissarsiornermut, Aatsitassanut Suliffeqarnermullu Naalackersuisoqarfimmit oqartussaaffigineqarpoq.

Kontonut pingaarnermut taakkununga pineqartut assigiissuteqarput, tassami kontot pingaarnerit ilinniarsimasunut ilinniarsimangitsunullu suliffissaqartitsinerimut tunngagamik, suliffissaaleqisuugaluarunik suligaluarunilluunniit. Piginnaangorsarluni pikkorissarnerit, kontonit pingaarnerit 40.91.03 aamma 64.01.04-mit aningaasalersorneqartut, suliffissaqartitsiniarnermi politikkimut pingaaruteqarput, tassani anguniarneqarami sulisinnaasut piginnaasaat sulisussarsiortut piumasaqaataannut siunissamilu piumasaqaatissaannut naapertuutinneqarnissaat. Taamaalilluni piginnaangorsarluni pikkorissarnerit ilinniartitaanerit nalinginnaasut assignagit inuussutissarsiortunit sulisut piginnaasaannik piumasaqaateqarnerannut naammassinninnissamat siunertaqartut. Taamaamat pingaaruteqartorujussuuvoq inuussutissarsiortut piffissaq qaninneq ungasinnerlu eqqarsaatigalugit piumasaqaataasa naammassinissaat eqqarsaatigalugit aningaasaliissutit tullerriaartuarnissaat.

Inuussutissarsiornermut, Aatsitassanut Suliffeqarnermullu Naalackersuisoqarfik piginnaangorsarluni pikkorissarnerit pillugit ukiuni kingullerni ineriartorneri misissuiffigeqqissaarsimavaat, aamma matumani PKU-puljep nalilersornera kiisalu soqutigisaqaqatigiit puljep qanoq isikkoqarnissaanik ataavartumik oqaloqatigisarlugit.

Taamaaliornikkut aamma suliffissaqartitsiniarnermi suliqaartunut allanut aamma sunniussinagaaluarpoq, soorlu piginnaasat nalilersornerini, piginnaangorsaqinneq, nuttarsinnaanermut tapersiisarnermi siuarsaanerimut, siunissami atorfiit pillugit nittartagassami, suliffissaqartitsiniarnermi ataavartuni suliniutinut kiisalu Piareersarfinni suliffissaqartitsiniarnermut tunngasunik sammisassaqartitsinerit. Taamaaliornermi tamaku ataatsimut sunniutigissavaat sulisartut piginnaasaasa nuttarsinnaanerallu pitsaasumik tunngavisaqalernissaat, tamannami piumasaqaataavoq sapinngisamik nunaqavissunik atorfiit inuttalerneqasappata.

Piginnaangorsaqilluni pikkorissartitsisarnerit suliffissaaleqinerup akiornissaanut aamma sakuulluurtunngorsimapput, tassami takussutissaqarlualarpoq suliffissaaleqisunit allanit piginnaangorsaqilluni pikkorissarnerit suliffissaaleqisut apparangaatsiarsimmata. Misilittakkat takutippaat suliffissaaleqisut amerlarsaat ilinniarsimangitsuusut, taamaamat taakku immikkut pikkorissarnerissaasa qularnaarnissaat pingaaruteqarpoq, taamaaliornikkut oqilisaavigineqarniassammata. AMA-mi aamma PKU-mi aningaasaliis-

sutit atornerisa ataqatigiissaarneratigut suliffissaaleqinerup akiorniarnera sakkortusarneqarsinnaavoq suliffissaaleqisut piginnaangorsarnerisigut suliffittaarnissaminut atorsinnaasaannik, suliffissanik qularnaarinneqataasinnaasut kiisalu sulereersut aamma suliffimminni pikkorissarnissaannut qularnaarinnissapput, taamaasillutillu suliffimminnik tigumminniinnarsinnaallutik.

AMA-mi aamma PKU-mi aningaasaliissutit ataqatigiissaarnerisigut aamma qularnaarneqassaaq suliffinnik nutaanik pilersitsiniarnermi inuussutissarsiutitigut politikkip aguniagai ikorfartorneqassammat sulisartut piginnaangorsaqqinnerisigut. Tamanna aatsitassarsiornermut atatillugu pingaaruteqarpoq, siunissami suliffeqarfissat ilinniarnikunik ilinniarnikuunngitsunillu immikkut sulisussanut tunnganissaat naatsorsuussaalluni, taamaammat taakkununga piginnaangorsaqqiineq pingaaruteqarluinnarpoq nunaqavissut sullivinni sulilernissaannut.

Taamaaliornikkut piginnaangorsaqqiinermi suliniut siunissami inuussutissarsiutit maanna siunissamilu ikorfartuiffigissavaat, aappaatigullu inuussutissarsiornermi aaqqissuusseqqinnermi sunniutaajumaartussat sulisitsinermut sunniinerluttussat naatsorsuutigineqartut sakkukillissavaat, tassami suliffissaaleqilertussanut sammititanut ilinniartitseqqiinerit aaqqissuunneqarsinnaagamik.

Aamma aningaasat kontomut pingaarnermut ataatsimut katersornerisigut inuussutissarsiutinik ilinniarninut sulineq oqilisaaffigineqassaaq, soorluttaaq soqutiginnittut piginnaangorsaqqinnissamut periarfissanut paasissutissanik ajornannginnerusumik aallersinnaalissasut.

Naalackersuisut taamaammat isumaqarput aningaasateqarfiit taakku marluk ataatsimoortitnerisigut allaffissornikkut ataqatigiissarnera nukittorsarneqarnissaa naapertuunnerussasoq suliffissaqarfiup pitsaanerpaamik pitsaangornissaa siunertaralugu – minnerunngitsumik aatsitassanik suliniutit maanna tusarniaataasut eqqarsaatigalugit kalaallinik sulisoqarnissaannut ataneqartillugu.

11.4 Konto pingaarneq 64.01.05 Nunaqarfinni isorliunerusunilu inuussutissarsiornermi suliffeqarnermilu ineriartorisineq

Apeqqut:

a. Suliaq KANUKOKA-p kommunillu ataqatigiissaarnerisigut ingerlanneqartoq oqaaseqatigiit siullerni takuneqarsinnaavoq. Ataqatigiissaarineq KANUNUPE aamma suleqatigalugu sooq ingerlanneqannginnersoq paasissutissiissutigineqassasoq ataatsimiititaliamit kissaatigineqarpoq?

Akissut:

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq pillugu ima oqaasertaqarpoq: ”§ 53. Nunaqarfimmi pissutsinut tunngasut pillugit nunaqarfimmi aqutsisut kommunalbestyrelsimutinassuteqarsinnaapput. Kommunalbestyrelsip sapinngisamik nunaqarfiup suliarninnut tunngasunut pillugit nunaqarfimmi aqutsisut oqartussaaffigeriinngisaminni apeqqtini oqaaseqartinneqartassapput.”

Nunaqarfiit kattuffiata KANUNUPE-p mattunneqarnissaa Naalackersuisut siunertarisimangilaat. Oqaatigineqareersutut Naalackersuisut KANUNUPE-lu iluatsilluartumik isumasioqatigeeqqammerput, ta-mannalu nunaqarfiit pillugit 2014-imi isumasioqatigiinnermik malitseqartinneqassaaq.

Naalackersuisut aappassaaneerinninnissamut kontomut pingaarnermut tassunga allannguutissatut siunnersuusiusamaarput, taamaaliornermi KANUNUPE aningaasaliinissamut tunngatillugu piumasaqaatinut immikkoortumut siullermut ilanngunneqassasoq, ima nipeqalerluni:

Kontumi pingaarnermi matumani nunaqarfinni isorliunerusunilu inuussutissarsiutitigut suliffeqarnikkullu ineriartortitsinermik suliarni isumagineqarput. Suliassaq Inuussutissarsiornermut Suliffeqarnermullu Naalackersuisoqarfimmiit isumagineqartussaavoq, naalackersuisoqarfillu suliap ingerlanneranut

KANUKOKA kommunillu peqatigalugit suliamik ataqtigiissaarinissamik akisussaasuvoq. Kommunit missingersuutaanni siunertamut aningaasanik pingaarnersuisoqarumaartoq Naalackersuisunit naatsorsuutigineqarpoq.”

Apeqqut:

b. Kommunit missingersuutaanni siunertamut aningaasanik pingaarnersuisoqarumaartoq Naalackersuisunit naatsorsuutigineqartoq titarnertaaq siullermi aamma allassimavoq. Tamanna erseqqissarneqassasoq ataatsimiititaliamit kissaatigineqarpoq.

Akissut:

Aningaasaleeqataanissamut naatsorsuuteqarneq 2014-imi nunaqarfiit isumasioqatigiinnissaannut sammitinneqarpoq. Tamanna aningaasalersornissaa eqqarsaatigalugu kommunit Namminersorlutillu Oqartussani naalackersuisoqarfiit allat suleqatiserineqarput.

11.5 Konto pingaarneq 64.01.06 Geologiimut pilerisaarinermullu suliniutit

Apeqqut:

a. Suliassat suut qanorlu annertutigisut suleqatinut avataaneersunut isumaqatigiissutigineqarsimanersut paasissutissiissutigineqassasoq ataatsimiititaliamit kissaatigineqarpoq.

Akissut:

Konto pingaarneq taanna Kalaallit Nunaanni aatsitassanik tunngasunut inerisaanermi tunngatillugu periaasissanut aatsitassallu pillugit nittarsaassinnermut pingaaruteqartorujussuavoq. Suliniutaajumaartussat isumaqatigiissutaasut tassaapput nittarsaassineq, Tasiilap eqqaani aatsitassaqaarsinnaanera kiisalu Kalaallit Nunaata avannaani zinkeqaarsinnaanera. Suliniutit taakku pingaaruteqarput kuuit sioraanit katersanit (2012) kiisalu 2013-imi timmisartumit silaannarmi saviup kajungerneranik misissuinernit paasissutissanik katersinerup maanna ingerlasut nanginnissaannut malitseqartitsinissamullu eqqarsaatigalugit. Suliniut NordZink Nunatta avannaani suliniut nunap immikkoortuata zinkimik pīaavittut inerisarnissaanut ataneqarpoq. Suliniutit taakku konto pingaarneq tamaat atorpaat. Suliniummut kontop attatiinnarnissaa pingaarpoq pilerisaarutillu atuuttut eqqarsaatigalugit naammassinissaannut aningaasaliissutit aamma amerlineqarnissaat kissaatiginarluni. Suliniutit taama angissusillit Namminersorneq pillugu naalagaaffimmut isumaqatigiissut malillugu aatsitassaqaarnerullu tiguneqaarneranut naapertuuttumik ingerlanneqasapput. Isumaqatigiissutit malitsigisaannik Kalaallit Nunaanni nunami ilisimatusarnissamut atungassanik aningaasanik amerlasuunit naalagaaffik immikkoortitsisarpoq.

Apeqqut:

b. Suliassami kisitsisit pillugit naatsorsuineq missingersuutitut ilanngussamut ilannguteqqullugu Naalackersuisut ataatsimiititaliamit qinnuigineqarput. Allannguutissatut siunnersuutissaq qilanaarineqarpoq

Akissut:

Naalackersuisut naatsorsuutigaat aningaasanut inatsisissap aappassaaneernejarnissaanut allannguutissatut siunnersuut suliassami kisitsisit ilanngullugit saqqummiunneqarnissaa.

11.6 Konto pingaarneq 64.10.06 Taarsigassarsianut qularnaveeqqusiissutit akilerneqarneri

Apeqqut:

Akiliinerit annertuut 2014-imi pinissaat ilimanarluinnartoq missingersuutitut ilanngussami titarner-taami kingullermi allassimavoq. Tamanna erseqqissarneqassasoq ataatsimiititaliamit kissaatigineqarpoq.

Akissut:

1. januar 1999-imit 31. december 2011-imit Namminersorlutik Oqartussat suliffeqarfinnut attartortitsiner-nut qularnaveeqqusiisarpoq.

Aningaasarliornerup kinguneranik akiligassanik akiliinerit pillugit suliat amerleriarsimapput. Naalakkersuisoqarfik tamatuma illuanut saannissaanik takussutissanik takusaqanngilaq, sissuertumillu naatsorsuutugalugu akiligassanik akiliinerit pillugit pisariaqartitsineq ukiumi aggersumi amerleriassasut. Manna tikillugu maanna 2013-imi akiligassanik akiliinissamat qularnaveeqqutit pillugit piumasaqaatit 2,3 mio. kr.-it tiguneqarsimapput.

11.7 Konto pingarneq 64.10.25 Aluminiumik aatsitsiviliornissamik suliniut

Apeqqut:

a. Suliassami kisitsisini allassimasut isumaqanngillat. Aningaasaliissutit 9 mio. kr.-iusut qanoq tungaveqarnersut suliassami kisitsisini AIS 2014-imi takutinneqartussaavoq. Taamaattumillu suliassami kisitsisit immikkoornerusut, piffissap ingerlanerani ingerlatat ineriartorsimanerannik takutitsinnaasut, ilannguteqqullugit Naalakkersuisut ataatsimiititaliamit qinnuigineqarput. Nalinginnaasumik suliassami kisitsisit koruunit pinnagit annertussutsinilli allanik imaqartarput. Allanguutissatut siunnersuutissaq qila-naarineqarpoq

Akissut:

Suliassami kisitsisit kroninngorlugit takussutissaapput, kontomi pingarnermi 2014-imi nikerarnerit naatsorsuutaasut MoU-mi imm. 2-p naammassinissaanut aningaasartuutit aallaavittut siullertut matussisi-issusaasutut naatsorsuutaamat. UKA 2013-p naammassineqareernerata kinguninngua Naalakkersuisut Alcoa tullianik ataatsimeeqatiginiarlugu isumaqatatiigiissuteqarfigaat, ilaatigut MoU-mi imm.2-mi suliassat naammassineqarnissaannut isumaqatigiissusiornissaq siunertaalluni. Aningaasat taakku suliassami kisitsisinut apeqqutaapput. Aningaasanut inatsisissap akuersissuteqannginnerani Naalakkersuisut sapinngisamik pitsaanerpaamik aaqqiissuteqarniarput, naatsorsuutigineqassaarli ataatsimeereernerup kingorna aamma ataqatigiissaarinermik suliassaartoqarnissaa.

Apeqqut:

b. Siliniutip killiffiata naatsumik paasissutissiissutigineqarnissaa ataatsimiititaliamit qinnutigineqarpoq.

Akissut:

2012-p ingerlanerani suliniutip sinaakkutassai pillugit Alcoa arlalinnik oqaloqatigineqartarsimavoq. Tamanna kinguneqarpoq Inatsisartut 2012-mi ukiakkut ataatsimiinnermi sinaakkusiussat taakku pillugit apeqqutinut arlaqartunut isummernerat. Inatsisartunut martsimi qinersereernerup kingorna nutaanillu Naalakkersuisortaarnerup kingorna sinaakkusiussat uppernarsarneqarput. Nutaanik oqaloqatiginninnissat siunertaralugit Naalakkersuisoqarfiup Alcoa attaveqarfigaat. Naalakkersuisut kissaatigaat suliniutip imm. 2-a piffissami ungasippallaanngitsumi naammassineqarnissaa.

11.8 Konto pingarneq 64.13.23 Piareersarfiit

Apeqqut:

a. Naammaginartumik angusaqarfiusumik AEU-mik naammassinnittut procentii aammalu misiliutaasumik soraarummeernertalimmik atuartitsineq nalunaarusiarineqartarpa?

Akissut:

Aap, AEU-mut kiisalu Misiligutaasumik Soraarummeernertalimmi Atuartitsineq-mut (FA-mik aamma taaneqartartoq) tunngatillugu naammassinnittartut procentii pillugu nalunaarusiortoqartarpoq. Piareersarfiit ataasiakkaarlutik misilitsinnerni inernerit Inuussutissarsiornermut, Aatsitassanut Suliffeqarnermullu

Naalackersuisoqarfimmut nassiuttarpaat, taamaattoqareerpallu Inerisaavimmi karakterinut paasisutissaasivimmut immiunneqartarput.

Paasissutissaasivimmit tassannga ersertut misilitsinnernut AEU-mut 2012-imi inernerit pillugit kisitsisit kigullit pigisavut imaapput:

Matematik 88 % soraarummeerput

Kalaallisut 95 % soraarummeerput

Tuluttut 80 % soraarummeerput

Qallunaatut 86 % soraarummeerput

FA-mut tunngatillugit kisitsisit sulitigunngilagut, tigusimaleriarutsigilli nassiunneqassapput.

Apeqqu:

b. AEU-mik aammalu misiliutaasumik soraarummeernertalimmik atuartitsinermik naammassinnittut qassit ingerlaqqittarnersut nalunaarusiarineqartarpa?

Akissut:

Aap, AEU-mi kiisalu Misiligutaasumik Soraarummeernertalimmi Atuartitsinermi (FA) naammassinnereerlutik qassit ingerlaqqittarnersut pillugit nalunaarusiortoqartarpoq. CPR-normut atorlugit AEU-mi FA-milu ilinniartut naammassinnissimasut ukioq ataaseq qaangiukkaagat USF-mi (ILIN) kikkut ilinnialersimanersut pillugit paasissutissanut assersuunneqartarput.

Piffissaliussap killinga tikitsinnagu paasissutissanik AEU-mit ingerlaqqittarnernannik tunngasunik pisi-manngilagut, pigineqaleriarpatali nassiunneqassapput.

11.9 Konto pingaarneq 64.13.25 Suliffissaalegisunut immikkut ittumik iliuuseqarneq

Apeqqu:

a. Kommunit 10 mio. kr.-it missaannik aningaasaleqataanissaat naatsorsuutigineqartoq titarnertaaq siullermi allassimavoq. Tamatumunnga Naalackersuisut naatsorsuutigisaat itisilerneqassasut ataatsimiititaliamit kissaatigineqarpoq.

Akissut:

Kommunit 2013-imi 10 mio. kr. missaannik aningaasaleeqataaniarlutik oqaatigaat.

Apeqqu:

b. Ingerlatassat taaneqartut tamarmik Piareersarfiup ataani ingerlanneqalersaarnersut paasissutissiisutitigineqassasoq ataatsimiititaliamit kissaatigineqarpoq?

Akissut:

Kommunit namminneerlutik aalajangertarpaat suliat ataasiakkaat qanoq ingerlanneqassanersut. Taamaammat kommunemit kommunemut assigiinngillat, Piareersarfiit, suliffissarsiuussisarfik, takornariqarnermi pisortaq, teknikkimut ingerlatsivik allalluunniit suliniutinut ataasiakkaanut aqutsisuussanersut assigiinnatik. Suliniutit pillugit eqaatsumik isummerfigineqartarpoq, taamaalilluni inuit/sulliviit nukissaqarluartut najukkamiittut suliniutinut ataasiakkaanut aqutsisuunissaminnut toqqarneqartarlutik. Suliniutinut ataasiakkaanut aningaasaliissutit suliniummumut ilanngunneqarnissaannut akuersissutigineqartarput.

Apeqqu:

c. Kiisalu suliassami kisitsisit skemanngorlugit ilanngunneqarnissaat ataatsimiititaliamit Naalackersuisunut qinnutigineqarpoq. Allannguutissatut siunnersuutissaq qilanaarineqarpoq.

Akissut:

Aningaasanut inatsisissap aappassaaneerneqarnissaanut allannguutissatut siunnersuut suliassami kisitsisit ataani allaqqasut ilanngunniarneqarput

	AI 2014 mio. kr.
Aningaasaliissutit AI 2014	20
Kommunit aningaasaleeqataanerat	
Kommune Kujalleq	1
Kommuneqarfik Sermersooq	4
Qeqqata Kommunia	1,2
Qaasuitsup kommunia	4
Aningaasaliissutit katillugit	30,2

Matchgruppe 1-imut piukkunnartunut inuussutissarsiutinut nutaanut, nuttarsinnaanerup siuarsarnissaanut, suliffissarsiornermi kiisalu suliffeqarfinnut ataveqarnernut tunngasunik siunnersuilluni pikkorissaasarnarit. Kommunep kissaatai malillugit pikkorissarnarit aqqissuunneqartarput.

Paasinninniarnermut siunnersuinerullu pikkorissarnarit/suliniutit	AI 2014	AI 2014
	Pikkorissarnarit sap ak.	Pikkorissartut amerl.
Kommune Kujalleq	8	80
Kommuneqarfik Sermersooq	12	120
Qeqqata Kommunia	4	48
Qaasuitsup kommunia	16	160
Pikkorissarnarit katillugit/hold sap ak.	40	408

Sulianut tunngatillugu pikkorissarnarit, ilaatigut sanaartornerup iluani, takornariaqarnermi, hotelini, allaffinni aatsitassarsiornermilu suliffeqanngitsunik atorfininninnissaannut ikorfartuisunik pikkorissarnarit tamarmik. PKU-mik pikkorissarnarit inuussutissarsiornermik ilinniarfinni imaluunniit taakku suleqatiginerisigut pikkorissarnarit ingerlanneqartarput. Suliffeqanngitsut pikkorissareernerup kingorna suliffittaarnissaminnik isumaqatigiissutillit salliutinneqassapput.

Pikkorissarnarit tassaasarput assersuutigalugu tuluttut pikkorissarnarit, Common Core, eqqiaanermik, imarsiornermi isumannaallisaanermik kiisalu oquk pillugu pikkorissarnarit – kommuneni ataasiakkaani pisariaqartitat naapertorlugit pikkorissaanarit pilersaarusionerqartarput.

Ilinniarsimangitsunut pikkorissaanarit	AI 2014	AI 2014
	Pikkorissarnarit sap ak.	Pikkorissartut amerl.
Kommune Kujalleq	8	96
Kommuneqarfik Sermersooq	16	172
Qeqqata Kommunia	7	80
Qaasuitsup kommunia	15	180
Pikkorissaanarit katillugit/hold sap ak	46	528

Sanaartorfinni suliffeqarnissamullu sungiusarnermi projektit. Suliniutit qaammatit qulingiluat ingerlasussat inuusuttunut sulilernissamut ilinnialernissamulluunniit piareersaataasut.

Sanaartorfinni suliffeqarnissamullu sungiusarnermi projektit	FL 2014	FL 2014
	Pikkorissarnarit sap ak.	Pikkorissartut amerl.
Kommune Kujalleq	36	25
Kommuneqarfik Sermersooq	108	45
Qeqqata Kommunia	72	36
Qaasuitsup kommunia	36	10
Pikkorissaanarit katillugit/hold sap ak	252	116

Piareersarfik piginnaangorsarneq holdinik ilallugit. Qaammatit quligiluat fagit nalinginnaasut kiisalu ilinni-aqqinnissamut siunnersuinerit.

Piareersarfik Piginnaangorsarneq	FL 2014	FL 2014
	Pikkorissarnerit sap ak.	Pikkorissartut amerl.
Kommune Kujalleq	-	-
Kommuneqarfik Sermersooq	72	40
Qeqqata Kommunia	-	-
Qaasuitsup kommunia	216	105
Pikkorissaanerit katillugit/hold sap ak	288	145

Piginnaangorsarneq. Piginnaangorsartut amerlissapput taamaalilluni inuit pisortanit ikiorserneqartut su-linerit apakaakkiartortillugit siunissamilu imminnut pilersortunngortillugit.

Piginnaangorsartut: Anguniakkat	FL 2014	FL 2014
	Pikkorissarnerit sap ak.	Pikkorissartut amerl.
Kommune Kujalleq	-	100
Kommuneqarfik Sermersooq	-	144
Qeqqata Kommunia	-	110
Qaasuitsup kommunia	-	250
Pikkorissaanerit katillugit/hold sap ak		604

11.10 Konto pingaarneq 66.01.03 Aatsitassanik Aqutsisoqarfik – Isertitatigut matussusikkanik suliat

Apeqqut:

Suliassat isertitaqarfiusussat pillugit Naalackersuisunit qanoq naatsorsuuteqarpa?

Akissut:

Imm. 2.-mi 3.-milu missingersuutitut ilanngussani erserpoq 2010-mit kontomut pingaarnermut isertitat nalunaarsorneqartarunnaarsimasut, taakku aatsitassaqaarnerup tiguneratigut 1. januar 2010 aallarnefiga-lugu kontomut pingaarnermut 66.01.05 Pisortatigoortumik suliarinninnerit isertitatigut matussusikkanut nalunaarsorneqartalerata.

Allagaq aallarniutaasoq sapinngisamik tigungmiinnarneqarpoq, taamaaliornermi suut tunngavigalugit taak-ku akilerneqarnissaat piviusunngortinnerilu nassuiarneqassammata.

Naalackersuisut taamaammat isertitaqartoqarnissaa naatsorsuutigingilaat, sulianit kisitsisit aamma tamanna erserpoq.

11.11 Konto pingaarneq 66.01.05 Pisortatigoortumik suliarinninnerit isertitatigut matussusikkat

Apeqqut:

a. Siunnersortit immikkut annertuumik paasisimasallit nunanit tamalaaneersut atorineqartut titarnertaat arfineq aappaanni allaassimavoq. Taakku kikkuuppat?

Akissut:

Apeqqutaavoq akuersissummut pineqartumut pisortatigoortumik suliarinninnerit pillugit ikorfartorneqarnis-samik suut pisariaqartinneqarnersut, kisianni ataani allaqqapput siunnersuisut ilaat ukiuni kingullerni atorineqartartut.

- DCE
- LETT
- Bech-Bruun
- Deloitte
- PWC
- Acona Wellpro
- Willis Norge
- Willis Danmark
- SL Ross
- Scanpower
- SRK Consulting
- SGS Mineral Services
- Wardrop
- Rambøll
- Inuplan
- Golder

Apeqqu:

b. Missingersuutitut ilanngussa q paasiuminernerusoq ataatsimiititaliamit kissaatigineqarpoq; asser-suutigalugu aningaasartuutit isertitallu assigiinngitsut suliasami kisitsisini immikkoortiterlugit. Aningaasaqarnermut Ataatsimiititaliap eqqaamasat malillugit paasissutissiissutigineqarnissaa siusinnerusukut qinnutiginiuuua. Allanguutissatut siunnersuutissaq qilanaarineqarpoq.

Akissut:

Isertitanut aningaasartuutitullu tunngasunik suliat pillugit kisitsisit naatsorsuutigineqartut missingiutaapput siunissami aatsitassanut tunngasuni suliasanut missingersuutitut ilanngussap sananeqarnerata nalaani aallaaveqarluni.

2014-imi ukiunullu missingersuusiortifigineqartunut aningaasartuutitut isertitassanullu annerusumik immikkoortiterneqarnissaat Naalakkersuisunit pivusoq aallaavigalugu aqunnissaannut sunnernaannulluunniit periarfissaqarfigiunnangilaat. Taamaamat Naalakkersuisut isumaqarput siunissami isertitaajumaartussat aningaasartuutaajumaartussallu pillugit annerusumik nassuiaatigineqarpoq.

Aningaasaqarnermut ataatsimiititaliaq 7. september 2007-imi qinnutigaa taamani konto pingarneq 76.01.03 Aatsitassanut Ikummatissanullu Pisortaqaarfik - Isertitatigut matussusikkanik suliat-nut maanna konto pingarneq 66.01.03 Aatsitassanik aqutsisoqarfik – Isertitatigut matussusikkanik suliat, sulianut kisitsisinut ilanngunneqassasoq, matumanilu isertitat aningaasartuutillu pillugit kontomi pingarnermi ansuarneqassasut. Taamani Aningaasaqarnermut ataatsimiititaliamut nassuiaatigineqarpoq aatsitassaqaarnermi siumut ukiunik arlalinnik isiginninniarnissaq ajornakusoortuusoq, taamaattoq AIS 2008-p aappasaarnissaanut allanguutissatut siunnersuusiortoqassasoq, tassani isertitanut aningaasartuutitullu naatsorsuutigineqartut aamma sulianik paasissutissat ilanngunneqassallutik. Aningaasaqarnermut ataatsimiititaliap taassuma kingorna allanguutissatut siunnersuut akuersissutigineqassasoq innersuutigaat.

Apeqqu:

c. Aatsitassarsiornermi sulisorisat aatsitassarsiortunit aningaasalersorneqartut qanoq isertitatut nalunaarneqartarpat?

Akissut:

Aatsitassarsiornermik sulisut pikkorissarnerannut akiliutaasartut aatsitassarsiortunit utertitsinikkut aningaasartuutit akilernerqartarput. Taamaalilluni akuersissutitut pineqartunut ilinniartitsinissamik pisussaaffiit ukiumoortumik akilernerqarneq ajorput. Suleriaaseq imaappoq, suliffeqarfiit missingersuutit tigusaqare-

eraagamik siumut akuersissutigisarpaat ilinniarnernut aalajangersimasunut aningaasartuutunik utertitsiniarlutik. Pikkorissarnernut ataasiakkaanut taakkununga aningaasartuutit ingerlaavartumik nalunaarsorneqartarput, ukiullu naalernerani ataatsimut nalunaarsorneqartarlutik. Tamatuma kingorna akiligassaq suliffeqarfimmut nassinneqartarpoq, aningaasartuutitut akilerneqarsimasunut ilanngussat ilanngullugit utertinneqartussat.

12. Suliassaqarfik 70 – 77 Ineqarnermut, Pinngortitamut Avatangiisinullu Naalakkersuisoq

12.1 Konto pingarneq 70.01.01 Ineqarnermut, Pinngortitamut Avatangiisinullu Naalakkersuisoqarfik

Apeqqut:

Konto pingarnermi uani aningaasaliissutit 18,963 mio. kr.-inik ikilineqarsimasut qup. 479-imi allasimavoq. Tamanna kukkunerua?

Akissut:

Naamik

12.2 Konto pingarneq 70.01.04 Sanaartornermi aqutsineq suliniutinullu aningaasartuutit

Apeqqut:

Pilersaarusiorderup nukittorsarneqarnera sanaartugassanut pilersaarutit aningaasaliisarnermi piffissaliisarnermilu tulleriarisamerup pitsaannerusumik ataqatigiissarneqartarnissaanik nassataqassasoq titarneraat pingajuanni allasimavoq? Tamatuma itisilerneqarnissaa ataatsimiititaliamit kissaatigineqarpoq.

Akissut:

Ineqarnermut, Pinngortitamut Avatangiisinullu Naalakkersuisoqarfik naalakkersuisoqarfiaat allat kiisalu suliniutitut aqutsisut avataaneersut suleqatigai assigiissaartumillu ataqatigiissarisarinnissaa pisariaqarluni. Malitassanilli periaatsinillu peqannginnerisigut sanaartugassanik suliniutitut pilersaarusiordermi siunnersuinerit nukippassuarnik piffissamillu atuiffiusarpoq.

Anguniagaq tassaavoq malitassat suleriaasissallu taakku sananeqassasut Qitiusumik Naatsorsuuserivik Aningaasaqarnermut Nunamullu Namminermit Naalakkersuisoqarfiup ataaniittoq suleqatigalugu.

Aappassaaneerinnermi allagartaa paasinarninngorlugu allanngortissaaq.

12.3 Konto pingarneq 70.01.07 Sanaartornermi oqartussaassuseq

Apeqqut:

Sanaartukkat nutaat qassit ukiuni kingullerni tallimani pitsaanngitsumik aqutsivigineqarnermik ajornartorsiuteqarsimanersut paasissutissiissutigeqqullugu Naalakkersuisut qinnuigineqarput.

Akissut:

Sanaartukkat nutaat pitsaassusaasa ajornerat Namminersorlutillu Oqartussanit suliaritinneqartut pillugit ukiuni kingullerni tallimani pitsaanngitsumik aqutsivigineqarnermik ajornartorsiuteqarsimanersut qasserpiaaneri paasissutissiissutigineqarsinnaanngikkallarput.

Apeqqutip akinissaanut sanaartukkat suliarineqarsimasut pillugit pitsaassusaannik aalajangersimasumik nalunaarutiginnittarnermik kiisalu arlaannaannulluunnuut attuumassuteqanngitsumik nalilersuisartunik peqarnissaa pisariaqarpoq; maanna taamaattunik nunatsinni peqanngilagut.

Sanaartornermili oqartussat ilisimatinneqarput piffissami taaneqartumi sanaartornermi suliani 5-6-imi pitsaassuttip annertuumik ajornartorsiutitaqarneranik.

Suliat taakku tunngavigalugit misissueqqissaarnernik ineriartitsinernillu suliniutinik aallarnisaasoqarpoq, tamatumani siunertarineqarluni iliuusissanik tigussaasunik peqalernissaa – matumani pineqarluni ilaatigut siunnersuineramik suliaqartoqarnissaa kiisalu sanaartornermi sulialinnut sammititanik pikkorissaasarnissat – taassumalu siunertaraa sanaartornermi aqutsinerup nukittorsarnissaa.

12.4 Konto pingaarneq 70.10.03 Sillimmasiinerit

Apeqqu:

a. Suliassat konto pingaarnermut matumunnga tunngasut suleqatigisamit avataaneersumit suliamik ilinniagalimmit isumagineqarsinnaappat?

Akissut:

Aap aamma taamaattoqarpoq. Namminersorlutik Oqartussat Willis I/S sillimmasiineri isumaqatiginninniarbartutut atorpaat.

Apeqqu:

b. Ajutoornissanut pinaveersaartitsisinnaasunik suli suliniuteqartoqartoq titarnertaat tallimaanni allasimavoq. Tamatuma itisilerneqarnissaa ataatsimiititaliamit kissaatigineqarpoq.

Akissut:

Suliffeqarfinni namminersortitani immikkoortunilu ataasiakkaani soorlu peqqinnissaqarfimmi ilinniarfinnilu ajutoornissanut pinaveersaartitsisutaasunik suliniuteqartoqarpoq. Suliniutip taassuma ajutoornerit pitsaaliurlugillu apparsimaartippaat, tamannalu sillimmasiinerit akiliutigineqartartut amerlartornerannik apparsimaartitsisut aamma ilagaat.

12.5 Konto pingaarneq 72.06.51 Inissianik tunisineq – ilanngaaseereerluni tunniussineq

Apeqqu:

Aningaasaliissutit ikilinissaat missingersuutigineqarpoq, suliassamili kisitsisit allanngoratik – tamatumunnga suna pissutaava?

Akissut:

Kisitsisit takutippaat sinerissami inissianik tunisinerit Nuummi tunisinernit iluanaarutaasartut appasinnerusut. Namminersorlutik Oqartussat inissiaataannit tunisinerit maanna Nuup avataaniinnerupput.

12.6 Konto pingaarneq 72.10.17 Inissiat normuinut akiisarneq

Apeqqu:

Sulisunut inissiat amerleriarnerat imaluunniit immikkoortortat inissianut ataasiakkaanut akiliutaat isertitaqarnerussutissat qaffariarnernut pissutaappat?

Akissut:

Matumani pissutsit assigiingitsut atuunnerat pineqarpoq. Akitsuut ukiumoortumik akinut aningaasarsianullu aaqqinneqartarpoq. Tassunga aamma nipilersoqataavoq sinerissami ininut normut naatsorsuutigisamit amerlanerit piumaneqarsimammata.

12.7 Konto pingaarneq 77.01.03 Pinngortitaq Avatangiisillu

Apeqqu:

Aningaasaliissutigineqartut konto pingaarnermit 70.01.01-imit, Ineqarnermut, Pinngortitamut Avatangiisinnullu Naalakkersuisoqarfimmit, nuunneqartut titarnertaat kingullianni allasimavoq. Konto pingaarneq 70.01.01 9 mio. kr.-erluinnarnik ikilineqartoq aammalu kontomit tassannga konto pingaarnermut allanut

aningaasanik nuussisoqartoq eqqarsaatigigaanni konto pingaarnermi matumani aningaasaliissutit taamaannerat ataatsimiititaliamit eqqumiigineqarpoq Tamatuma itisilemeqarnissaa ataatsimiititaliamit kissaatigineqarpoq.

Akissut:

Naalackersuisut nutaat sulilernerisa kinguneranik oqartussaaffiit allangortiternqarmata konto pingarneq 70.01.01 aningaasaliiffigineqarluni aningaasanik aallerfigineqarpoq.

12.8 Konto pingarneq 77.05.01 Mingutsaaliunermut atortulersuutit

Apeqqu:

Suliassat ilangaatsiarsui tassaasut qulaajaanit misissuinerillu suliassami kisitsisinit takuneqarsinnaavoq. Qulaajaanit misissuinerillu atorneqarsinnaasunik qanoq kinguneqarsimappat?

Akissut:

Misissuinerit qulaajaanerillu ilaatigut kingunerisimavaat eqqagassat aalajangersimasut ataasiakkaat eqqagassallu allat suliarineqarnissaat pillugit Naalackersuisut ersarissunik maleruagassiorsinnaalerneranik, soorlu PCB-nik akulinnik eqqagassanik (2014-p aallartinnerani piareersimanissaa naatsorsuutaavoq) passussineri. Qulaajaanit aamma kingunerisimavaat eqqagassanik passussisarnerit allat nutaat misilerneqarnerat. Tamatuma saniatigut aningaasaliissutit paasisitsiniaanernut isummanillu allangortitsinissanut suliniutinut atorneqartarput.

12.9 Konto pingarneq 77.05.03 Avatangiisit, uuliaarluernernik akiuinnermut atortunik pisinermut tapiissutit

Apeqqu:

a. Atortulersuutitut Cairnimeersunut tunngatillugu ataqatigiissaarinissaq qanoq qulakkeerneqassava? Uuliaarluertoqarnerata akiorneqarnissaanut atortulersuutit sillimasiisinnaanermut apeqqu eqqarsaatigalugu nutaanngippallaalersinnaanerat Naalackersuisunit qanoq qulakkeerinniffiginiarneqarsimava?

Akissut:

Uuliaarluarnissamut atortulersuutit Cairnimeersut suliffeqarfiup Greenland Oil Spill Response A/S-ip pilersinnerani pigisatut nalillit ilanngunneqarput. Greenland Oil Spill Response A/S suliffeqarfittut namminersortutut isigineqarpoq ajutoortoqarnerani uuliaarluarnermi atortunik tunniussisinnaasutut. Aatsitassarsiornermut attuumassuteqanngitsumik uuliaarluartoqaraluarpat Ineqarnermut, Pinngortitamut Avatangiisinullu Naalackersuisoqarfiup ataaniittumut Avatangiisinut immikkoortortaqarfiup Greenland Oil Spill Response A/S attavigisinnaavaa tusarniarlugu namminersortunut tunngatillugu qanoq ikiuinissamut periarfissaqartoqarnerisq.

Avatangiisinut immikkoortortaqarfiup akisussaaffigaa nunatta imartaani aatsitassarsiorfinnit susarsarineqanngitsumi uuliaarluartoqarnerani upalugaarsimasussatut, atssa 3 smil iluani. Uuliaarluartoqarnerani upalugaarsimasut illoqarfinni 12-ini qatserisarfinni inuttaqarlutillu atortoqarput. Atortut kommuneni qatserisartoqarfinnit atorneqartarput illoqarfiillu qanittuani 3 smilip killissarititaata iluani uuliaarluartoqarnerani atorneqartarlutik.

Ajutoortoqarpat najukkani upalugaarsimasut suliarisinnaanngisaannik Avatangiisinut immikkoortortaqarfik arlalinnik periarfissaqarpoq. Greenland Oil Spill Response A/S atortunik ikioqqulluni attavigineqarsinnaavoq, imaluunniit Avatangiisinut immikkoortortaqarfiup danskit naalagaaffiat attavigisinnaavaa (Issittumi Sakkutooqarfik) qinnuigalugulu mingutsitsinerup akiornissaanut aqutsineq tigoqqullugu. Periarfissatut kingullertut Avatangiisinut immikkoortortaqarfiup nunani tamalaani suliffeqarfimmik ikioqqulluni ujarlersinnaavoq.

Uuliaarluartoqarnerani atortuutit najukkani pigineqartut nakkutigineqarnissaat Avatangiisinut immikkoortortaqrarfiup akisussaasutit pisussaaffigai. Avatangiisinut aqutsisoqrarfiup atortuutit ataavartumik nuntarternissaat aserfallatsaalinnissaallu suliarisarpaa. Avatangiisinut immikkoortortaqrarfiup qaammatinut pingasunut ukiumoortumillu nakkutilliarturnerani qularnaarneqassaaq atortut atorluarsinnaanissaat.

Avatangiisinut immikkoortortaqrarfiup ukiuni kingullerni nalaappaa suliaq ataaseq, tassani sillimmasisarfiup uuliaarluartoqarnerani aningaasartuutinik matussusiisariaqarsimanera. Pisumi pineqartumi atortut qanoq qanganisaatiginerat apeqqutaasimangilaq, kisiannili suliarinninnerup annertussusaa, kiisalu tassuunatigut uuliaarluartoqarnerani saliinermi aningaasartuutit tamakkerlugit.

Apeqqut:

b. Atortut siunertamut atorineqarsinnaanngippata, tamanna Namminersorlutik Oqartussanut qanoq kinguneqassava?

Akissut:

Nunatsinni uuliaarluartoqarnissaanik upalugaarsimasut 3 smilip iluani uuliaarluartoqarnerani minnerni illoqrarfinnilu qanittumi suliaqarsinnaapput. Atortut assiaquttanik puttasunik 200 meterit missaannik takissusillinnik kiisalu illoqrarfinni aqqaneq-marlunni tamani katersuutinik assigiinngitsunik atortulersugaapput. Uulianik milluaassutit uulianut oqinnernut naatsorsuussaapput uuliallu oqimaannerit suliarisinnaanagit.

Imartatsinni annertuumik uuliaarluartoqarneranik kemikalianillu annertuumik aniasoqrarnerani atortut tulluutinngillat. Taamatut pisoqrarnerani Namminersorlutik Oqartussat danskit naalagaaffiat attavigisinaavaa (Issittumi Sakkutooqrarfik) qinnuigalugulu mingutsitsinerup akiornissaanut aqutsineq tigoqqullugu qinnuiginnissinnaapput, tak. danskit aningaasanut inatsisaanni oqaasertaliussat. Imartatta avataani uuliaarluartoqarnerani Issittumi Sakkutooqrarfik uuliaarluarnerup akiornissaanut akisussaasuvoq. Namminersorlutik Oqartussat nalinginnaasumik Danmarkimit imaluunniit uuliaarluartoqarnerani annertuuni nunani tamalaani suleqatinik ikiorteqrarinnissaq pinngitsoorsinnaanngilaat.

Atortut siunertamut tulluutissanngikkaluarpata kingunerisassaanut tunngatillugu pissutsit assigiinngitsut apeqqutaassapput, soorlu ajutoornerup annertussusaa, pisumi silap qanoq innera, upalugaarsimasut sili-aasa annertussusaa, Danmarkimit nunanilluunniit allanit nunanit tamalaanit suleqatinik ikiorserneqrarneq il.il.

Apeqqut:

c. Uuliaarluartoqarnerata akiorneqarnissaanut atortulersuutit Cairnimeersut Aatsitassarsiornermi Aningaasaateqrarfik pillugu inatsit naapertorlugu aatsitassarsiornermi isertitatut ilaatinneqarnissaat aammalu tamanna tunngavigalugu Aatsitassarsiornermi Aningaasaateqrarfik atuutilersinneqassasoq Naalakkersuisunit eqqornerarneqarsinnaava?

Akissut:

(Aatsitassaqrarfiup akissut suliarilerpaa*)

12.10 Konto pingaarneq 77.05.05 Igitassanik tigooraaveqrarfinnik aamma eqqakkat pilerfii aallaa-vigalugit immikkoortiterisarnermut tapiissutit

Apeqqut:

a. Aningaasaliissutit ikineqarnerannut suna tunuliaqutaava?

Akissut:

Kontomut pingaarnermut tassunga aningaasat tapiissutaasarpud kommunet tigooraaveqrarnerannut, eqqakkanik pilerfii aallaavigalugit immikkoortiterisarnermut kiisalu eqqakkanik allanik ajornartorsiuataasartunik passussinerannut.

Aningaasaliissutit ikilineqarnerannut aamma peqquataasoq tassaavoq illoqarfinni anginerumaani amerlan-
erni tigooraaveqalersimammat, taamaammallu illoqarfinnut anginerumaanut aningaasaliissutit 2014-imi
aamma appariarput.

Kontomut pingaarnermut tassunga aningaasaliissutit 2013-imit 0,6 mio. kr.-inik appartinneqarput. Anin-
gaasat taakku kontomut pingaarnermut 77.01.01-mut Ineqarnermut, Pinngortitamut Avatangiisinullu
Naalackersuisoqarfimmut nuunneqarput eqqakkanut tunngasunik suliassanik suliarinnittussamik AC-
fuldmægtigemik atorfinitsitsisoqarnissaanut atugassaallutik. Tamanna pissaaq eqqakkat tungaasigut
naalackersuisoqarfiup kommuninut nakkutiginninnerata, ilitersuinerata siunnersuineratalu sukumiineru-
sumik nakkutiginninnissaanut.

Apeqqut:

*b. Konto pingaarnermi matumani aningaasaliussanut sanilliullugu eqqagassalerinermut pilersaarut sumut
killippa?*

Akissut:

Eqqagassanut iliuusissatut pilersaarusiap 3-p atuutsinneqalernissaanut kontomu pingaarnermi tassani
aningaasat aamma atorneqassapput. Killiffik tassavoq illoqarfinni nunaqarfinnilu arlaqartuni tigoora-
veqalersimanera.

Apeqqut:

*c. Eqqagassalerinerup ullutsinnut naleqquttup pilersinnissaanut aningasartuutit aningaasanut inatsisit
aqqutigalugu akilerneqamissaa Naalackersuisunit qanoq isumaqarfigineqarpa?*

Akissut:

Namminersorlutik Oqartussat kommunellu eqqagassalerineq avillugu akisussaaffigaat. Kommunit siullertut
oqartussaasuupput eqqagassat suliarinissaannut isumaginissaannullu. Erseqqissassallugilu pingaarpoq
kommunit kisimik aningaasalersuisinnaanngimmata kisimiillutilluunniit aningaasalersuisussaannngimmata.

Namminersorlutik Oqartussat taamaammat Aningaasanut inatsisitigut eqqagassalerinermut atugassanik
ukiumut immikkoortitsisarpoq. Aningaasaliissutit taakku atorlugit kommunit eqqagassalerinermik misi-
leraalluni suliniutaannut atorneqartussanik kommunit tapiiffigeqqullutik qinnuteqarsinnaapput. Aningaasa-
liissutitigut siunertarineqarpoq, kommunit aamma Namminersorlutik Oqartussat suleqatigiillutik eqqagas-
sat tungaasigut pitsaanerpaamik aaqqiissuteqartarnissaat.

Kommunit misileraallutik suliniutiminnut tapiiffigineqarsinnaanerata sunneeqataassaaq kommunit piffissa-
mut naleqquttunik eqqakkanik suliarinnissinnaalernerannik sukkanerusumik kinguneqassaaq. Namminer-
sorlutik Oqartussat aamma tapiissuteqartarput eqqakkanik ulorianartunik ajornartorsiutaasinnaasunilluun-
niit passussinissamat atorneqartussanik kommunit tigooraaviliornissaannut.

Naalackersuisut anguniagaraat AIS 2015-imi tamatumani suliassaqarfimmi sanaartornissamat pilersaar-
siortoqarnissaa. Suliaq taanna kommunit suleqatigalugit suliarineqarnissaa siunertaavoq.

13. Suliassaqarfik 80-89 Ineqarnermut, Pinngortitamut Avatangiisinullu Naalacker-suisoq – Sanaartorner- mut tunngasut

13.1 Konto pingaarneq 82.20.02 Pisariilisaaneq-suliniutit, ERP

Apeqqut:

a. Aningaasaliissutit 2014-imi taama malunnaateqartigisumik ikilineqarnerannut suna tunngaviua?

Akissut:

2014-imi aningaasaliissutinik ikililiisoqarnissaa pineqanngilaq. Allannguuteqarani 2,5 mio. kr.-iupput. 2014-imi sammineqassaaq piumasaqaateqarsinnaaneq kiisalu suliarinnittussarsiuussineq.

Apeqqut:

b. Atortorissaarutissaq qaqugu atuutilersussatut naatsorsuutigineqarpa sumullu killippa?

Akissut:

ERP-mi allattoqarfiup naatsorsuutigaa atortorissaarutit 2015-ip aallartinnerani atuutilernissaat. Tamanna piffissaliussanut pilersaarutitut siullernut allannguuteqanngilaq. ERP-mi allattoqarfiup Immikkoortoq 1 – Misissueqqissaarneq naammassigajalerpaa. Tusarniaassutit septemberip naanerani nassiuussuunneqasapput.

Immikkoortumi 2-mi anguniagaavoq pisortani tamani atortorissaarutitut piumasaqaateqarnissaaq kiisalu suliariumannittussarsiuussinissaaq.

13.2 Konto pingaarneq 82.30.12 Utoqqaat angerlarsimaffii

Apeqqut:

a. 2014-imi ukiunilu missingersuusiortifinni aningaasaliissutit taama malunnaateqartigisumik ikineqarneranut suna tunngaviua?

Akissut:

AI 2013-imi 2014-imut 11,6 mio.kr.-it immikkoortinneqarsimapput, 0,4 mio. kr. 2015-imi kiisalu 0,4 mio. kr. 2016-imi. AIS 2014-imi 2014-imut immikkoortinneqarsimapput 17,925 mio. kr., 6,1 mio. kr. 2015-imi, 4,0 mio. kr. 2016-imi aamma 0,4 mio. kr. 2017-imi. Taamaalilluni malunnaatilimmik appaasoqarani aningaasaliissutinik 2014-imut ukiunullu missingersuusiortifinnut qaffaasoqarluni. Naalakkersuisut anguniagaraat AIS 2015-imi tamatumani suliassa qarfirmi sanaartornissamut pilersaarusiortoqarnissaa. Suliaq taanna kommunit suleqatigalugit suliarineqarnissaa siunertaavoq.

Apeqqut:

b. Inerisaanissamut pilersaarut kommunit kissaataannut naapertuuppa?

Akissut:

Aningaasaliissutit kontomi pingaarnermi Namminersorlutik Oqartussat kommunenut tapiissutigaa, tak. missingersuutitut ilanngussami oqaasertat.

13.3 Konto pingaarneq 84.40.10 Kommunini atuarfiit

Apeqqut:

Iluarsartuussinermut Namminersorlutik Oqartussat ullumikkut isumaginnittuunerannut atuarfiit iluarsartuunneqarnermikkut aserfallatsaaliorneqarnermikkullu nuussinerup nalaani kinguaattooq qaffiunerat aammalu atuarfitsialaap atuutilersinneqarneranut atatillugu atuarfiit illutaannut piumasaqaatit allanngorne-rat annertunerulemerallu pissutaasoq titarnertaami siullermi allassimavoq.

a. Atuarfiit sorliit iluarsanneqarnerat Namminersorlutik Oqartussanit suli isumagineqarner-soq aammalu atuarfimmu tunngasut kommunimit suliassa qarfigineqarneranik aalajangersagaq naapertorlugu atuarfiit qassit kommuninit tiguneqarsimanersut pillugit nassuiaat naatsoq ataatsimiititaliamit kissaatigineqarpoq?

Akissut:

Sanaartornernut marlunnut Namminersorlutik Oqartussat ullumikkut isumaginnittuupput konto pingaarnermi 84.40.10 Kommunini atuarfiit. Pineqartut tassaapput Narsami atuarfik Ilulissanilu atuarfittaassaaq.

Atuarfiup tiguneqarnissaa siunertaralugu meeqqat atuarfii pillugit Inatisartut inatsisaat nr. 15, 3. december 2012-imeersumi § 54, imm.2 naapertorlugu atuarfiit kommuninut suli tunniunneqanngillat.

Apeqqu:

b. Iluarsaassinerit Namminersorlutik Oqartussanit qaqugu isumagineqarunnaamissaat Naalakkersuisunit naatsorsuutigineqarpa?

Akissut:

Atuarfeqarnermi sanaartugassatigit suliassaqaarfik kommuninut tunngaviusumik nuunneqarnikuugaluarpoq. Iluarsartuussinernut Namminersorlutik Oqartussat ullumikkut isumaginnittuunerannut pissutaavoq atuarfiit iluarsartuunneqarnermikkut aserfallatsaaliorneqarnermikkullu nuussinerup nalaani kinguaattooq-qaffiunera aammalu atuarfitsialaap atuutilersinneqarneranut atatillugu atuarfiit illutaannut piunnaasaqaatit allanngornerat annertunerulernerallu. Ingerlatsinermut aserfallatsaaliuinernullu aningaasartuutit kommuninut akilerneqartar-put.

Meeqqat atuarfiat pillugu suliassaqaarfimmud pilersaarut 2004-mi septemberimeersoq kingornalu nutaartai naapertorlugit nutarterisoqareerpat siunertaavoq meeqqat atuarfii pillugit Inatisartut inatsisaat nr. 15, 3. december 2012-imeersumi § 54, imm.2 naapertorlugu atuarfiit kommuninut tunniunnissaat.

Apeqqu:

c. Kommunit kissaataat aammalu aningaasaliissutigineqartut tamakkiisumik imminnut naapertuunnersut paasissutissiissutigineqassasoq ataatsimiititaliamit kissaatigineqarpoq?

Akissut:

Konto pingaarneq 84.40.10 Kommunit atuarfii AIS 2014-imut maanna isikkumisut isikkoqarluni akuerisa-assappat kommunit kissaataannut aningaasaliissutillu naapertuulluinnassapput.

13.4 Konto pingaarneq 84.40.15 Ilinniartut inaannik sanaartorneq

Apeqqu:

a. Aningaasaliissutit 2014-imi taama malunnaateqartigisumik ikilineqarnerannut suna tunngaviua?

Akissut:

Malunnaateqartumik 2014-imut aningaasaliissutinik appaanerunngilaq. AI 2013-imi BO 14-imut tunngasut 0 kr.-inik immikkoortitsisoqarsimavoq. AIS 2014-imut 15 mio. kr.-it immikkoortinneqarsimapput. 2014-imi immikkut ittunik amerlasuunik isertitaqartoqassappat Naalakkersuisut naatsorsuutigaat siornatigit pisartut assigalugit kollgianik sanaartornermut ilaatigit atorneqassasut.

Apeqqu:

b. Ilinniartunut inissiani inissaqannginnertik pissutigalugu ilinniartut qassit ukioq manna ilinniarnerminnik aallartitsisimannngillat aammalu ukiumut atuarfiusumut tullermut Naalakkersuisut qanoq naatsorsuutiginnippat?

Akissut:

Ilinniartut atuartullu kollegianik inissaqannginnertik peqqutigalugu atuarnerminnik aallartitsinngitsoortunik Naalakkersuisut ilisimasaqanngillat. Illoqarfinni ilinniartuunni kollegianillu amigaateqarfiusuni inissaqartitsiniarnermi namminersortut attartuiffigineqarallartarput, ilinniartitaanermut, ilageeqarnermut, Kulturimut Naligiissitaanermullu Naalakkersuisoqarfimmud ilinniartuunni naammattunik uppersaasinnaagaagamik. Naalakkersuisut nassuerutigaat ilinniarnernut aallartinnissaa eqqarsaatigalugu kollegianik inissaqartitsisoqarnerasoq pillugu kigusissumik ilisimatitsisoqartarnera, tamatumalu kingunerisinnaasarpaa ilinniarniartut kollegianik inissamik tunineqannginnermini ilinniarnissaminnik unitsitsitsinnarnerannik.

13.5 Konto pingaarneq 84.40.16 Kultureqarnermut sanaartukkat

Apeqqu:

*KNR-ip illussaata nutaassap tusagassiuuteqarfittut imaluunniit kulturikkut siunertanut allanut aamma ator-
neqarsinnaasunngorlugu siunissaq eqqarsaatigalugu qulakkeerneqarnissaa Naalakkersuisut isu-
maliutigisimavaat?*

Akissut:

KNR-ip illussaata nutaassap tusagassiuuteqarfittut atulernissaa eqqarsaataasimavoq, tusagassiorfimmik
allamik naammaginatsumik isumaqatigiissusiortoqarsinnaappat.

Aningaasaliissutit tusagassiuuteqarfimmut tunniunneqartussat KNR-imit taamaallaat ator-
neqarsinnaasap-put, taamaammat tusagassiuuteqarfiit tusagassiuuteqarfimmut illussamut soqutiginnittut sanaartortit-
siner-
mut namminneq aningaasaleeqataassapput.

Naalakkersuisut pituttuisuunngitsumik tusagassiuuteqarfiit arlallit oqaloqatigiaat Inatsisartuni AIS14-p sulia-
rineqarnerani KNR-ip illutassaanik sanaartornissamut aningaasaliissutit akuerineqassappata. Aamma-
taa-
q soqutiginnittut avataaneersut kulturimik suliaqarnissamut suleqatigiissinnaanermut pituttuinngitsumik
oqaloqatigiittoqarpoq.

13.6 Konto pingaarneq 87.00.88 Nunaqarfinni isorliunerusunilu sanaartortitsinissamut pilersaarut

Apeqqu:

*Konto pingaarneq una qanoq periarfissiinersoq pillugu paasisitsiniaanissat pisariaqartut Naalakkersuisunit
ingerlanneqarpat?*

Akissut:

Konto pingaarnermit aningaasaliissutit atorlugit kommunit sanaartugassanik ataasiakkaarlugit aggu-
a-
v-
ineqartarput. 2014-imi sanaartugassat pillugit kommunit sisamat tamarmik pitsaasumik attavigineqarluti-
lu oqaloqatigineqarput.

Inussiarnersumik inuulluaqqusillunga


Vittus Qujaukitsog

Aningaasaqarnermut Nunamullu Namminer-
mut Naalakkersuisoq